

白田風雅


卷一



空田風集

卷一




























田正





卷之六  
金匱



序

昔者太史氏乘輶軒以采風凡民間俗尙之媿惡風土之優劣物產之殊異莫不登諸咏歌至於孔子刪詩遠如幽僻陋如秦微末如曹檜皆所不廢然則萃集總滙使前人之心思有所寄來者軌轍有可徵考以待他日之采擇者是固士君子所宜亟爲者也寶應介江淮河海之閒波濤滌瀚地勢卑下居民有昏墊之患然其風氣樸茂篤學好古文儒鴻筆之士颯颯乎多出其閒予來是邑幸獲交於郁甫朱先生寶邑旣素以仕族相尙先生世胄之懿冠冕南服有明中葉大參府君九江府君皆以碩學麗藻與一時聞人游至 國初而侍御府

PL  
2537  
C8  
V.1



君繼之其後止泉先生復以醇儒闇修見重朝野厥嗣宗洛纘繩其緒蓋自明以來至今四百餘年而文學科目縣繹弗絕知名之士相望於時屈數海內世家如朱氏者誠未易以概睹也先生清脩儉節謙以接士寒暑嗜學不少輟簡嘗因邑中前輩之舊編輯國朝以來諸家詩爲白田風雅若干卷網羅放失蒐纂軼事善雖微而必錄人雖陋而必彰蓋古之君子與人爲善雖以道里遼遠山川閒隔彼其精神感通有流連而不能自己者況乎維桑與梓必恭敬止者乎此古之至人所爲徵滄浪感鳳兮反而後和之盛心能使後之人興起乎無窮也吾知後有閱覽博物君子者出論著海內文字



而考信其實者意必將有取於斯道光元年辛巳三月  
婁縣姚椿序







白田風雅目錄

卷一

趙開雍十一首

王彬一首

范之俊一首

王康一首

鄒之璜一首

李藻先六首

楊燭二首

韓宗愈一首

王有光二首

卷二

湯廷璉四首

成明義二首

潘煜如一首

王玟十四首

徐宗道二首

湯廷相一首



湯廷頌三首

朱四輔四首

孫世勳一首

鄭在湄四首

王巖六首

喬邁九首

王世光二首

張翊二首

丁敦三首

陳三輔一首

鄒周奭一首

仲以懿三首

仲立一首

卷三

陶澂五十六首

卷四

陳銑三首

陳鈺三十五首



王孫晉十六首

喬寅三首

卷五

喬萊二十二首

成康保八首

郭昂一首

朱展五首

季愈一首

王式丹七首

劉國敬六首

卷六

劉中柱十七首

喬蓋二首

喬出塵十七首

湯啟祚一首

喬尹度十首

卷七

湯輝祚十二首

喬守愿一首

朱峻一首

成康傳一首

劉國藻一首

王旂一首

張伸一首

鄭乾清四首

陶震一首

陶蔚九首

周宗魯一首

王天仁二首

卷八

喬崇烈十二首

劉中從一首

劉家珍十四首

喬崇讓三首

張易忬一首

喬兆棟三首

喬崇修三首

王懋諱四首



恥不建齋集

吳姚孟起題



不立齋集



王碩二首

卷九

王懋竑二首

王懋訥二首

姚修珩一首

成珥二首

喬茂才二首

王烜生一首

朱濤二首

張遵路二首

苗莊二首

劉師向二首

劉師恕七首

張於朝一首

劉師寵一首

潘遇龍一首

喬鐸十一首

喬湜五首

潘遇莘一首

潘夢舉三首

潘夢龍一首

潘學徐一首

卷十

郭束九首

王箴輿七首

喬肅五首

袁鯤化一首

王頤二首

黃豫六首

黃觀十七首

劉枚一首

王箴翼二首

胡幽五首

劉固猷一首

郭楷一首

劉闊二首

楊鎬一首

王哲一首

王恪一首

卷十一



喬億六十一首

朱賽十七首

卷十二

喬人儀二首

喬漢一首

喬元臣一首

劉玉堂一首

喬其繩二首

劉傳馨一首

楊景漣九首

王希伊一首

湯希儀一首

喬渠二首

喬光傳一首

劉穎四首

劉世讜一首

劉世暮二首

劉子方一首

劉仰桂六首

劉譚二首

卷十三

吳演一首

吳承基十一首

吳自強三首

朱雯一首

黃夢鷗一首

張光裕二首

范新民一首

潘昌齡一首

祁如琛二首

王箴邵一首

楊爲模二首

劉澗一首

成光化一首

黃學周一首

杜士祿二首

趙璉五首

謝澣一首

張龍光一首

朱應麟一首

梁衍泗一首



湯禡二首

失名四首

卷十四

王斯恬十九首

湯之桂六首

王斯愷二首

王斯懌一首

喬大椿六首

王汧六首

劉贊揆一首

周英五首

王元音二首

芮增畹二首

張紹先一首

成永健一首

卷十五

王嵩高三十一首

喬仙伊二首

喬士玉二首

從科二首

王繼程一首

張康衢一首

喬標六首

喬方立四首

卷十六

湯應隆九首

劉天麟一首

劉兆彭二首

劉履恂六首

湯襄隆五首

王泰一首

劉玉麟十一首

張雅涓二首

喬大鴻二十九首

王希方三首

卷十七

喬大鈞四首

朱原長四首

芮永甦一首

張溯彭二首



張承桂一首

繆昞七首

黃道一首

陸向一首

陸培一首

劉與喬二首

李光祚二首

王斯惇四首

湯祺三首

喬烺六首

劉贊燮一首

王大受一首

徐思勉九首

喬羲齡一首

喬勣七首

祁念祖一首

趙立誠一首

劉異十八首

卷十八

潘湘九首

吳驥一首

吳駒二首

王曉十首

吳湘珠六首

劉台斗七首

劉彥矩一首

陳景藩四首

劉玉麒一首

喬鼇一首

喬熊一首

喬騏一首

劉萃集二首

劉芝集三首

方文炳二十八首

卷十九

朱傳芳二首

吳文奎三首

吳明健三首

吳樹本二首

王閏生五首

劉寶篆二首



劉源岷五首

胡臻禧九首

喬芬十四首

房崇三首

葉士珍四首

張永升二首

張德一首

陶□□一首

失名六人共七首

卷二十

家集上

朱克簡七首

後學劉寶楠填諱

朱克生四十二首

朱宣五首

朱約十二首

朱紀一首

朱績一首

朱纘一首

朱經十四首

外曾孫喬德謙填諱

卷二十一

家集下

朱澤潢三首

朱澤澣一首

朱澤淵一首

朱澤沆二首

朱之璣五首

朱澤況四首

朱輅二首

朱光進四首

朱輿三首

朱芾一首

朱宗光十三首

朱宗贇九首

受業喬載成填諱

朱鳴鑾六首

朱宗大十二首

朱宗康一首

朱慶二首

朱毓賢八首

朱靜一首

卷二十二

閨媛

陳傳姜二首

劉文芳九首



劉文蘭一首

喬又李二首

潘意一首

喬若蘭三首

劉氏二首

劉無非一首

劉無儀一首

喬鍾儀一首

祁瑞華一首

成氏一首

失名一首

卷二十三

釋子 羽士

淨鐸一首

元徹十五首

夢覺一首

行一首

行演一首

成楷二首

蹈光一首

韓崇誼二首

卷二十四

官師 流寓 酬贈

孫蕙六首

葉燮十八首

張增一首

吳資生一首

吳春濛一首

王蒼六首

梁以樟十首

王潔一首

王猷定二首

李振裕七首

宋琬二首

施閏章六首

王士正四首

程可則四首

顧自惺一首

陳玉璫一首

朱彝尊四首

潘耒四首

汪楫一首

湯右曾十五首



王漢藻一首

查慎行十首

邱迴一首

方扶南二首

沈德潛三首

方觀承二首

萬邦榮一首

邱照一首

邱謹三首

袁枚五首

曹錫寶一首

王文治四首

陸飛一首

李鳴謙一首

沈植基二首

吳進一首

朱簣三首

程名世三首

李榮四首





白田風雅卷之一

寶應朱彬武曹甫輯

趙開雍

字五紘順治丙戌舉人授兗州府推官遷南安府同知以慶遠府知府致仕著有北征草東魯草嶺北草江行詩思生錄

鄧孝威曰韋齋出守宜州甫一載卽挂冠歸逸致高風足繼彭澤

劉雨峯曰太守宦跡所至皆有循聲性耽風雅雖案牘盈前不廢觴詠

老龍池阻風

江行最苦北風惡十日之中九日作峭帆冒險不能前  
老龍池上維青雀思歸日傍大江流如此風波只合休  
人生遂意詎有幾極羨江鷗浩蕩游

觀音巖

巖石同天造維舟紀勝緣  
徑幽僧導火苔古佛忘年洞  
可千人坐樓驚百丈懸誰能躋絕巘箕踞嘯風煙

青石關

一關當險立峭壁列層巔  
馬蹙羊腸雪人穿鳥道煙石  
鼓真畫譜樹老近天然慚愧風塵吏勞勞夕照邊

桐廬道中

邑小同村落千峯列縣前  
灘高潮力減風順櫓聲便樵  
徑雲中路人家畫裏天結鄰擬卜此先辦買山錢

荒城烟火  
縹緲欲絕

孫思  
九日

同實甫郡伯曉潮司理登梅嶺

鑿石通吳粵殘碑尙勒年  
高攀一綫嶺下瞰百蠻天偃



壑龍鱗古懸崖鳥道穿山雲須擁護萬里絕烽煙

鄧孝威曰

初唐風格

### 之南安別魯諸生

臘盡終風雪漸加凍雲衰草送孤槎不勝魯酒愁千斛  
悵望章江水一涯地遠只防鄰瘴氣官閒且得看梅花  
自憐天末飄蓬去回首南樓鬢欲華

### 登石鐘山

參差怪石臨江滸碑碣千年志石鐘仄徑夜深森洞壑  
空潭晝激恐魚龍水分吳楚波濤壯山對匡廬翠靄重  
不憚捫蘿登絕頂孤筇疑有白雲從

### 金山樓居

樓居恰俯江三面風雨無端忽閉門怪石釜翻左右沒  
亂流箭激東西奔月光不敵陰霾氣山色常留積水痕  
濡墨飲醇無一可安排跌坐了黃昏

鄧孝威曰蒼堅老  
硬有參天溜雨之

勢

### 將抵淮浦寄弟燕及

兩年此地兩經過極目秋原遍黍禾古磧浮雲昏白日  
西風雪浪捲黃河逢人漸喜鄉音近問稼新知歲事和  
待汝扁舟淮水上一尊相對共婆娑

### 過郟城

瘦馬駸駸渡水濱城闌半掩日將曛道旁父老驚相顧  
猶識當年舊使君



將抵真州寄星垣二弟

江上淹留白日眠一官何處不連潮聲直下真州去  
先寄愁心報惠連

王

彬

字子野順治丙戌舉人丁亥明通榜官德興縣知縣

過喬侍讀縱棹園

先生別業畫川東橘刺藤梢取次通喜有篙添春水綠  
頓教人羨酒船紅沿隄鶯語調歌舌隔岸鷗羣狎釣筒  
我亦湖山蓑笠客吟詩肯許一舟同

范之俊

字磊嶠順治丙戌舉人

爲元長寫溪山圖並題

蒼山萬疊水千重寂寞空亭雲氣封多少高人閒卜室

可曾此地一攜筇

王康

字燕貽康熙壬子舉人著有豫園詩集

望白馬湖

澄波如練亙天涯萬頃蒼茫一望賒澤國頻年沈瓠子  
春流何日宴桃花煙村遠樹三家出漁浦輕帆幾葉斜  
雙社波光同一色明珠空自夜行沙

鄒之璜

字爾佩以恩貢廷試官監察御史建言獲罪戍塞外卒

偶拈

安仁入市看不厭太沖行來唾其面愛妍嫉惡理固然  
試看策馬長安道春風翩翩多少年

鄧孝威曰如古謠諺愈樸愈婉

李藻先

字黼臣順治丁酉舉人右通政茂英子著有甲申詩湖外吟南遊草



遊道堂詩話孝廉詩集未見唯王阮亭尚書  
感舊集載數首風味頗近儲太祝

將入都門留別王阮亭司理

大雅不常邁羣才失甄陶北面仰岱宗千峯難爲高明  
遠抱餘慨雨澤慰所遭宏休展禮樂淵緒衍箕皋江干  
化日舒三都方濡毫笙簧依廡序獎掖忘勤勞竊拾先  
世歡斟酌厭醇醪秋月瑩萬里光被邗江濤落拓國門  
遊清霜侵鬢毛夙昔書紳言聊舉或自豪公卿聖哲多  
鴻名安可韜袞職資山甫天路有旌旄

獨步過田家

市行畏逢人村行得恣意困懶策短藜踽踽信所至李  
花夾岸迴芡簷暫留憩田夫如太古見只話農事春苔

野碓閒歲熟壺樽易生長大澤閒未嘗見官吏對此悔  
夙昔渺然增遠思堯田何必腴石戶豈非智

竹溪草堂

懷葛已緜邈遺俗在湖濱我欲浮家至老作此鄉民漁  
父爲東舍園客爲西鄰手把樹藝書雨雪蒼簑春飲杯  
味不厚種竹用不神褊心蒙世棄允與子相親

牧牛詞

累世爲農家旣耕亦已牧水田生力薄常恐悞良犢朝  
驅上高坂暮歸越深麓坂高不可飲麓深不可宿頗厭  
多勤勞夜臥幸得熟家人慰壺飧唐園嗤野腹亦有牛  
口歌但歌年歲足



過門前小溪行聞老屋中機杼聲

村居水爲垣動輒待舟楫農事畢西成我亦閑步履沿  
扉簇野紅莫辨是花葉促織有餘音機杼果相接作苦  
不惜力當此近冬月水國少蠶桑茲聲久已闕粟死衣  
帶閒致使王風歇聞之不忍過未能卽熨貼浮沈失自  
知負彼四民業

過邗關柬成計部

相國聲華屬望高士林爭覩鳳凰毛  
北宸已動郎官  
譽南服新兼使者勞疏道徵輸煩轉權裕邊芻粟待飛  
艚深慙世切河汾誼捧袂今乘萬里濤

楊鼎

字紫虹順治辛丑進士官平涼府同知

海陵歸舟

八月金風已戒寒輕帆一葉挂迴瀾波搖菡萏香堪掬  
水映芙蓉色可餐傍岸人家舟作市沿溪僧舍柳爲欄  
夕陽何處聞簫鼓回首煙波憶舊歡

采菱曲

日出采菱去日入采菱歸來往鴛鴦浦驚起鴛鴦飛  
郎如湖中菱妾似湖中水菱去落誰家湖水清見底

韓宗愈

字斗望崇禎閒以拔貢歷官銅仁府推官先  
後擒妖民平苗亂入國朝擢銅仁府知府  
所至皆有廉聲值孫可望之亂道阻不得歸  
以授徒爲業康熙初始歸未幾卒

山中早行

山徑人行早牽車怯旅魂臨風聽落澗帶月過荒村老



樹疑龍攫巉巖似虎蹲風塵驚作客若個辨王孫

王有光

字賓我由萬歷庚申拔貢官甯陽縣訓導轉臨城縣教諭提學御史甯光先試其文爲六十五學之最升蘇州府教授致仕年九十餘乃卒著有補菴詩稿

送弟相之南還

攜手東山道歸心逐曉鴻寒生千里月秋滿一帆風濁酒牽情遠清燈別思同故園還有憶采遍菊花叢

清明日郊行

微雲澹日暗清明佳節相將野外行麥滿青畦含宿雨柳搖綠水帶新晴艱難世路凋雙鬢落寞文章愧一生歲歲心情還不減啣杯藉草聽鶯聲

卷之四

卷之六

一、二、三、四、五、六、七、八、九、十、十一、十二、十三、十四、十五、十六、十七、十八、十九、二十、二十一、二十二、二十三、二十四、二十五、二十六、二十七、二十八、二十九、三十、三十一、三十二、三十三、三十四、三十五、三十六、三十七、三十八、三十九、四十、四十一、四十二、四十三、四十四、四十五、四十六、四十七、四十八、四十九、五十、五十一、五十二、五十三、五十四、五十五、五十六、五十七、五十八、五十九、六十、六十一、六十二、六十三、六十四、六十五、六十六、六十七、六十八、六十九、七十、七十一、七十二、七十三、七十四、七十五、七十六、七十七、七十八、七十九、八十、八十一、八十二、八十三、八十四、八十五、八十六、八十七、八十八、八十九、九十、九十一、九十二、九十三、九十四、九十五、九十六、九十七、九十八、九十九、一百。

蘇州府志卷之五

卷之四

正學三才圖會卷之四

[illegible]

卷之五



白田風雅卷之二

湯廷璉

字薦元諸生著有蟄菴初集獄中詩

劉雨峯曰薦元生負異才有不可一世之概  
於大江南北師張二無倪鴻寶與楊維一周  
介生姜開先鄭超宗輩友善邑令劉達初奇  
其才後屢忤達達甚銜之會有假薦元名詈  
達達益怒有李黑三者市井無賴子也與之  
構難各召死士相鬪有死者當薦元殺人罪  
達擢御史推官湯來賀定其獄王師下江  
南挾一妓走廣東爲吳逆將所殺僕人湯秉  
義負其骨而歸

立春前一日作

長官來收問甲乙怒叱不待訴詞畢鞭箠橫施罔敢爭  
呼吏牽之入獄室一室中間囚百囚我復居囚頭上頭  
橫撐數板名曰閣屋上疊屋如贅疣屋主雖老不我怠

勸我加餐神未改道我困厄亦偶然老人囚茲三十載  
呻吟伏枕驚歲除一月起立猶趑趄仰窺白日不得見  
據榻但著窮愁書詩成激烈不可讀日日悲歌當痛哭  
小人有母六旬餘忍見壯子被刑戮同心數子各相親  
強將濁酒澆愁人細把春盤嚼生菜明日逢春草木新

晚泊夏鎮

薄暮秋風急停橈向酒家典衣愁夜雨賣劍惜霜花天  
道豈無意吾生亦有涯還憐同濟者一倍惜年華

思歸

仰臥睇河漢歸心獨可憐星猶明到眼家似遠於天計  
日腸千轉懷人夢一年尺書南去後經月不成眠



貧家

柴門一樹野桃花小立無人對日斜  
獨有東風雙燕子春來依舊到貧家

成明義

字喻仲

遊道堂詩話喻仲與李素臣交喜結納鼎革後隱居汜水以老

永明寺

寶林依勝地城映古涇西湖遠鐘聲闊  
簷高樹影低境幽娛野鳥草滿宿殘碑  
嬾話塵緣事禪僧杖策隨

西湖泛舟

平湖一望夕陽收菱葉蒲芽一釣鉤  
夢斷薊燕騎匹馬情垂吳越泛虛舟  
江山錦繡同雲幻都邑繁華任水流

散髮煙波無著處徵書未許換閒鷗

潘煜如

字含仲崇禎壬午舉人官潛山縣教諭

閉關

座上客稀花氣重池邊風靜柳枝閒春光不許時人覺  
好向桃源自閉關

王玫

字文玉

劉雨峯曰文玉孤憤嫉俗罕與人交其爲詩遠宗李長吉近學徐文長遊道堂詩話文玉詩幽折奧特嘗注昌谷集可想見取徑之奇

曉行舟中作

北風連夜號秋氣從茲畢客行滯歸舟負緯侵晨出荒  
溪阻且長前路方懍懍嚴霜慘入肌寒水清澈骨東林



漸掩映微微露初日雁鷺前浦迷稍見漁樵跡舟人計  
征途輕篙飛鳥疾勞生亦胡爲窮年徒自失

晚晴謠

屏翳驅雲雲倒移遙天一抹青琉璃停空漏雨猶涓滴  
斜暉直散水西湄倏忽秋林新起沐迴風隔浦吹晴綠  
煙島漁村歷落明畫苑瀟湘開一幅沙汀白鳥晚飛還  
溪暝蘆花聲淺寒閒聽滄浪未終曲欲下扁舟孤興闌

中酒

四海不動天下平壯夫荆棘生門庭今時酒禁幸寬假  
十日九醉以爲生朝來日出半天上氣重神隤起悵望  
天光射目半不開熱汗衝頭髮散放有時語默不自知

欲行不行半離披  
梅林渴卒望不到  
木蘭墜露心遙思  
高陽酈生古酒雄  
輟洗起拜隆準公  
只今沈湎何足數  
半生不死夢中語

秋郊卽事

一望秋如許  
樵漁半落暉  
晚霞晴在水  
空翠冷浮衣  
鳥過雲分路  
牛歌月伴歸  
邪溪風寂歷  
因想劬煙薇

盱眙道中

束轡隨行旅  
征塵夜未闌  
馬頭殘月落  
衣背早霜寒  
天地秋俱老  
雲山日幾盤  
前途相念苦  
從此涉艱難

途次卽事

別浦連雲布  
遙天隔岫鐘  
鄉心移斷岸  
客夢碎寒蛩  
紅



接霜根果青開水面峯颺颺聽萬壑笑兀下高春

寒夜有懷

倚雲高樹淨寒枝凍鳥無聲月一池歲晚閒門風過少  
夜深幽澗水生遲鶴飛遼海生前別人在西堂夢裏思  
極目山陽聞笛處滿庭霜露益淒其

雪後過湯紹宗草堂

春岸叢堆雪幾灣朝風掩戶晝猶關芸箋蠹掃書三篋  
茶竈香開屋兩閒近水荒籬將作圃傍簷幽鳥不歸山  
談言何得皆微中愛絕爐煙一炷閒

贈王汲公

記載琴書歲幾更逡巡滄海看塵生潛夫不厭精爲論

豎子從教浪得名夜閣秋絃三徑菊曉堂春譜一簾鶯  
咸陽十二金銅鑄消得山中掉臂行

過侯叔帶山居賦贈

中原甲第舊枌榆返築邱園賦遂初元亮彈琴三徑菊  
茂先歸宅五車書雲林秋近鷹初放藪澤冬深獸有餘  
獵罷檀槽傳夜酒海天高處月扶疏

野興

荒村風候變朝昏雨後秋寒刺客魂碧嶂全疏天外影  
幽花自照水邊痕居人不解留王粲漁父何當問屈原  
塵榻依然清夢斷無窮愁怨屬芳蓀

冥冥高雁適南遊蒲荻聲前坐晚愁人待河清生白髮



事成天遠付滄洲幾家落日蛩相喚一片孤雲水自流  
留得布衣身願了鴟夷還泛五湖舟

再贈王汲公

東渡衣冠事已非江淮煙水獨依依中朝舊姓藏漁釣  
再世遺民采蕨薇芒碭雲寒朝氣散廣陵天老暮濤歸  
五噫不免逋臣涕一曲商絃落木飛

落花

燕啄紅衣補舊巢遊絲不上冷花梢東風第一無情事  
生翦香塵到處拋

徐宗道

字性之

劉雨峯曰性之少孤失學年二十七始讀書  
以詩畫遊四方嘗渡海舟覆遇救獲免老歸

故鄉貧益甚詩稿胥佚不傳  
遊道堂詩話叔高祖秋崖先生詠懷古跡詩  
吳先生不見徐卿老無復窮愁再著書吳謂南  
華先生敏道著有觀槿堂稿徐卿卽性之也

梅花

傳粉纖腰寫較難穿雲玉笛未吹殘西泠鶴破幽人夢  
東閣情牽水部官醉向簷楹忘夜冷折來衫袖覺春寒  
高天日落還惆悵宛在羅浮頂上看

過嚴陵釣臺

水劃桐江萬壑哀布帆遙指暮雲開漢家事業銷沈後  
猶見嚴陵百尺臺

湯廷相

字介子

懷三兄粵東步孫東山韻



北堂萱草茂萬里胡遠遊  
矰繳匝地布聊避弋者求迴  
翔慎高舉飲啄毋淹留倦飛當知還故鄉有林邱

遊道堂詩話此當卽懷薦元之作後薦元竟爲武人所殺君子未嘗不惜其才而悲其遇然不能審幾以取禍宜哉

湯廷頌

字欽哉諸生

劉雨峯曰欽哉性恬澹未老卽棄諸生慕林和靖之爲人築梅溪別業於城東隅自號梅連藝梅數十本養一鶴與梁鷓林友善著有梅溪詩譜後知堂詩輯

癸丑春日訪雪渠和尙

長年惟掩戶不設閉關名禪室超三界書樓擁百城跡  
稀階草合風靜嶺雲生莫訝無因至聞聲早締盟

乙巳冬日送猶龍子

洛社淹留伴我閒天涯老友又閒關飽遊白馬湖邊寺  
忽憶青陽溪上山月夜孤舟歸夢促梅花驛路旅愁剛  
明年鄰圃衝寒候驢背收君好句還

雨中用杜工部邀王侍御韻柬鷓鴣林

春無一刻朝朝雨仙杏玉蘭都盛開孤鶴巧當幽徑伏  
新鶯不過小園來將詩十倍酬佳醞愛客經旬滯落梅  
一棹無忘習池醉不妨共折角巾迴

朱四輔

字監師諸生

劉雨峯曰鐵楞少稟異資讀書五行俱下有  
用世志鼎革後棄諸生遊四方交悲歌慷慨  
之士尙可喜聞其名招致之知其有異志卽  
辭去詩文不自愛惜隨手散佚止有淮揚治  
水或問一卷行世  
遊道堂詩話鐵楞先生工聯句所撰楹聯好



事者嘗刊布之

客中送查韜荒歸越

查子冠世才骨相何欽奇雄文一代豪嶽嶽虬龍姿名  
山未卒業浩蕩天一涯我亦落拓人飢驅固所宜羨子  
理歸棹而我猶滯羈風萍一飄散後會知何期古道各  
努力毋忘別在茲

微子祠

去就心皆苦君親恨未磨故封依亳社冷廟傍城阿宋  
地仍文獻周原滿薜蘿何須歌麥秀極目感懷多

莊居

村舍安居靜不譁小窗鳴鳥渚鳴蛙地偏犬睡渾忘客

日晚牛歸自認家移傍柳風閒落子等來梅雨細評茶  
倦時展足拋書臥一覺藤陰暮影斜

韶州道中

好山無數逐人來紫翠千重面面開樹下有蹊皆鹿跡  
巖間不雨自莓苔蘿生斷壁垂還上水作驚湍去復迴  
獨惜征帆容易過無由繫纜一徘徊

孫世勳

字東山

劉雨峯曰山人食貧守約有高致與湯蟄菴  
友善湯嘗記其除夜云豐於俎豆無過水薄  
有家私卻是書又游絲惹地牽黃蝶芳草連  
阡臥玉麟列石呼爲友栽筠喚作君皆清穎  
可誦

客中夜雨



不寐思悠悠看寒動客愁如何一夜雨點滴到心頭

鄭在湄

字九起

劉雨峯曰九起性豪邁絕意進取隱於葭園著有葭園雜詠

舟次望靈巖

目斷靈巖勝蒼茫雲外求是山皆抱水無樹不含秋棧  
隱蘇臺鹿窗浮笠澤舟十年帆兩度惆悵寄孤遊

詠懷示梁鷁林

爲愛看雲倚小樓野花啼鳥自春秋有時飯犢兼樵斧  
無事臨江理釣鉤白日到頭渾是夢青山入眼且忘憂  
木奴剩有千株在已拜山中萬戶侯

贈別天台趙伯徙

曾驅鐵騎渡龍沙漠室將軍任虎牙  
萬人歸青海戍十年夢繞赤城霞  
荒途月冷餘書簾野登霜寒拂劒  
花共向黃鱸拚一醉明朝歧路又  
天涯

贈梁公狄

憶爾驅車出故鄉幽燐無地不淒涼  
殘山剩水家何處白雁青楓淚滿裳  
貧典春衫償酒債愁臨秋水浣詩腸  
逢人莫話封侯事細雨篝燈舊戰場

王巖

字築夫鼎革後棄諸生授徒揚州著有異香集白田布衣集

遊道堂詩話山人以古文名詩其餘事異香集其一斑也余嘗得其全集於北宋諸公頗稱具體恐數十年後無有知其姓字者矣

雜詩



好鳥鳴啾啾飛集高樹枝許身事君子誠哉得所歸無  
端越關河十載無還期守身待軒車跡不踰閫闥歲月  
日以駛容華日以衰吁嗟芙蓉花不采顏色萎雖復嗟  
遲暮此心終不移

東山一隱士卜居在海側寂寞無四鄰寥廓空壁立商  
歌發清音嘯傲良自得我欲從之游長駕窮登陟相見  
各忘言依依如舊識取琴爲我彈曲終長太息感君意  
難忘歲晚徒緘憶

送雷大伯籲之安豐

壯心銷欲盡流落又東行晚歲愁飢渴窮途別友生人  
煙依海市沙鳥泛潮聲此地藏名好渾忘世上情

孫無言之虎墩贈別

又欲歸何處飄零問海涯山前多虎窟世外有人家曠  
野悲風動孤舟落日斜誰能臨積水容易臥煙霞

尋春

尋春在何處惆悵落花前淮海仍寒食江山老杜鵑全  
生惟縱飲養拙只高眠日落飛飛燕歸巢意可憐

訪李籀史不遇

烽火江城裏尋君偶獨行逃名無定迹避世老浮生鐵  
騎移營急樓船破浪輕倚檣看日落昏黑野雲平

喬

邁

字子卓諸生侍御可聘長子鼎革後絕意仕  
進鄉人私謚孝靖先生著有歲寒堂集

月中雪



月窟飄光銀海眩粉香不掩姮娥面凌虛踏破水晶光  
玉兔秋毫明似練琅霄萬丈裊游絲梅花簌簌團成片  
笛聲催起鶴孤飛相待騎歸廣寒殿

老叟行

道旁老叟形容瘦手腳凍折皮肉皺憔悴蒼黃只淚垂  
失聲未語已僵仆我見酸心訊所由萬苦何能詳邂逅  
筋骨劬勞歎未蘇荒旱曾無半粒收叶雞豚裙布易粟  
盡征呼橫索如虎吼比鄰遠竄少人知攜幼豪門剜心  
肉人生傷心莫此甚老婦哀號忽不救剩得衰殘一病  
身一步十喘雙目瞽聞說朝廷大賑飢匍匐路隅將往  
赴望沾升合延餘生枵腹已經三日守吁嗟乎腐儒一

飽臥空谷焉知飢寒老病無處哭解衣推食難遍施安  
得普天之粟水火足

水漲再過草堂

秋水難爲野柴門尙覆花半窗吹舊紙一榻擁新沙  
藜杖輕隨鶴茅簷低落鴉村煙過午寂留得幾人家

草堂卽事

一院飛花落春雲生暮寒烏棲猶繞樹魚隱莫垂竿  
白首烽煙接青山杖履寬王孫歸路杳芳草惜凋殘

次雲陽暫憩湯開府聖野園

羈程傷遠涉栖泊暫時寬樹宿蒼山雨樓空白日寒  
征衣驚節換旅食厭朝餐淮海無家問前途掩淚看



柘溪春居

茅棟垂雲色山鳩喚雨頻攤書開北牖得酒覓南鄰燕子爭新壘桃花落故津遙知林木靜或有避秦人  
縱江孫魯山先生別十年矣乙未冬夜停舟過訪

草堂述舊感賦

雲門村旅提攜久別去滄桑歷苦辛十載風塵艱會面一宵燈火各精神素拈弈理精無敵不放詩情晚更真  
白髮滄江悲老父先生結伴好垂綸

柘溪春居和陳冰壑韻

荒村移得青桃樹更有松杉點舊坡漫道煙霞娛老境那知耕鑿困洪波閉門不廢行吟樂曬藥無妨載酒過

醉後芳菲空在眼獨憐佳句孟公多

送趙五紘入覲

君上單車朔氣生濁河吹浪不勝情  
匆匆若到雲多處玉漏依然聽五更

王士光

字用晦

劉雨峯曰山人精導引術閉門卻掃者數十年童顏鶴髮有出世之姿聞詩篇甚富祇搜得此何緱嶺上人亦作此綺語耶

香奩體

柳彈輕煙學畫眉柔條堪倩作新知  
拈來宛轉成方勝不許顛狂綰別離

鴛鴦睡熟影婆娑刺繡牀移出沼過蓮子笑拋驚不起



愛他安穩又憎他

張

翊

字羽季諸生孝廉韞仲弟

贈別焦山舟上人

相識大江邊相思各一天耳虛山寺磬目厭水濱船霜  
雪悲殘臘鶯花夢昔年幾時方見汝明日又前川

柬尤崆峒

出門成獨步閒賞興蕭疏偏愛無人境常耽未讀書一  
溪清景別半畝綠陰餘徙倚成何事年來學荷鋤

丁

敦

字澹園

劉雨峯曰澹園遁迹東村肆力於詩其甥仲  
茂才以懿輯其詩爲杜吟集  
遊道堂詩話國初諸老遁迹邱園不求聞  
達唯以詩自娛讀處士春課一詩其逸致可

想

春課

曉曳瘦筇探野岸  
晚沽村釀到山家  
無風便泛一溪水  
有月常看半夜花  
呼婢起挑諸葛菜  
教童學種故侯瓜  
三春此外無餘事  
只是詩情未有涯

晚過廣洋湖

張帆已近夕陽春  
亂荻嘶風短棹衝  
沙白月明排鸛雀  
水腥風動起魚龍  
煙痕暝合千村樹  
山氣孤飄一寺鐘  
坐久蓬窗衣袂薄  
詩成焉得臘醅濃

無題

江月江煙望白門  
春風春雨自黃昏  
年年楊柳無消息



夜夜梨花有夢魂  
蘇小香車松下路  
莫愁芳樹水邊村  
緘情欲寄雙飛燕  
腸斷迴文是淚痕

陳三輔

字非石

輓鄭蒼頑

簪纓家世由來久  
君嗣風流詩與酒  
卷帙常留天地閒  
音徽乃寄荒邱首  
懷闕樓前漾雪波  
白田路上垂煙柳  
依稀一幅畫圖中  
猶想生時高妙手

鄒周顒

字右侯

輓鄭蒼頑

浪擲人間七九年  
隨緣不肯問蒼天  
當頭好月供題咏  
過眼浮雲任棄捐  
瘦硬陽冰書擅巧  
詼諧方朔語堪傳

而今赴召修文去石室標名號散仙

仲以懿

字爾成諸生著有頤菴集

臨淄道中

征途戒早發淄水自粼粼隔岸猿啼樹疏籬犬吠人雲  
凝千嶂雨花散一林春遙望煙深處桃源別有津

重至長椿寺

十年曾到此垂老復來過樹色浮樓閣經聲隱薜蘿路  
幽人迹少葉落客愁多到處捐塵俗陶然好放歌

泛舟至山寺

草際孤帆出橫江隱半峯殘霞高寺古急雨晚山濃亂  
石支鼉窟驚沙落雁蹤夜涼清梵下謾謾響蒼松



仲立

以懿子國子生

寄松男

狼狽天涯外關情到汝真  
早時憐失母此日望成人  
力學超流俗閒游負好春  
他年傷老大空自淚沾巾

三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

19

風流才子



白田風雅卷之三

陶徵

字昭萬後字季康熙己未擬舉博學鴻詞堅辭不就著有湖邊草堂集舟車集後集沈歸愚曰陶處士詩英偉沈摯感時傷亂之作尤以詩為史直欲上溯杜陵遊道堂詩話括翁生平足跡半天下詩體源少陵兼有高岑故多變徵之聲國朝為吾鄉第一作手其當二吏三別詩舟車集中未見蓋生丁末造目擊明季秕政感憤而作今集為喬侍讀所刊前詩已入湖邊草堂集故也然唯王阮亭感舊集一著其名問其裔孫無復知有此集者矣

當新安吏

我生邁末造天戒猶未央連延三輔地十載九旱蝗害氣致晦蒙妖星為機槍有時雨如血疵癘見伯彊中原復凶飢行者心盡傷城郭漸蕪塞弱肉爭豺狼邊境士

易驕脫巾呼癸庚絲管斂且盡國計何蒼黃守臣繫安  
危川決必有防涓涓不能遏汜濫日以長蟻賊關西來  
縱橫入畿疆詔紙下六郡大義誠激昂我亦良家子戴  
履共一王聞詔卽自誓肯復依舊鄉雄劒久挂壁拂拭  
生輝光持此報恩去存歿惟沙場

當石壕吏

結帶事遠方六親相決絕明日疆場人今日尊酒別遠  
人語六親此行勿啼血丈夫急國難草莽亦臣節中宵  
聞點兵慷慨荷長戟落月光虧蔽流泉水鳴咽同行各  
有類宛馬蹄踏鐵臨敵奮欲前賊勢頗猖獗至尊日西  
顧屈指大獻捷嗟哉羊將狼情事不可說前日偵者至



願卽受羈紲幕府爲解頤轅門盡歡悅革面未旬日仍  
復據其穴全楚人剝屠中州土崩裂王孫屢嬰禍宰相  
實蹇拙悔罪獨雉經誰云是明哲我本遠戍人顧此憤  
益切進止莫敢議吞聲駐冰雪

當新婚別

憶昔妾未字生小皆清門相逢兩無忌比舍同六親十  
四年及笄遂巡初畏人十五值時難風雨啼空村十六  
今于歸媒妁無一存前日府帖下淮南大興屯王事不  
敢避執殳行苦辛君行在須臾裊席難久溫君意豈獨  
忍奈此覆冒恩黃巢犯東都六宮如飄塵至尊尙莫保  
況乃惇獨身裁縑作襖襠密紛裹以純君情毋棄捐妾

有雙淚痕

當垂老別

槍雲起西陲黔翳紛四塞地缺紫溟漲天傾白日蝕中原正格鬪東南括民力宰相出筦兵奔走不得息江漢恃鎖鑰矯矯虎而翼尾大莫敢制癰潰徒自感帶甲十萬人秦越終異域諸蕃復流虐淮泗苦畢七天子日深居優詔還示德側聞京尹令上奉司馬檄大募勇健兒蹶張守塢壁老夫年半百鬚髮尙黎黑沃土棄蓬蒿諸男委鋒鏑入爲飢寒併出爲豺狼偪不如事征戰橫行寄胷臆

當無家別



城南翠華去日出空啼烏誰能唱玉樹商女今已無去  
年封五侯冠蓋晨夕趨西園貴金玉甯計傭與奴一朝  
大廈傾萬姓同爲魚椒廚自充塞祇爲他人須儂家臨  
江淮不幸與禍俱生事苦頓盡寄命如秋荼轉戰猶未  
息四方正風驅潛身笠澤閒浩蕩真吾廬

江都逢表姪李謙同展祖墓用杜工部送王砮韻

示之

先人同生親實惟爾祖母生逢嘉靖末艱難播遷後先  
人獨當室考妣疊罹咎徒挾周孔書飄零日餬口爾父  
初長成蒼茫薊門走十年作邊帥佩印果在肘勸母未  
及報遠道思見舅馳卒淮南來問舅能至否先人念骨

肉衝寒向關右相見增苦愁灑淚盡一斗經年隔鄉縣  
四顧那可久先人遵南轅匆遽復分手爾父惜此別富  
貴不終取逡巡罷官歸快聚聊縱酒余時方數齡指事  
說某某爾年十二三爾弟年八九門巷去咫尺日夕並  
師友漸摩翰墨場定志期不朽泊乎崇禎朝戎馬生四  
郊羨爾捷足去駿駿類嫖姚奈何時邁屯燕雀無安巢  
爾從海陵住余亦依皋橋逢人音問疏蹤跡信所遭跬  
步尙錯迕況復山川遙余今還舊鄉築室棲蓬蒿爾猶  
未有託何以慰寂寥城南邱隴荒匝地但白茅我祖及  
爾祖魂逝難更招子孫雖賤愚任重無所逃與爾歲相  
約有酒來共澆



飢民謠

高原託羣命，此離無安居。三日僅一食，誰復計其餘。大府方南來，宣言發倉糈。皇皇感且泣，提挈滿路衢。里正仍作奸，公然雜追呼。終歲重剝肉，不得寬須臾。蒼天聽彌高，吞聲行次且。艱難已盡骨，願乞身爲奴。

重觀洗象忽一象逸

河渠承緇塵，昨夜怒流漲。人言象且浴，水源牕初放。日高長官集，左右森列仗。牽挽次第來，牝牡各殊狀。黠閭似頽壁，突兀疑複障。齒餘半段槍，蹄蹄三斗盎。逡巡聽吹角，大耳數播颺。分曹就盤渦，汨沒不肯上。傲傲更轉側，汎汎信撇漾。卽鼻爲卷舒，歟歟鼓碧浪。馭者苦乏力。

騰蹕或未當亟呼召儕伍爬垢制厥妄維時有桀黠脫  
略獨用壯蹴蹋升南陂悍然恣跌踢千人盡雷動一物  
直走壙徐引還羈縻老屋幸無恙我生易憂患傾覆那  
可量覩此誠阨危歸路益惆悵

城中有好女

城中有好女自言千金姿生小愛游冶六親從所宜盛  
年適夫壻百兩相追隨流蘇錦繡段照耀光離披夫壻  
豪貴兒輕財賤蛾眉遠求大宛馬重飾黃金羈恩義倏  
忽盡骨肉成路歧紅顏不足恃棄爲圉人妻當時笑鄰  
女于歸太遲遲焉知鄰女心堅白無磷緇

潦水溢



吾邑兩隄決百里今無村巨室尠露積貧者唯瓦盆倉  
皇馮高原此離能幾存老弱僅一息敢計饗與飧粒食  
苦難繼先謀賣雞豚白日亦晦匿陰黔徒飛翻回憶總  
髮時吾曾懼此屯豈意數十載重見傷心魂城郭半卑  
濕急雨摧蓬門十屋九沈竈日仄啼兒孫里巷旣窒塞  
溝洫多崩奔東南陷溺甚破壁連苔痕吾廬幸未圯菱  
盡草木根誰其披雲霄陳慤通九閭

將進酒

白日獵獵容易過春風玉顏當奈何君能忘憂我和歌  
重傾迭酬金叵羅騰鳳脂擘麟脯炊珠羹流玉醕憂來  
填膺不能食何如交懽及爾汝君不聞閉關沈湎稱達

生又不聞大噉狗竇千載名人生不飲空獨醒

苦雨詞

鄱江瀰瀰吹雨天五月無禾成白田桔槔雖具下力難  
可憐來日無朝餐辛勤終歲不得息昨夜傳聞羽書急  
君不見東鄰向壁哭未休長男輸役中男囚

行路難

徒步欲有適悵然依前林蹢躅未敢發北望歌商音大  
行橫雲而嶽嶽黃河濁流廣且深我欲從之淚涔涔高  
天白日幾萬里胡爲觸物生層陰憂來無端夢蕉鹿一  
夜快意當千春人生窮達視所負君不見魑顏蔡澤終  
投秦



陳州官舍觀定番刀

馮生短小氣超絕  
遭逢險巇百不折  
攜來襖被蕭蕭寒  
腰下尙餘三尺鐵  
自言生平莽馳騫  
購此非關學荆聶  
閒時摩挲獨快意  
不肯尋常向人說  
昨宵拊匣爲余發  
熒如青虹湛如雪  
鞞錯鏤疑鬼工  
赤文盤螭細糾結  
虛堂無人四焜耀  
迸出寒泉照人冽  
半生牢落壯心在  
對此不覺耳後熱  
明日辭君大梁去  
啼鳥東風綠楊陌  
天涯萍絮吹復來  
當酒何須黯然別  
男兒志意在勇決  
鷲鳥將秋氣先掣  
淬鋒斂鐔元有宜  
君不見古人周防  
號明哲

別賈靜子

春城鴉啼日出早入門逢君識君好牀前散帙清無塵  
庭下落花多不掃愛君緇衣白氎巾蒼瞳華髮秋爲神  
停觴欲別不能別飛絮滿天愁問津

牽船苦

前日馳檄來盡說兵船回上官號令殷如雷輿臺驛吏  
紛相催城中壯夫應入選千錢百錢俱得免蚩蚩只有  
田間氓帶索驅來似牽犬臺前點唱各應聲分曹逐隊  
城中行羈縻不得暫歸去待食可憐雙目瞠此時茫茫  
斷消息半月一月那有極鶉衣蓬首面黧黑耕穫無人  
思如織才聞鼓角臨風前城中叫呼聲徹天十人共索  
聚城下計取百人牽一船船中貴官意殊別不事風帆



事牽拽沙膠水淺船不行到處鞭笞背流血迢遙百里  
見淮陰明日牽船更有人吹角插旗城下住看爾辛勤  
送爾去

築隄苦

築隄苦三日築成五丈土束薪爲槌土爲輔千人畚鍤  
百人杵勉力向前各俛僂不爾恐遭上官怒曉來併築  
臨河洲紛紛築者當前頭豈知再決不可救飢魂弱魄  
沈中流沈中流築隄苦新隄不成還責汝我心憂傷淚  
如雨

洗象行

瞳瞳朝暉射廣陸蘊隆煉金初入伏巖城以南高柳多

下拂流泉碧如玉城中朱門平旦開鈿車寶馬喧闐來  
共傳此日正洗象每到一年看一回岸旁看者漸麇集  
笑殺新妝映臺笠亭午遙聞鼓角聲錦韉絡繹城中出  
當頭趺坐殿前司畫旗雙開更不移臨流疊鼓閒吹角  
列隊分行何委遲同時三十有二各盡態猙獰蠻奴踞  
其背乍看入水似崩厓騰踏縱橫水光碎初如猛虎負  
子生雄風半沈半浮倒景中又如旅行過涉忽滅頂力  
能戴橐爭追從就中一象年最小聽說賜名稱國寶其  
餘黠者能詭奇鼻卷泥沙向人嚙我聞八百大甸西南  
偏又聞朗甯山深通武緣土人致此習耕戰最初入貢  
繇何年年光推移一何駛勇氣日銷成暮齒晨趨夕憩



雖有時廩粟芟芻僅如此今年被濯去羈絆宛轉中流  
影相亂才聽撓金第一聲盡出盤渦就陂岸此事流傳  
非一時定陵老民猶共知須臾鼓角向歸路赤日銜山  
增所思

贈陳藹公

往時曾讀邊令傳云是保定陳子作才雄法贍有根柢  
菁英滿前氣旁魄我嘗彷彿思其人千里停雲阻河朔  
今年得遇恆山陽斗酒論交慰蕭索憶余爲客西復東  
門前車轍無一同高曾規矩久蕪滅後人不識般倕工  
君今著書已踰尺況復身親見兵革一嘆一笑皆有繇  
豈是尋常老縫掖莫言上策不見收長安少年多徹侯

君才如此合貧賤且餘醇酒吟清秋君不見江河之勢  
原東流

蠻觸行

秋林濕盡土花碧蝸牛延緣不踰尺角中兩大安如山  
胡爲相尋日相戾東帝西帝齊與秦當年自謂英雄人  
一朝黏壁竟槁死沛公出爲漢天子

重渡錢塘江值潮至

前涉羅剎江之東諸峯青青斜日紅城荒葉落市聲外  
潮發影流霜氣中今年再過西興驛極望蒼茫水光碧  
無端忽來秋氣高轟轟銀濤汐還汐江風蕭撼羣靈趨  
連山排空鳥不如此時蹶張信能卻可奈獨無金僕姑



洪水行

五月二十三日福州城南水溢數尺建甯延平尤甚

二月三月雷雨多空江汎濫生盤渦舟人捩柁不敢下  
但言跋浪龍與鼉四月五月雨不止夜半蛟宮忽南徙  
萬鈞之石如轉丸百丈輿梁盡傾圯江村廬舍委泥沙  
巖閒枯柏浮槎枒女牆浸淫露三版道路號泣紛如麻  
此時天吳吹水水皆立馮夷擊鼓商羊出茫茫眞宰呼  
不聞搏鰐椎心悔何及君不見永光建始多沈菑三輔  
汝潁無蒿萊民居蕩析八萬所遺齕腐肉邱山堆如何  
南州亦罹害辰星獨與五車會願君努力先召和毋令  
劉向諄諄著天戒

鄧孝威曰輪困偏塞  
偃蹇排冝誠爲傑作

陳思王墓

卷三  
斜日冑高樹秋風生細塵可憐衰草地猶是建安人白  
屋更新主青山結故鄰童童雙枯在風雨各千春

繁臺同子山

平野秋無際嚴城曉未開共君聊駐馬杖策更登臺抱  
日孤村出衝寒一雁來茫茫自今古吾意不須哀

宿湓浦

江郭夜初靜繫舟空復情好山無恙在纖月可憐生對  
酒顏先熱懷人夢不成荻花風動後憔悴欲三更

丙午除夕阜城道中

今日尙行役客心悲自多況當寒雪後無奈疾風何禿  
鬢驚新改荒城憶舊過百年人所貴吾已半蹉跎



過巢園別陳大冰壑

明日挂帆去匆匆聊對君自然增感慨不獨爲離羣耳  
熱傾觴滿情親惜夜分幾時沮與溺安穩事耕耘

再過蘄州別赤方

停舟一灑淚此別聚何年遠道書難盡貧交老更堅江  
流誠逝矣人事亦悠然賴有千秋在還須各勉旃

訪蕭處士汎柳湖而歸

南郭散墟煙人乘放鴨船一溪清漾影萬木翠侵天覓  
句鶯聲裏尋春燕子前何當結鄰住吟坐草芊芊

凍雨

凍雨侵檐際飢鳥下食難林幽松影濕風勁竹聲乾掃

跡須臾盡憑高次第看城邊車轍少平楚白漫漫

句曲道中

風急成樓西斜陽促馬蹄空村人跡少斷岸水痕低鳥  
集羣爭樹僧歸獨杖藜此行何處宿極望草萋萋

竹閒小閣

城隅卑濕地高閣試憑闌野水兼天見孤帆隔雨看卷  
簾容燕入留壁障雲寒竟日頻居此吾衰藉少安

登恆山四首

恆陽地與塞垣通山勢紆迴接大同黑霧不消陰礪雪  
翠微時下石壇風燔柴有制思虞典持節無人出漢宮  
幽渺嶽靈何所寄巋然碑版綴落紅



異草靈源不可尋舊時松柏正蕭森雲屯鳥道晴俱濕  
雨過龍湫碧自沈極望豈同王粲意竭來眞慰向平心  
遙思太華三峯矗尙隔關門莫苦吟

不盡浮雲起北隅離離城郭望中孤荒原白草還今古  
戰骨青燐半有無委伏萬山連抱犢巔峴一道隱飛狐  
憑高莫問探符事昔日嬴秦亦已徂

磨笄山下夕陽開一片寒流直北來蕪沒不聞青草墓  
蒼茫何處白登臺春歸楊柳懷千里酒泛蒲桃醉滿杯  
沙磧有人連突騎紛紛知是射生回

七夕

誰道神仙任別離本無憔悴隔年期人間錦石空相羨

天上河源實未知烏鵲自還秋樹裏彩蟾空落夜潮時  
雲霄一望皆寥廓渴鳳鰥魚費所思

幕府

江城楓冷月輪黃蠟炬輝輝夜未央襍被久同僧榻靜  
戍樓初耐角聲長人懷蓬藿愁千縷露浥蒹葭水一方  
寂寞廣庭閒悵望絳河珠斗各垂芒

鐵馬

底事空傳鐵騎名風簷幸得寄身輕和鸞每借吹噓力  
舞蹈端由鼓盪成倘辱泥塗誰賞識高懸鈴閣合縱錚  
一天明月凭欄望羨爾飄颻過此生

骨相鎔成氣自昂蕭蕭長繫在迴廊不因玉露嘶芳草



偶觸金飈感夕陽  
午夢忽驚音慘澹  
客愁初破響悠揚  
微軀未歷戎行地  
莫把朱樓當戰場

子夜歌

儂行歡亦行儂止  
歡亦止蠡房置花閒  
蜜意從此始  
歡儂隔前溪約歡夜中渡  
月暗風細生是歡來時路  
中宵蘭釭盡歡來但聞聲灼灼  
並蒂花兩心易分明  
眾中見歡來人謂識歡淺  
豈知儂心曲千番鹿轡轉

上灘曲

牽船上惡灘  
日日就灘坐  
記得下灘時  
瞥眼似鳥過

贈董樵

長安車馬正喧囂  
懶慢何由識董樵  
今日相逢甚相憶

一灣蘆荻莽蕭蕭

北道

輿梁竟接陌西頭下有粼粼清淺流  
煙霧欲消人影亂  
一雙鳴雁起寒洲

萬木吟風沙路長居人茅屋置中央  
門前繫馬誰家子  
漫坐調鷹送夕陽

月下清霜點敝裘駸駸車馬獨淹留  
河冰漸合行人少  
戍鼓無聲過德州

城西芒角動寒星城北塵沙塞杳冥  
莫問十三陵下路  
有時山鬼哭冬青

題牡丹冊子



竊白媽紅開較遲含毫伸紙費沈思依稀似識春風面  
不記誰家薄暮時

記夢

屏風疊疊畫闌斜錦錯珠圍似內家曾見有人東向坐  
碧文窗裏定琵琶

故宮詞

水殿風搖楊柳絲先皇朝罷獨憂時抽毫卻寫賢臣頌  
面敕中涓賜主兒

宮中稱皇太子曰主兒

慈甯宮禁老莓落元日驚傳法從來上下隔簾遙拜畢

六龍飛輅一時回

熹廟張皇后久居慈甯宮帝朝后時后必答兩拜禮堂廉邃密不相見也

贈歌者李十七

曲奏霓裳事已陳  
淒清風月賸閒身  
顏顏未改顛毛白  
猶是宮牆壓笛人

歸舟

歸舟敲側布帆低  
野闊沙明萬樹齊  
最怪夕陽留不住  
一川寒碧寺門西



白田風雅卷之四

陳銑

字淵源邑諸生著有鳩柴集

遊道堂詩話鳩柴爲冰壑從兄詩則略如邾莒

飲東畚小築

桃源迷去路卜築板橋東一水周遭綠千花掩映紅移舟緣市酒留月待揮桐自得柴桑趣高眠五柳風

蓬茅

時有海寇之警

蓬茅東郭上七月水平隄風雨無容膝蘧鹽耐老妻竹籬防繫馬心眼似連雞夢裏空談劒江南競鼓鼙

夏日飲湯二桐溪

散髮東園暑氣清水環階面酒初行隔城雲起添山色

觸樹風來作雨聲有意露蟬爭暮響無情苔草冒愁生  
浮沈拚得今宵醉潦倒江湖愧耦耕

陳

鉅

字其相號冰壑歲貢生著有巢園詩鈔

集陶園池上

宴會宜清秋園林日游涉松翠滴烏巾屐齒響黃葉池  
水何澄泓駕言浮輕艤裊裊芙蓉姿臨波炫嬌靨返照  
罨晴嵐青蒼映眉睫氣爽酒易傾冷然幽興愜

晚泛舟東溪

周覽意不適駕言乘輕橈商風薄叢木落景延晴皋虛  
明動遠水蕩漾恣游遨流分密藻沿岸攬垂條側身  
讓敲樹俯首貫危橋泛泛近郊坰隱隱見衡茅疏籬蔽



木槿積翠浮山椒靜鷺立淺渚疾隼摩層霄探幽境屢  
易涉歷忘疲勞瞑目如有得會意在迢遙

沿康濟河北遊永明寺

號號大河流含風曳長練迴湍剝修隄宿莽森平甸握  
手忘塗長游目增繾綣楓葉散朝霞蘆花疊冬霰野狐  
蹲邱隴寒鷗嘯壇墀側轉越重橋景物遞更變寺閣出  
疏林丹壁相隱見入門挺孤松霜柯何峭蒨碑篆蝕繁  
苔磨滅詎能辨鼯鼠慕頽梁禪燈耿陰殿複道通層樓  
登高縱遐睎仰視天際雲悠然自舒卷人世胡紛紜浮  
生疾如電欲駕白鶴飛曠然寡所戀

贈別程石臞

有客東粵來下馬拂霜雪貂裘何翩翩意氣人中傑篝  
燈夜論文四座霏玉屑留連方及晨倏欲理征轍未見  
常相思既見復離別百念無一伸安得不悽切願化北  
歸鴻隨君雙鳳闕

山村

微雨散蕭晨凌空山翠起枯柏隱茅茨人家住山尾窄  
徑穿雲根迴湍漱石齒好鳥時一鳴翛然清俗耳幽景  
觸我心萬慮澹如洗卻笑白頭翁門前種松子

游西山歸晚宿借樹園與陶季看月

我從西山來衣染秋嵐翠登頓下雲根高吟散驢背翻  
喜歸路遙得使幽尋遂向夕南塢過故人留我憩入門



穿藤陰窈窕漸深邃書屋敞疏櫺開簾納清氣石尾鋪  
魚鱗雁齒疊苔砌丹葉烘殘陽沈靄蒸寒吹幽花秋轉  
妍灼灼羅繁細須臾明月生密樹分光碎舒嘯一登臺  
野曠白雲際回望舊所遊蒼蒼但雲閉遙聞寺外鐘不  
見山中寺把酒向青天悠然得高寄何意在羈旅乃獲  
此良對啾啾蛩亂鳴宵分不能寐

磁山

在永州城西

奔走遍楚粵遊覽當程課旣聞磁山佳敢惜屐齒過山  
遠路盤紆巖束徑坎坷峭削一峯尊煙靄千巖佐下瞰  
愚溪清遠睇湘流大入寺雲上衣開軒山入座抱石古  
藤懸枕流老松臥花落蝶競飛泉鳴鳥爭和最愛巖壁

幽苦遭墨汁沈未能秀句留空惜蒼苔破

贈周翁

龍沙周翁髮如雪攜我乘舟蕩秋月酒酣擊筑歌不成  
欲語不語聲悽咽自歎從前俠少年腰閒常帶雙龍泉  
家世貂蟬過許史門前甲第互雲煙黃犬朝牽金絡索  
紫駟暮逐珊瑚鞭恃才傲睨氣如虎遠愛瀟湘南適楚  
黃鶴樓中呼謫仙鸚鵡洲邊罵黃祖揮毫作賦羅珠璣  
一日聲名動楚府楚王好士復好才選作儀賓尙郡主  
郡主顏色嬌如花仙姬派出天潢家風飄繡帶鴛鴦動  
血染湘裊蕩曉霞賸妾皆梳墮馬髻能吹羌笛彈琵琶  
華堂列宴燃龍燭月皎星稀鬪絲竹歌翻金縷喚綠珠



舞按霓裳催碧玉，落花開日易消燕。來燕去年相續，  
誰料繁華不久長。四海烽煙爭逐鹿，龍去鼎湖衣化風。  
宗藩戚畹如飛蓬，鸞鏡已分明月影。鳳簫難續彩雲中，  
蹉跎歲月人空老。彈鋏侯門散秋草，往事依稀猶在目。  
愁來不覺吞聲哭，何如把酒看青山。一吸能澆愁百斛，  
洗盞更欲醉秋風。忽聽雞鳴日將旭。

月夜登燕子磯

燕子磯頭浪拍天，江中秋月翻孤圓。蘆葦鳴風葉蕭索，  
蒼松峭壁埋深煙。停舟欲登登不得，潮落沙灘寬十尺。  
舟人負我踏層沙，登高一望茫茫白。巖前古寺乍鳴鐘，  
江上漁舟亂吹笛。弔古常持杯在手，擊劍高歌動星斗。

秦淮誰唱後庭花  
臺城惟見霜凋柳  
六代興亡已盡空  
浩浩長江終不朽  
古來鐵鎖計何愚  
不鎖人心鎖江口

古銅鉤歌

出水銅鉤如碧玉  
曾挂珠簾向華屋  
低控無妨紫燕飛  
丁東響被微風觸  
妖姬待月起  
褰簾纖纖素手春  
蔥簇一自筵前散  
歌舞朱顏畫棟皆黃土  
簾鉤入水驚蛟犀  
歲久神龍吞復吐  
古色摩挲翡翠光  
不似金釵空折股  
君不見雷塘西畔宮人斜  
野老耕得古鏡堆丹砂  
當年曾照袁司花

俠客行

俠客五陵豪  
虬鬚磔蝟毛  
秋來射獵向平臯  
仰天一笑



開弓弢獸肥草淺紛遁逃黃巾竊發狼煙高徵書纔下  
馳風飈錦紅袍壓昆吾刀上馬殺賊如斫蒿髑髏血浸  
翻成濤戰功歸來銅柱標天子親迎解韉囊喧闐饒吹  
擁旌旄丈夫意氣凌秋霄荆軻聶政眞兒曹

京口懷古

山勢蟠京口雄關壓上游夕陽空戰壘漁笛起孤舟霸  
業齊梁盡江聲日夜流憑高無限意愁倚仲宣樓

送陶季之薊門

海岱歸來好漁陽復此行十年無定跡千里獨長征落  
拓看人面艱難閱世情故交京洛滿誰共話平生

答秋崖

命也夫何怨寒宵坐達晨寸心攢百慮十口累孤身歲月流如水容顏老逼人把君書再讀慰我更酸辛

贈何向

落拓憐何向閒關萬里行他鄉餘白髮知己託青萍性僻交人少途窮覺命輕信陵難再得誰識老侯嬴

湖上精舍題壁

精舍臨湖上蒼茫水氣蒸橋橫無葉樹門立有髡僧鳥性通禪定珠光奪佛燈誰來幽僻地伴我一枯藤

村居

山椒高結屋籬落自成村牧笛斜穿嶺樵歌直到門冷泉秋更碧密樹午常昏約得鄰翁飲牆頭過一樽



登燕子磯

凌空一片石橫截水滌洞老樹穿雲出疏鐘隔嶺來潮  
生沙鳥亂江闊夕陽開六代興亡地千秋玉笛哀

遠歸

猶喜妻孥在柴門似舊時竹荒微有徑松老半無枝避  
客孫驚走尋鄰屋久移相看悲又笑添得滿頭絲

落葉

簌簌聲疑雨飄零萬樹秋隨風緣石砌帶月下江流殘  
角盧龍塞孤燈燕子樓此時難入耳蕭瑟不勝愁

落雁

平沙千里闊落雁自成叢驚笛浮還沒隨潮西復東蘆

花秋水外菰米夕陽中莫羨高飛好天涯滿角弓

曉行

侵曉出孤城中天月尙明寒煙迷雁影密樹隱鐘聲霜  
滑橋難度冰堅馬不行懸知村落近隔水聽雞鳴

甌甯古寺

古殿颺颺嘯沈沈隱佛燈一條黃葉路幾箇白頭僧碑  
臥誰能讀樓危不可登興來詩易就吟入碧霄層

度青石關

萬嶺排天起山腰鑿石門鳥穿空翠濕人踏白雲昏僻  
洞含砂氣懸巖結樹根舊傳多虎豹遺跡滿苔痕

見荒郊牧馬與秋崖感賦



牧馬千羣散夕陽漢家當日急秋防龍堆夜渡迷沙黑  
豹口朝馳撲草黃轉戰曾披金鎖甲閒行猶帶紫絲韁  
不知誰受邊功賞踏盡征人骨上霜

登石城

六代山河此上游石城遙控大江流蕭條落木黃昏雨  
嘹唳征鴻白下秋鴛瓦霜寒千里夢龍津潮滿一孤舟  
高樓夜半誰吹笛知是盧家有莫愁

九日憶秋崖

去年九日風兼雨今歲登高風雨無萬樹秋聲連大漠  
一天晴色起平蕪不因冀北人難見何事籬東興轉孤  
聞道欲歸歸未得可知江上滿蓴鱸

金山寺

水國琳宮蜃氣昏  
雲開金碧射朝暉  
一團樹色高連塔  
四面江聲湧入門  
郭璞墓前增戰壘  
中泠泉上沒潮痕  
憑臨不敢舒長嘯  
恐有蛟龍臥石根

木蘭堂

朝見木蘭花  
疑是亭前雪  
夜來不見花  
但見花中月

柳陌

不生武昌門  
不長灞陵岸  
無人折長條  
只有風吹亂

古意

郎去傷妾心  
纏綿獨酸楚  
妾如絲貫鍼  
郎如箭離弩  
莫射天山雁  
莫打湘江魚  
不惜魚與雁  
但愁音信疏



村晚

蕭蕭落葉響荒村  
返照來穿竹裏門  
白髮老翁眞可畫  
不扶藜杖只扶孫

除夕卽景

積雪低垂古柏枝  
竹爐生火暖茅茨  
煎茶也當屠蘇酒  
一盞寒燈自祭詩

寓海陵陳太史園林感賦

雨霽林塘碧四圍  
殘香漠漠冷春暉  
護花鈴斷無人繫  
只有空亭乳燕飛

王孫晉

字左公諸生著有小山草堂集

遊道堂詩話左公先生全集未見止從兩朝  
詩選鄧孝威詩觀錄出

南閩雜詩

平海列千營嵐陰覆古城關雲晴不散島日夜還生廢  
驛初蠲稅雄藩屢易兵那堪民力竭盜賊且縱橫

平山城內起曾建越王宮日落金鐘歇花飛彩仗空千  
門照烽火萬騎擁春風寂寞鼇江水年年只向東

頻年驚羽檄未見起銅標擁節諸侯盛彎弓戰士驕山  
留天寶石水斷洛陽橋闌外蒙恩寵 君王屢賜貂

浩蕩江千丈蒼茫山萬重煙雲愁虎豹風雨泣蛟龍瘴  
海飛鳴鏑榕城繞夕烽伏波誰得見故老厭艤舫

騎射幽并客南征膽氣豪只諳驅朔漠且欲狎波濤犀  
角穿圍急戈船壓陳高海風吹瘴雨戰士夜哀號



白雪下漳州九龍江上愁寶珠今不見碧水復空流火  
散齊雲閣煙寒花雨樓如何新粵犬盡日吠驂騑

怪爾文身地王朝亦版圖山川原自勝風土不無殊神  
物飛龍劒鮫人弄蚌珠漫言天下險宛馬直長驅

久客欲歸去翻愁行路難極天圍萬嶺平地落千灘水  
立驚蛟鬪風腥畏虎餐長歌烽燧裏山海一儒冠

瘴癘隨風俗兵戈歷歲華山童知牧馬蠻女學吹笳累  
月天南雨經冬嶺上花晚來豺虎亂繞樹羨歸鴉

聞道桃花洞樵夫一問津當時曾失鹿此地亦逃秦雞  
犬隨仙客衣冠見古人迷途如可返不欲走風塵

登金山望金陵作

搔首直臨銀漢上中流湧出一峯尊地臨吳楚天開塹  
江斷東南海到門百戰山川龍虎氣六朝陵寢帝王魂  
隨風欲寄新亭淚忽聽戈船畫角喧

將歸寶應留別廣陵諸君子

行將去此便歸休倦客無端感舊游不合請纓過粵嶺  
眞成擊筑到幽州十年雨雪關山淚萬里風煙鼓角愁  
趨走但餘皮骨在囊中何有敝貂裘

自笑吹簫乞食身十年今始作歸人飢驅冥報心常苦  
冷炙殘杯事頗眞盡室久拚隨道路此身詎料出風塵  
并州欲去愁回首怪爾妻孥喜色新

竹西歌吹豈吾鄉生長淮南古射陽紫蟹紅菱開水市



白雲秋色滿山堂花邊釣艇魚常美柳外村帘酒自香  
爲謝羣公成獨往祇憐三徑已全荒

歸草堂後作

出郭曾無負郭田歸山那用買山錢鹿門采藥非難事  
廡下賃春亦偶然室挂鳴琴寬似斗階堆怪石大於拳  
絕知邱壑容疏放不信人間可乞憐

窮巷炊煙煮露葵秋風湖上采菱時漫驚烏鵲飛三匝  
始信鷓鴣寄一枝閉戶著書無不可得錢沽酒復何疑  
浮雲滿眼君休問世事於今付弈碁

喬

寅

字東湖著有黃山游草

雨宿慈光寺

山風颯颯至鈴鐸中夜鳴披衣就明月雨洗高天清危  
峯削寒玉倒影如列屏躑躅立難久懷仙心未停似聞  
有鸞鶴縹緲來青冥

龍翻石廢菴

老人  
峯側

老人相望處不復見香林石激水聲怒巖藏花氣深欲  
留愁日暮小立愛松陰寥落登峯客誰來更布金

仙橋峯瀑布

颯颯飛泉挂翠屏石梁高擁半天青荆榛無路通雙屐  
風雨連山走百靈倚醉那能終日對將歸猶得片時停  
酈生善貌奔騰狀惜未來遊注水經



白田風雅卷之五

喬萊

字子靜一字石林康熙丁未進士內閣中書  
己未博學鴻詞改官編修歷任翰林院侍讀  
著有南歸應制直廬使粵歸田諸集  
遊道堂詩話先生爲先大父外祖立朝嶽嶽  
嘗論下河事上四不可議當事心謙之竟不  
可奪然卒以此罷官詩其餘事亦卓然可傳

謁高文襄公祠

文襄昔柄政相業殊矯矯巨細悉肩荷區畫破昏曉受  
降靖朔漠戡亂安嶺嶠毀譽兼利害曾未縈懷抱志大  
才不疏功高量則小睚眦苦難忘彈射滋紛擾去國何  
倉皇歸田就枯槁史氏多詆訶豐功更誰道江陵繼作  
相偉烈粲可考如何社稷功不獲身家保後人鑒兩公  
持祿計遂巧律已若休休謀國殊草草國事日以非身

妄名亦好我來新鄭縣荒祠棲飛鳥落葉滿空庭年年

任風掃

王阮亭云論世之識一字不可易後一段可作萬歷諸相臣論贊

確山道中

中州天下腹厥田異斥鹵如何南汝閒千里餘曠土道  
詢九十翁涕出語未吐流寇昔煽亂中原競鼙鼓殺戮  
兼流亡千百存四五村落人絕稀城市屋可數荒山相  
經互白日仗弓弩余意殊不然汝等逢聖主賜租更  
發粟修文況偃武牛種亦易致旱澇非所苦休養四十  
年胡不治場圃老翁淚縱橫斯理公未覩戶少徭益繁  
民貧吏如虎居者不可留缺者詎可補如欲起瘡痍何  
能逢卓魯聞言三歎息誰其任州府

王阮亭云春陵行之遺



# 黃熊嶺

高嶺何峭崿盤互千層霄設險界楚粵跋涉誰能逃攀  
蘿緣曲棧路狹峯岩巉崎嶇凌絕頂旅魂爲之銷徑許  
一人過厓懸萬石牢仰窺日月近俯睇風雨交深樹翳  
崖谷不受冰雪凋萬丈同蒙密焉能辨林梢嚙足石齒  
齒刮面風騷騷回首睇絕巘白雲在其腰

王阮亭云  
字字可畫

# 過高郵

萬里渡瀟湘洞庭一葦駕不圖返故鄉蒼茫與之亞崩  
奔萬雷鳴潏沔一川瀉浩浩無陵谷湯湯兼冬夏孩穉  
飽虺蛇鵝鴨棲桑柘舴艋婦子巢場圃魚龍舍買薪須  
論斤賣兒不計價古人貴防川蟻穴嚴一罅如何村落

閒眾流滙其下耕鑿計已休畚鍤役未罷死者長已矣  
壯者不得暇哀哉此蒼生誰將奇禍嫁

山行三首

晨起問前路蒼茫墮雨腳霏霏濕輕裝衝泥復如昨跋  
涉雖險艱山色足娛樂峯峯各迴互怪石苔蘚剝一峯  
最峻嶒亭亭直如削高盤翳深樹空翠向我落山花多  
瑣細嵌空峻峭嶮神農不辨名紅綠相芴錯面壁路疑  
絕欲進步還卻徑轉前山通應是鬼斧鑿亂雲衫袖間  
飄忽遍寥廓日暮涼颼生征衣知漸薄

荒山不見人彌望但蓬蒿礧礧亂石錯紛紛林木凋層  
岡漫重複突兀干青霄旣下又復上人困馬亦勞有時



凌絕頂遠近明纖毫籓篠視諸峯所歷良云高不知涉  
險艱但訝前路遙俄看白日墮薄暮風蕭騷

行行入蒙陰枕帶綿岡巒入眼少奇峯惟見巨石頑衰  
草嵌石竅風雨碧蘚斑雲茶紛雪色欲飲憂其寒山頭  
見城郭草屋八九閒居人粲可數日出市已闌客至駭  
羣吏門設亦常關

過應山縣弔楊大洪先生

嗚呼有明神宗之季國虺臲光宗繼之更短折維時先  
生官給事顧命乃與大臣列防微肩鉅定大計選侍移  
宮一朝決再起中丞赴雙闕大柄已被閹人竊乾兒義  
孫滿廟廊二十四罪憤所切赤縣爭高宦者祠彤廷遍

染忠臣血詎有婪臧楊大洪舍人雖死心如鐵或言漢  
之廚顧潔其名唐之牛李營其穴宋之蜀洛明東林黨  
禍紛紛蹈覆轍封疆已被門戶誤遂譏先生太激烈我  
謂此言殊不然藉口保身附明哲假使當年稍婣嬰張  
禹孔光更何別君子豈能誤國家目爲黨人正氣絕鳴  
呼正氣絕國乃滅

下灘

湘南三月湘水生馳波跳沫空江鳴砧研亂石互江面  
險如瞿塘灩澦誰能撓我聞就下水之性豈樂與石相  
排爭清流胡爲輒暴怒鼎沸勢欲蒼崖傾其如灘石太  
嶮巖橫排曲扼真難平笆竿之船薄如紙左旋右折中



流行舵師自許諳趨避到此亦覺心魂驚十里五里在  
俄頃回頭不見丹峯橫一灘纔過一灘至到耳總作奔  
雷聲縱然賦命果窮薄毋乃太視波瀾輕

南苑觀煙火歌

上元之夜雲朦朧千門火樹交加紅煙光九陌遞歌舞  
聖人駕出蓬萊宮春旗芝蓋下南苑長樂本與甘泉  
通龍樓初散珠玉韻鼇闕始振清明風場開千步列彩  
仗寶幢五色飄雲中太平令節陳百戲禁中煙火傳尤  
工鈞天閶闔旣一奏照眼削出金芙蓉須臾飛輪忽下  
射百尺倒挂珠簾櫳纔看朱塔矗巖峩旋見白浪翻朦  
朧花燈萬朵互明滅錦屏六曲相玲瓏垂垂瓔絡燦可

數輝輝星月懸無窮宵中纖翳忽四捲極望天漢磨青  
銅砉然鐵鎖如可掣一道直駕長橋虹魚龍鞭蟄起空  
際施設無乃煩天工頃之四垣赫照燭炎官火傘張蒼  
穹伏如臥鼓守堅壁屹若列甲乘高墉山川直從聚米  
得關隘可有丸泥封霞車燾翻暗壓陳鐵騎蝟集宵傳  
烽重圍遙聽屋瓦震百戰仰受雲梯攻丹雘絳旂助神  
怪雲興霧合遮冥濛人間此樂得未有 皇恩特許臣  
民同不須明詔馳尺一填咽已見傾城空輜輶塞路騎  
夾道或扶白叟攜黃童傳柑更賜侍臣宴 天顏有喜  
恩優隆杯行酒止歌旣醉微臣徒愧無寸功歡游幸預  
眞盛事歸轡欲待扶桑東



宣城鍾子夔過訪賦贈二首

雨雪交零日年華欲暮時款扉雙屐響執手一筇支飄  
泊身如梗蹉跎鬢作絲匆匆俱老大招隱最相宜

我今栖白社君未買青山書畫充家貨舟車送壯顏半  
生千岫遍三絕一身閒最喜分離後狂歌興未刪

送邱四洗馬歸淮陰

路斷三時雨衣增六月寒旅情多慘澹別緒少盤桓未  
及馮唐齒先辭衛玠官君恩須報答莫遂戀漁竿

雨中龐雪厓員外過訪

秋雨晚冥冥衝泥騎乍停挑燈頭半白拭淚眼雙青仕  
隱耽圖史榮枯戀闕廷局扉苔滿徑今夕一談經

登晴川閣

春回大別長莓苔  
六代興亡盡作灰  
翠落征帆楚岫盡  
碧連高閣蜀江來  
兩州城郭當窗出  
隔岸樓臺對水開  
聞說禰生洲未沒  
年年芳草使人哀

湘口

雁叫猿啼不可聞  
零陵風雨正紛紛  
三巖明滅瀟湘合  
二水滢洄楚粵分  
縱目好看靈岳樹  
落帆猶帶隱山雲  
探幽更向愚溪去  
野性偏宜鷗鷺羣

王阮亭云興酣落筆一往入妙

徐電發檢討舟過鄭圃誌別

昔時奏賦未央宮  
聚散升沈八載中  
上殿相爭知我鷲  
當門必去與君同  
喜逢茅屋三更月  
妒殺蒲帆十幅風



煙雨漁蓑雖有約花前對酒莫匆匆

小築初成

向陽初結屋三閒竹几繩牀興未刪風雨亦須攜杖往  
寒暄常只抱琴還窗開四面都臨水土疊三層便當山  
除卻放船兼種樹絕無一事肯相關

杜鵑

萬點青山一抹煙春帆斜挂白雲邊歸心已共湘流急  
不用枝頭叫杜鵑

舟中贈歌者

桃花春漲木蘭舟夾岸垂楊水自流一曲新聲翻綠水  
東風吹雨過揚州

口占留別

頻年送客來荒寺每望南雲卽黯然今日臨風歌折柳  
鄉心先到射湖邊

吾園桂花

秋風老桂滿庭芳金粟盈盈著地黃若使移之綠野外  
饑黎猶是昔年狂

成康保

字安若康熙己未進士考授內閣中書舍人  
以資外擢台州府同知  
遊道堂詩話先生爲先太夫人曾太父在台  
州屢攝令惠愛在民咸謳思之齊息園侍郎  
爲文記其事詩亦七子遺響

九日蜀岡遠眺

秋原橫霽色乘興晚相尋斷嶺連雲起修篁夾路深鳥



歸依野寺日落見空林畫舫喧游女臨風欲墮簪

晚過寶善菴

客路無知己翛然到上方千山寒落木一水黯斜陽  
柏樹空階冷松風入夜長南天頻望斷孤雁下瀟湘

定州道中

自入博陵道煙光分外清風迴沙徑軟雪淨草痕輕  
野樹同飄梗遺墟有落英古來河朔地千里暮雲平

送郭子抑同年謁選

裁罽蛟宮重錦紋雞壇樽酒客途分黃河濤壯兼秋雨  
泰岱峯高入暮雲醉裏詩成惟擊鉢狂來筆妙每書裙  
一錢三異尋常事文采風流自不羣

名王  
七  
贈諾總戎

橫海戈船策壯猷  
翛然裘帶擅風流  
酒酣落日雙雕下  
花滿羣山匹馬游  
舊賜征袍聯幕府  
時聞清嘯倚高樓  
只今瀚海煙波靜  
鴻雁聲傳萬戶秋

贈姚太守

仙郎起草著西京  
粉署清風識盛名  
萬里江澄環臥閣  
三春花滿映專城  
露盤高擢銅符出  
冰鑑遙瞻竹馬迎  
聞說荊州多惠政  
重看補袞佐昇平

得燕詒書知郭子  
抑千里來訪接家信  
不果遙有此寄

聞說山陰雪夜遊  
豪情擊楫大江流  
到來獨對王喬舄



何日同登郭泰舟楚客久無鸚鵡賦漢臣空有鸛鷖裘  
中原不改浮雲色矯首風塵起暮愁

涿鹿道中得準兒家信

昨宵涼雨濕征衣荒驛淒清有夢歸行過范陽天色霽  
南鴻故故傍人飛

郭

昂

字子抑康熙丁未進士官連州知州著有野鶴集

歸里後重登大觀閣

少壯登臨老倦還舊遊今日得重攀逢僧面熱頭皆白  
憶友詩成淚欲潛望裏滄桑驚醉眼樽前雲樹破愁顏  
朗吟四十年前句窗爲湖光夜不關

朱辰

字動孺康熙丁丑進士官諸暨縣知縣著有苑葉山莊藁

過劉伶荷鋤處

風流自千古遺蹟此寒汀豈有夢難覺多因醉未醒荒  
煙沈竹葉落日下旗亭玩世全身法吾還問酒星

方城驛送沈梯山歸嘉興

我亦悠悠行路者一杯更盡一宵歡人當欲別心先醉  
天到將明氣倍寒作客那堪求橘井到家恰好進椒盤  
丁甯花放春風後共爾燕山策馬看

送畢萊仲歸般陽

燕市相逢日欲斜籬邊恰好對黃花三公業尙傳楊震  
一座才都讓孟嘉秋入青帘同策馬夜燒紅燭細評茶  
刀環忽賦驪歌急惹起離人倍憶家



宿獨山集

行當十月萬山中  
路出三叉面面通  
石髮淺留殘黛碧  
霜林遙帶夕陽紅  
荒崖結屋人梳草  
破寺看碑鬼嘯風  
怪底村醪真似水  
一竿猶自插牆東

銅雀臺

漳河河畔麥離離  
臺址依稀問牧兒  
只有南飛烏鵲在  
至今繞樹亦無枝

季

愈

字退如號秋圃康熙庚辰一甲二名進士官翰林院編修

贈劉雨峯出守眞定

東風陣陣燕山路  
芍藥初開鶯碎語  
飛絮成團撲面來  
夕陽柳外行人去  
使君逸氣何翩翩  
粉署爲郎歷幾年

分符典郡守鉅鹿股肱四輔稱豪賢青門祖道傾畿甸  
風流太守人爭羨五馬朱旛照眼明行看化雨隨車徧  
有客停杯望遠天驪歌唱罷獨淒然半畝荒園留我住  
一竿落日爲君牽年來閉戶紅塵裏編籬蒔菜呼知己  
典衣沽酒對春風翦燭分題興無比詩成喝起月當頭  
擊鉢狂歌白更浮夜合香庭同賞夏蓼花書屋共尋秋  
君今外轉嗟離索蒼茫令我情懷惡尊酒論交誰復同  
暮雲千里空搖落臨歧握手重丁甯屈指龔黃政績新  
知君奏最承明早 禁苑花開再卜鄰

王式丹

字方若號樓村康熙癸未一甲一名進士官翰林院修撰著有樓村詩集

遊道堂詩話樓村先生少負盛名與吳縣張匠門高郵李百藥輩同爲宋牧仲中丞所賞



識中丞選江左十五子詩樓材爲冠癸未大魁年已六十未十年卽罷官辛卯科場事發牽連被逮幾陷不測然數十年後孫曾尙有登科甲者吾邑書香之盛以王氏爲最焉

### 送懋竑姪館梁溪

吾家傳一編雲霄例無分汝才如鎔鄒天星耀紫暈胡爲亦弢光繡澀不一技汝父志未申望汝雙翼奮頻年鍛秋風俛首事蒙訓矧值田園荒此行詎敢愠汝母送汝行拈鍼紉敝縕汝體非壯健朝昏念遙問慎勿疏魚鴻毘陵是鄰郡

### 題張明府悲青畦詩後

時有捐修河工補官之令奉上檄買田取土而此輩怙勢擅掘民田至有貧家菜畦盡被掘毀

者明府毅然申請禁飭其弗遵者以法繩之不  
少假一時暴橫靡不斂手邑人感之明府自爲  
悲青畦詩蓋次山春陵之遺音也爲題其後

風泠泠畦青青朝蒔清露濕暮灌蒼煙暝一生長鑣託  
爲命一家辛苦河之汀風茫茫畦荒荒朝見菰與莧暮  
失界與疆豐軀黑面者誰子指揮畚土如連牆老翁長  
跪仰頭訴乞宥貧民食力處正倚捐工仕宦梯那復身  
家爲汝顧汝田不合傍官河此地豈許汝更住憑陵叱  
咤加撈笞兒號婦哭走惶怖田塍毀徧宅亦空全家坐  
見生無路風淒淒悲青畦真是峴嘔父母心寫之長歌  
惻以悽玉雞堂上朝日低蒼衢歌舞慈烏啼何人入告



爲封題自有長策完河隄莫教此輩嘆窮黎君不見悲  
青畦

晚至山驛

崎嶇山路永冉冉復蒼蒼衰草沈天影高杉下夕陽雁  
聲催落葉虎跡認平岡束火乘昏黑驚心爲底忙

晚過楓香鋪

迢遞山程結隊齊初冬朔吹已淒淒寒鴉下壟排牛背  
衰草連岡送馬蹄鄂渚直依平野北楚宮遙在亂峯西  
行行小住楓香鋪紅葉飄零白日低

胭脂山晚眺

一上層巒倚夕曛凭欄觸目思紛紛  
禰衡洲暗無芳草

崔顥樓高有白雲  
砧杵萬家鴉噪晚  
風煙千里雁離羣  
漢江東下鄉關遠  
青翰何從問鄂君

七夕雜詠

不見楊枝見桂枝  
露零秋草蕙蘭萎  
漫思一夕橫塘好  
爭遣佳期已後期  
鈿合金鍼一寸灰  
天孫度巧費疑猜  
琅霄宮闕重重閉  
可是蛛絲乞得來

劉國黻

字禹美康熙丙戌進士由庶吉士改官給事中官至鴻臚寺卿著有碧梧翠竹山房詩草

王礪山明府招飲慈仁寺看海棠憶舅氏侍讀公

寓齋曾植二本因念縱棹園花事闌珊感賦

去年有興尋春郊看花不嫌花徑遙  
海棠佳樹獨希有



一株兩株矜孤標慈仁寺古多幽趣以花名院排僧寮  
爲破功夫留一日花亦有情如久要今年裹足未一出  
兀兀閉戶如居窰春光已過三月半殘英褪粉都飄搖  
尙爲海棠屢問訊幾時穠蕊開嬌嬈鄰寺何人解好事  
河陽新令今王喬三載雲房需次久蒔花有癖無塵囂  
階前矮欄種芍藥簷後大葉栽芭蕉每到花時及偕我  
一斗一石分酒瓢隔牆聽說海棠綻大呼折簡成佳招  
高陽酒徒結小隊烏紗白葛揚輕鑣西陵花砌看雙峙  
絳雲紉縵干青霄天工作意顏色潤的的粉靨生紅潮  
東菴獨樹占幽徑交柯叢倚爭天韶大根如攢千百本  
繁枝齊翦雲霧綃車載金錢不可買春陰乞護燕支嬌

世人譏彈較香色固哉此論徒嘵嘵綺疏容膝倘許借  
茶鐙自置甘拾樵對花試水展書卷東丁穩坐慵早朝  
回憶舊時庾信宅幾年灌植滋長條一峯堂開設良宴  
擎杯擊鉢娛花朝世事東風不可挽花纔經眼旋已凋  
且休客舍起長歎故園此時方寂寥荷葉一池淨如拭  
桃花千樹紅於燒春水拖藍添幾尺長隄管蒯維輕舸  
記得暖風三五夜彩喉珠串吹紫簫及今苔深屐不到  
落花零亂長虹橋往事沈吟一搔首夕陽欲墮風蕭蕭  
急倒銀瓶斟且酌賭酒如博羣爭梟當筵百罰不辭醉  
胸中磊塊爲之澆

初雪適彥來過訪同文子鶴田界洵限東坡聚星



堂韻仍禁體物語時文子赴紅蘭主人招久之

方至

碧山老樹枯無葉卷地北風吹落雪忽暖獸炭鋪氍毹  
一曲新詞歌不絕座中枚叔作賦才老手如醫肱三折  
停杯遲君君不歸想見留髡燭已滅無奈夜深街鼓急  
灞陵醉尉有鉗掣須臾入門一拊掌帽簷飛花密如纈  
主人愛士過梁王不事陶侃收木屑花奴羯鼓當晏溫  
孝伯髦毛任飄瞥轉念交河三尺深氊帷毳幕應難說  
士卒方苦墮指寒上馬披衣如浴鐵

讀王霜皋先生墓志

茅堂曾傍射陽湖白首初歸認故都沒齒未忘依玉柙

舊銜不忍署金吾國亡心史遺編在天老延陵片石孤  
珍重漁洋新著作寫來流恨滿山隅

鄉國人從燕市過白頭無恙問如何河梁別後論詩久  
鄴下書來感舊多一盞乳泓澆磊塊雙眸霧捲對纖阿  
可齋別有生涯在銅斗時時手拍歌

### 憶春游

草色新齊襯淺沙風光偏占野人家勾留最是牆東好  
滿護紅霞兩樹花

擊鼓吹笙一放顛烏驂小隊信歸鞭游絲撲面不知醉  
爛熳春光人少年



白田風雅卷之六

劉中柱

字雨峯由戶部郎中出守眞定致仕歸著有兼隱齋詩鈔續鈔又來館詩集

晚發潤州

夜宿京口城曉行京口路蹤跡似飄萍  
奄忽成去住驢背點殘星征衣濕涼露  
遠天望不分依稀辨江樹

湖嘯歎

盲風吹浪高於山洪澤東下翻狂瀾  
蛟龍鼓鬣走萬頃盡驅平地如海寬  
河伯仗劍排雲下雷師彎弓四面射  
下土作孽天降誅湖村不使留片廈  
銀溝集上屋壓屋金釵澗裏無人哭  
艾塘廟接呂梁橋家家裹束波間宿  
可憐命忽喪黃泉昨日湖邊炊晚煙  
揚帆打鼓官船來

猶望船頭呼報災

決隄歎

湖水灌河河水怒隄頭過水如瀑布隄根一決百丈强  
又如萬馬齊奔赴高田低田總沃壤汪汪千頃風雷響  
白頭浪裏翻稻花變作浮萍逐決漉農家顛沛霎時來  
頽垣矮屋無樓臺婦啼子哭逃不去沈竈產蛙何爲災  
倚船登樹軀命保人無粒食牛無草賣牛買米難兩全  
血淚交流向天禱天不開眼誰肯憐年年築隄隄不堅  
民間苦竭胼胝力河庫還費官家錢

送冰壑歸里

客中愁送客況值子還鄉驢背侵秋氣奚囊裏夕陽含



悲增鬢雪買醉看林霜想到巢園日籬邊菊正黃

春興

草長江南身未歸雜花生樹亂鶯飛松閒屋暖親開徑  
竹裏樓深婦閉幃客枕半欹貪午夢鄉書不至缺春衣  
濁醪賒得還須醉疊翠西山又落暉

送毛大可檢討南歸

玉河橋畔柳疏疏惆悵離情百不如同調十年憐舊雨  
歸裝一束只殘書紅燈綠酒開樽夜花影鶯聲撥棹初  
回首上林人袞袞馬頭塵起拂金輿

雜興

立馬東華數橐駝琉球貢罷又暹羅兩朝封就山爲域

萬里行來海不波，星使謝恩班絡繹。  
春官賜宴舞婆娑，遠人只取從王義。  
莫道珊瑚翡翠多。

地安門外柳穆穆，玉螭金鰲跨碧潭。  
風動龍舟生錦浪，雲橫鳳閣出晴嵐。  
綠天人過芭蕉院，白塔僧歸燕子龕。  
蓮葉蓮花香氣滿，一時身似到江南。

龍驤隊隊聽吹鐃，海子城寬風泐寥。  
掣電當頭騰八駿，流星過眼落雙雕。  
五花陣列人迷路，七校營開將建標。  
料得備兵常不用，綠沈金鎖百年銷。

樓船十萬下澎湖，迅掃孫恩片甲無。  
誰謂闔門能戢翼，頓令全島自捐軀。  
銀濤雪浪沈烽火，鼉穴蛟宮入版圖。  
一騎塵飛傳露布，甘泉無事剖銅符。



西風塞外日昏黃鐵甲朱旗閃異光礮走轟雷驚穴虎  
弓開滿月射天狼混同江闊漂銀練長白山高吐劒鋌  
宵旰依然勞聖主當頭塵淨看封章

故園

閒閒十畝古塘西舊傍垂楊結屋低九曲龍窩浮水鴨  
百年馬鬣叫山雞村春夜起聲連榻酒旆朝懸路隔谿  
最憶農家風景好杏花春雨看扶犁

集錢葆飭宅聽曲

葡萄浮玉椀楊柳挂銀蟾最是關情處歌聲在畫簾  
推手絃走珠清喉脆如玉座中羈客多莫唱江南曲

眞江夜泛

兩岸青山雪未消月明寒夜泛輕橈醉眠忽聽簫聲近  
知是揚州第幾橋

題明皇楊妃並轡圖

唐家天子愛傾城御馬揮鞭並轡行可惜劒南多少路  
烏啼花落獨西征

宿遷道上見木槿花

鍾吾山畔野人家半里紅開木槿花猶有江南風景在  
馬前明日卽天涯

喬

蓋

字子丹號白菴國子生侍御史可聘少子著有容安堂集

劉楚楨曰佳句如靈犀賈禍多因角香麝殘身只爲臍一帆春送移秧水百里秋迎刈稻船皆新穎可傳



感興

愁霖乍靜芭蕉葉蝙蝠扇燈窗影滅出門尚有雷殷殷  
一道銀河光皎潔羈人無寐更漏永愁腸豈止九迴折  
骭髀惟餘七尺身雄談徒有三寸舌傲骨不肯受人憐  
溫飽平生非所屑追思往事今已矣獨抱幽懷夜數起  
娟娟月色滿庭除花砌牆陰蟲聒耳

過李蓑雪柘水新居

地閒應學圃瓜種五陵侯但喜開三徑何須念八騶野  
花堆案角鄰酒過牆頭比舍饒絲竹殷勤發細謳

喬出塵

字雲漸邑增生著有疑菴詩集

汪蛟門曰疑菴自號箕山狷者閉戶三十年  
好圖書有潔癖不妄交一人其意所許可雖

千金不惜也。今家徒四壁，口不言貧。平生撰著，祕不示人。甲寅，余造訪留雲堂，得其詩一卷，攜歸。與孝威共賞之。真詩中逸品也。鄧孝威曰：「疑菴詩，瓢畫卷，茗碗酒鐺之外，澹然無事。其詩風旨深峻，屏棄喧繁，固陶韋之流，不可以世境求之者。」遊道堂詩話云：「雲堂先生爲石林侍讀，從子性耽風雅，家饒於貲。凡冠蓋往來，與侍讀遊者，未嘗不納交於雲堂也。湯西崖少宰憶安宜舊游詩云：『書巢風義我師友，海內論交託契眞。』四百頃田垂老盡，幾人還念鄭公貧。可想見其揮金結客之概。」

秋宵讀書

皎月鑒虛櫺，秋氣夜澄潔。竹屋含清輝，促織鳴淒切。短檠焰熒熒，烏几散緗帙。危坐觀古今，幽懷自怡悅。默想徹淵潭，朗照融冰雪。疑悟相尋環，悠然誰與說。起視銀漢傾，疏星半明滅。



季孫自楚歸見訪

舊年握別秋風作紫桂簷前意蕭索人生聚散亦何常  
百年歲序同朝霜如君軼才天地閒絕塵而奔那可攀  
不知懷抱向誰吐路指熊湘弔鸚鵡黃鶴不見白雲多  
芳草晴川可奈何忽報陶潛歸去來扁舟一葉楚帆開  
毛髮光搖洞庭色不是踏歌識不得開囊爲我滌繁想  
聲激迴飈半天響恍如身在嶽麓山七十二峯從俯仰

聞秋崖將歸

無那離愁意秋風更惘然千山追落日匹馬立荒天世  
事拋棋局還家有釣船射湖明月夜待爾幾回圓

懷汪北阜

分手是何時春風繫所思聞鶯留韻早聽雨別鐙遲歲  
月淹心曲文章入鬢絲卽今相憶地惟仗夢魂知

雨霽月出啟戶見冰壑同過吾園坐月

月出千郊迴開門見故人雨晴沙岸滑花滿竹林春市  
遠無拘束山深足賤貧平生多涕淚此夕豁吾眞

閣夜

竹閣孤危甚風來夜不勝一窗春雨亂半榻峭寒增攬  
袂人難起扶衰力未能小鬢心慣怯不敢覲殘燈

哭秋崖

天奪風流後山花只自開輪囷虛酒膽芒角失詩才顧  
我依殘影於君擲舊杯何年聊化鶴長嘯一歸來



小泛

避喧聊野泛柔櫓破蒼煙湖淨水如鏡天低雲滿船孤  
吟酬鶴唳薄醉伴鷗眠前路逢漁叟生涯愧獨賢

喜栩道人至

日日遲君至相逢已歲殘青山何處買白髮幾莖看雲  
暗琴聲咽風鳴劒氣寒仰天同一笑且共酒杯歡

寄孫豹人

易別鄉關何所之嶺雲江月繫相思新愁又逼春前雪  
往恨都歸老去詩婚嫁漸催兒女長田園常苦歲年飢  
休言釣玉人還健世事纔如理亂絲

生日梁公狄萬年少胡天仿張嘉菴暨叔氏鈍菴

集留雲堂

西風滿目動悲歌自笑悠悠竟若何  
隄柳翠乾秋色老江楓紅碎夕陽多  
鬚眉不信愁中改歲月眞從夢裏過  
相對莫嗟頭易禿且將濁酒醉煙蘿

猶戀

病骨支離頂漸童短筇猶自戀春風  
鶯花未必私年少歲月偏能逼老翁  
過此浮生天易見已經衰眼事全空  
陌頭尙有垂楊路好把頽顏借酒紅

重九前一日彭城棚道人見訪

去年雪裏踉蹌別今日相逢落葉中  
亂後家鄉何處是秋來風雨幾人同  
漫言禿鬢霜催白且放愁顏酒借紅



明日登高吟興在與君扶杖出城東

過巢園題壁

入門依舊孤峯路逕轉回塘倚杖看松下不來經數載  
竹閒今又長千竿人逢至友歡難盡鳥戀寒枝性易安  
到此自應終日住澆愁況復酒杯寬

柘溪書屋

柴門臨水開是我讀書處門內薜荔牆門外桑柘樹

寒蟬

獵獵西風起暮愁寒鴉接翅過山樓碧梧黃盡丹楓老  
不管枯蟬咽冷秋

清晝

綠陰清晝撫松低深院無人草自迷正是江南風日好  
採茶歌罷畫眉啼

湯啟祚

字迪宗號滋人輝祚從兄著有春秋不傳杜詩箋紀年刪剩稿續稿

春望

春望還移席孤山小徑通鶴翻溪上白梅透竹邊紅晚  
日浮雲外餘寒細雨中隔離人並在杯酒遂相同

喬尹度

字幼宏候選州同著有陸舫詩集

七夕後一日對月

朱明已踰夏少昊初迎秋瑟瑟涼風生纖月照我樓銀  
漢淡無色大火將西流憑高挹清輝照歡亦照愁星疏  
燦可數雲薄浮不收蛩聲起良夜萬物同悠悠



立秋日

轡影不暫息節序浸已馳  
炎歊倏若客屋角吹涼颼  
行雲斷復連飛雨灑無時  
巢燕久不歸鳴蜩集深枝  
纖月延疏光空明照遲遲  
草木漸增實白露流華滋  
人生隨物化鬢髮添素絲  
撫懷爲惆悵濁醪聊自持

王綽公劉惠人過訪

金風肅園林落葉聲  
槭槭扣扉二妙來  
乃是煙霞客  
雜坐忘主賓  
殘花透簾隙  
痛飲傾肺肝  
狂歌墮巾幘  
林外棲鴉鳴  
歸客動雙屐  
相送臨扁舟  
仰視秋月白

塞上曲

朔風吹磧衣  
變緇軍中伐鼓揚  
大旗壯士去鄉心  
苦悲

生死唯命安敢辭平原莽蒼萬馬嘶故國日遠羶車遲  
猝遇大敵人莫知正是雪滿天山時

傅烈婦歌

傅烈婦者邑趙氏女也穉時不苟言笑及笄適  
傅氏子夙有療疾未彌月夫疾劇烈婦棄膏沐  
親藥餌衣不解帶者三月餘夫彌留日謂烈婦  
曰今生不能作夫婦恨聚處未久無子息耳我  
死幸他適以事我者事之烈婦嗚咽曰生同衾  
死同穴我誓此久矣君猶未諒我心乎乃背人  
登樓縊而死夫亦於是日沒

妾命旣薄鮮所終良人臥疴憔悴同譬彼白日多晦蒙



浮雲蔽虧遭疾風相依幾何心忡忡雖有膏沐誰爲容  
雙栖一失思故雄不如相待黃泉中

舟中卽事

明湖澄似鏡秋曠敞孤篷曉雁遙天外殘荷亂葦中魚  
習連蟹斷酒盞繼詩筒竟日乘流去狂歌趁晚風

舟中

乘流無一事偃息意恬然岸柳拖晴日魚習挂暝煙雲  
來侵枕簟鳥去沒湖天極目窮幽賞非關愛晝眠

過農家

簇簇茅簷傍水流到來不覺景偏幽斜支屋後公孫竹  
橫臥溪邊子母牛客至一綸魚上餌年豐八月酒先篋

相邀鄰伴同余醉  
樵唱漁歌樂未休


過再東閣

一派名園匝野塘  
再東閣畔最蒼茫  
人穿綠柳衣拖影  
燕掠紅蕖尾夾香  
竟日茶瓜閒話舊  
半城風雨晚生涼  
翻嫌地主強難敵  
叉手詩成倒巨觴

喜陶括安先生歸自黃山

蓬華因君始一開  
相攜花底話深杯  
細窺眉宇煙霞氣  
帶得黃山一半來





卷之四 李詩補注

七言律

五言古詩 五言律 五言絕 五言排律

五言律 五言絕 五言排律

五言律 五言絕 五言排律

五言律 五言絕 五言排律

五言律 五言絕 五言排律

五言律 五言絕 五言排律

五言律 五言絕 五言排律


五言律 五言絕 五言排律

五言律 五言絕 五言排律

五言律 五言絕 五言排律























白田風雅  
卷二











卷之

一  
二  
三  
四  
五  
六  
七  
八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百





白田風雅卷之七

湯輝祚

字蔚宗歲貢生著有蘧浦詩存



遊道堂詩話蘧浦先生乃先大母劉太夫人之外祖也子四人並邑諸生其長子綱與先生俱有聲庠序爾時邑中負文名者以湯氏父子王氏昆季為稱首乃樓村大魁天下懷公先生雖早世有子子中先生巍然名儒蘧浦未脫諸生籍後嗣陵替無知其姓字者今從子純如處得先生手錄遺詩數十紙亟錄而存之

擬樂府古辭

為涂璞厓未嫁妻作

眾鳥各追飛雌雄尋其羣風翻天際黑零落獨雁聲一雁已摧折曾伴水雲程何當憔悴女從未識夫君一日聞壻病三日羞問訊五日病沈結七日隕大命計來心魂裂瞪目淚如結自憐女兒行吞聲那敢出倚牀寸心

碎幾日不知食阿母窺女意婉曲向女言痛汝失所天  
月缺無終圓素服一往弔了此未就緣阿女低點頭起  
來著衣裳肩輿出門去追隨盡親行入門不聞哭斂容  
翁姥堂低頭拜翁姥側轉走西廊對棺拜且奠畢拜哭  
聲揚哭來不呼天自訴命苦傷再跪試陳辭君子其知  
之儂身雖未嫁旣許心不移雙羊將擔酒的的媒妁詞  
父母一發口天地實聞知脫我素羅裳著我麻布衣簪  
珥一併解白幅裹頭皮上堂白翁姥儂是霜後草夢魂  
絕陽春寒栗甘自老翁姥相對哭著伴小姑娘宿就枕連  
麻衣小姑娘勸不脫清晨起拭面走向翁姥房忍淚作新  
婦可憐麻衰妝三日嫂生兒合家啜泣時上堂白翁姥



入房求嫂憐折株須樹接斷藕得絲連願乞初生兒繼  
嗣報黃泉阿嫂一許諾襁褓手自縛抱兒訴翁姥熒熒  
孤獨孫抱兒訴先靈九原實式憑願兒善乳食周歲強  
筋骨願兒稀痘疹顏面光澤澤願兒聰且明識字讀書  
能十五有進步簫鼓喧門庭十七成婚媾人家好娉婷  
看兒復生兒容易到長成相隨東十里後先拜邱墳并  
將一生淚持此報亡人

擬折楊柳枝歌

馬上翩躚兒一半與郎似折柳送作鞭驚看馬蹄去  
手中快剪刀腰下薄羅裊羅裊肯奮飛天上翦愁雲  
桃花照儂顏顏比春未老儂持背人淚春心那得曉

柳緒青青垂迎風弄柔枝纖腰髮覆額想儂十三時

將之廣陵留別海岳陸舫家仲氏滋人

涼秋厲喬林歸鳥昵叢枝匣巢瑾其戶肅此迅風吹羣  
動亦已息萬物謝囂疲伊余荆扉士遠溯邗水湄東籬  
有宿要採菊歡相持提壺陟層岡遐矚賦新詩如何感  
離分乃與朋知辭日夕贈子邁招招舟子時芳塘迴清  
溜蓮葉凋以披杳然天宇空浮雲將何之平莽揚沙煙  
嚙銜颼鳴騅曲川紆蒹渚盼彼修路歧蠻兒送妙聲入  
耳心不夷人生慳良覲每歎商參馳望舒翹半規三五  
倏已移曩蹤一何邈與居猶可爲衫袂翩曠抱清風巧  
相窺芰芡充圓方紫螯沁糟醕疇昔獲所懽敘意於卮



匪去去豈滯淫別促會日遲羈緒發清嘯迴飈寄心知  
離居而和歌徽音勿遐遺曰余歸去來兼旬以爲期

柬陸舫歸自柘溪

隱市非無地看山賸有情花顏酣曉露蟲語閒秋更坐  
去客誰醉別來詩更清羨君蘆荻裏一棹縱身輕

夜泊

綠到平蕪盡輕舟下濁河雲山漸次遠鳬雁等閑多碧  
浦月初上清簫人奈何鄉心秋正切況乃聽漁歌

懷陳冰壑

幾許淮陰路幽栖是旅中雁啼秋後雨葉走夜來風客  
館愁能到新詩老更工鏡中窺白髮莫妒燭花紅

尋友不值

出門何處所  
筇路忽思君  
孤館誰留客  
寒峰有宿雲  
莓階紆徑轉  
雁陣急秋分  
詩就題無筆  
空摹指上紋

贈仲耳澄

北山處士風  
流在七十  
今傷老病身  
策杖難扶肢  
痿歷茹荼空負腹  
輪囷偶逢白  
酒酬佳夢  
除卻青氈失  
故人隙地已荒  
春不管茅簷  
猶喜燕泥新

朱貞女詩

之死留生若  
箇難百年  
悽切把兒看  
誰傾戚氏汪  
中水洗卻朱  
顏淚血乾

喬守愿

字元夫歲貢生



張子晉明府招集縱棹園用少陵城西陂泛舟韻  
水斷柴門路問船使君快集雨餘天晚荷新洗紅妝出  
秋荇平鋪翠帶牽魚戲東西聽度曲鳥鳴下上喚開筵  
野人慰望沾霖澤不願移封向酒泉

朱峻

字輝斗拔貢生

前題

一篙深水駕虛船恰好秋初雨後天幾片殘霞紅綺亂  
百株垂柳碧絲牽蟬吟似學翻新曲虹吸偏知對晚筵  
座上涼颺動衣袂泠然不羨枕流泉

成康傳

字檐菴歲貢生

前題

正似南池泛畫船蓮塘雨後晚涼天狎鷗不厭雙橈入  
傍柳無勞百丈牽簾外風香飄醉袂亭陰風翠落歌筵  
公餘好是清游地三斗何須羨酒泉

劉國藻

字虞山康熙丙子副貢生官來安縣教諭

前題

新漲溶溶蕩畫船池塘秋入芰荷天煙凝翠岸蒼葭合  
風拂波紋碧荇牽一桁小山迎客屐半規初月照賓筵  
酒醒衣冷將清夜正合雲山賦瀑泉

遊道堂詩話時承平日久公餘多暇守土之  
官得與鄉之人士讌飲爲樂洵太平盛事也  
故備錄之

王

旃

字芬木



贈鄭雪屋

江水雲山品絕清  
年年風雨夢康成  
感懷易下淩陽淚  
歌誦皆爲原憲聲  
載酒有人爭問字  
下帷無日不逃名  
揮毫更溢雲林興  
萬疊煙嵐落紙輕

張

伸

字上臣貢生

與雪屋飲喬介菴精舍

青帝欲回催杏柳  
白雲初下戀峯巒  
陳遵鑿井貪留客  
夜待題詩墨瀋乾

鄭乾清

字千子諸生

遊道堂詩話雪屋工詩尤善繪事今所傳絕少

八月十八日錢塘觀潮

獨倚危樓望潮生鼉子門波凝一氣白秋湧大江昏隱  
見天吳影蒼茫地軸吞我思鋪席坐吟嘯倒金尊

老洲頭

客路元宵近蘆洲泊晚風村燈分月白野火透江紅笛  
冷梅花裏春流竹葉中座聞歌白雪謾道楚材雄

金陵阻雪時值元旦初晴

雪擁龍江滯客星瑤林朝霽透疏櫺四圍天氣遙涵白  
萬疊山容欲放青春入鳳臺榮瑞莢路從牛首怯飄萍  
低回昔日追歡處一半笙歌醉裏聽

寄王亦退閩中

起舞聞雞怯曉霜玉鞭遙指控蠻荒七閩風雨雙龍劍



九曲溪山一錦囊日盼金駟嘶故里秋期綠蟻話新涼  
幾回夢裏追尋處落月猶疑滿屋梁

陶

震

字左方徵士徵長子

題畫

深谷少人家桃花臨水靜日落泛橫塘魚苗亂花影

陶

蔚

字文虎徵士徵子官咸陽縣丞著有問天樓詩集

遊道堂詩話文虎意氣粗豪不足嗣音名父然亂頭粗服中亦有戛戛獨造處

雜咏

孔雀巢空山錦繡成羽翰羅者巧致之供人耳目玩豈  
無稻梁食樊籠困羈絆何如野雀飛高舉在霄漢常與  
孤雲遊千里一昏旦

炎風扇火雲天地恣酷烈蠅營何自苦依人競趨熱揮  
之不得遠撲之甘自滅問爾胡獨然生計毋乃拙秋飈  
如巨帚蹤跡一朝絕世態自古然我心有冰雪

軹城偶題

聶政灰久寒郭解骨已朽任俠各一時名垂實已久我  
從軹里過風氣頗雄厚太行繞其北清濟繞其右比戶  
多激昂勇者十八九千錢買鍊錐百金購匕首逢人無  
遜辭揖客但又手睚眦伺殺人生計習屠狗我有平生  
讎積忿觸星斗青萍匿懷袖中夜自悲吼眼前誓必復  
屈指某與某政乃吾所師解則我之友

夷門懷古



窮賤監門老奇謀思卻秦竊符權在手送別死隨身禮  
士無公子酬恩有異人千秋陵谷變坏土亦荒榛

京口題僧舍壁

僧閣纔容膝羈栖得借安雨昏秋日短木落水天寒閱  
世頻看劒窮途獨倚欄斷鴻余共汝悽切滯江干

過七里灘

眾壑爭無地中分七里灘孤帆輕巨浪高枕越奔湍水  
色霑衣綠山光撲酒寒釣臺人不見何處問漁竿

穀日同人餞客於文明閣

馬上餘寒漸覺輕也隨時輩踏郊行波通淺潦殘冰破  
草坼枯芰細路平登閣好看千嶺雪隔林纔聽一聲鶯

年年對酒春風慣望遠多於送遠情

畫蟬

吸露亦自飽嘶風聲在天可憐抱衰柳凋落共年年

爲處仲寫小幅並題絕句

雨霽霞生卯色天柳陰斜繫橈頭船漁翁不在釣竿在  
何處酒家貪醉眠

周宗魯

字東儒康熙丁卯副貢生官盧龍縣知縣

都中送丹衷歸里

最怕長亭別那堪君又歸風流傳紫陌名姓隸黃扉  
座滿葡萄酒山閒薜荔衣思深抵里日紅瘦綠添肥

王天仁

字堯夫邑廩生巖之弟



送張孝廉還秦

關內稱天險君歸意氣雄  
涇河流雪冷華嶽倚雲空  
草木荒秦甸煙塵繞漢宮  
無窮鄉國念盡寄一杯中

寓夏元開止園李籀史攜罇見過

乘閒溪上坐魚鳥日相親  
柳外歇微雨花閒來故人  
聽鶯追往事把酒惜餘春  
送子野田畔前村月又新

勳臣封妻贈子爵計爵行並子理田輔前侍員王陳  
宋國爲土坐魚息日麻藤帶巾婦麻制封開梁封人  
無皇元國五國幸疏史職新日臣

本疏奉旨發順德爲官無疏職謝金銀寄一封中  
開內非是謝官國意是軍臣國意爲命等情得呈三  
世聖孝烈顯考



白田風雅卷之八

喬崇烈

字無功號紫淵侍讀萊之長子康熙丙戌進士翰林院庶吉士以母老假歸遂不出著有學齋詩集

伐樹歎

濕土無珍木移植多不壽我鄉最窪凹屋角稍宜柳曲  
水滌野橋流風颺南畝依習或貫魚爲杯亦貯酒我愛  
楚腰細或怪魯癭醜六月清風來迎涼勝北牖洪波決  
漕塢居人競奔走室家或不顧何能爲汝守初聞盜相  
賊十不及八九繼傳塞河決吏至將盡取盜竊猶可防  
吏伐那許後白日厲樵斧心酸斧割手脚躑不忍髡念  
復非我有長揖謝平林不及待汝朽初冬水稍落圯壁

如破曰尋家樹不存孰爲辨誰某

惜別謠送文子之白下

波搖搖風刁刁蒲帆欲挂檣烏驕白田柳暗亂鶯語把  
酒酌君心鬱陶春樓夜掩秦淮雨桃葉人歸隔煙浦玉  
簫細泛璧月明留照鷓鴣鷓鴣拍雙羽

十四夜對月

曹南餘好夜塵壒乍停飛一靜便齊物異鄉仍闔扉何  
人憑玉笛與爾共清輝莫遣茶煙細今宵夢不歸

信天翁

不知巢與伴終日守煙波詎有六時飽應無一目羅蒼  
茫憑影立安穩待魚過相對吾羞汝勞生跡又多



秋晚懷樓村

落日雁聲起蕭然見客身江山無恙在風雨共誰論銀  
燭歸才子黃花失酒人暮年離別意空爾望星辰

縱櫂園

十日顛風乍斂威夕陽無限在園扉一泓浸岸鵝初潔  
三匝營巢鵲不肥綽約小梅羞半面丰茸細草記分圍  
春風莫便開桃李賺取游人緩緩歸

社前一日掃婦墓

薄靄輕陰向社天冢纍纍處認新阡深情有待移槐影  
比例含悲進楮錢堂上舅姑安似昨膝邊兒女長增前  
殷殷三獻能知否面土春風第一年

卷六  
二  
花浮閣雨望

碧天無際嶺雲東  
遠寺浮光一角紅  
節物乍過挑菜後  
詩情常在夕陽中  
倚牆樹老春無力  
浥地塵消雨有功  
翳鬱漸看蒙別館  
別來花發幾叢叢

月夜水臺小集

金波滉漾月初修  
露濕絺衣錯酒籌  
杯底星辰開白蟻  
楯邊魚鳥熟清謳  
蒼茫到眼乾坤意  
牢落關情節序秋  
蟋蟀漸多螢漸少  
一年風物換芳洲

三月十九日重寓鐵佛院樓有懷邇求

寂寞歌塵斂玳梁  
風吹紅壁隔年香  
樓邊綠樹前春遠  
水上殘雲去夢長  
玉笛有聲逢落日  
木蘭無主下迴塘



衰遲此際應添白最是重遊思易傷

枕邊插梅一枝覺後口占二絕句

小折春枝傍枕函暗香依約萬峯山雞鳴一覺華胥路  
只有梅花伴往還

紙帳番番護薄寒  
妄情銷盡夢輕安  
飛花一夜驚頭白  
笑倩山妻取鏡看

劉中從

字自益康熙戊子舉人官石埭縣教諭

對月

中庭坐明月樂酒杯在手  
倏爾與意會持杯忘入口  
野水灌花畦微風動疏柳  
卽物且陶然清歌自擊缶

劉家珍

字席待廩貢生著有螻堂集北省集藕花書屋詩

遊道堂詩話鹿沙先生爲真定太守雨峰先生長子曾大父之甥天才煥發兀傲不可一世年三十餘而卒士林惜之

江南路

妾本冀北人愛種江南樹前年隨藁砧共涉黃河去蝴蝶猶翩翩鴛鴦自朝暮豈意羨封侯匆匆遠征戍鮮衣控怒馬於義不返顧攬轡過妾家六親與歡聚明日當遠行脈脈不能語牽衣送君時是妾腸斷處丈夫志四方慷慨各有故何當凱歌旋春滿江南路

海門歌

大江東注海門通曉日欲出光瞳矐眼中滾滾但一氣江海潮汐將毋同洪波淼渺不可測往往變幻來天風



天風吹江江水立蒼茫直上排長空鳬鷗跡絕鼃鼃竄  
傾倒蛟室翻龍宮昔年此地號京口蕭齊劉宋誇英雄  
旌旗輒輒蔽山谷南徐北固彎強弓江中樓櫓不知數  
高牙大纛連山紅只今萬里頌清晏船頭大估斟郛筒  
芳洲荻芽弄春色紛紛牒子來漁翁

曉登妙高臺

凌晨通霽色獨上妙高臺人語南徐近潮聲北固來帆  
檣雲外直樓閣鏡中開梵放聞清磬魚龍聽法回

同人集漁山園

夜靜天河白虛堂月到門露零苔磴濕螢散柳塘昏只  
此南樓興何如北海樽冷然秋思起砧杵動遙村

泊瓜洲

日落江邊住人家簇野煙潮聲喧入夜樹色遠浮天燈  
火三更市帆檣萬里船遙聞京口路漁笛起悠然

鬻馬

金盡裘凋未了貧搜求到爾亦酸辛飛騰竟負空羣目  
芻秣終慚買骨人踏雪追花還繫想青絲錦幃爲誰新  
遺鞭雖在難重把肯傍駑駘逐後塵

寄自益叔

桃花灼灼柳疏疏又是河干握手初轉眼竟成經歲別  
開顏忽把數行書誤隨人走長安市羞說歸乘下澤車  
往日竹林風味好狂歌爛醉近何如



高沙道中

長隄霜重壓蘆花  
鴨觜船開逐水斜  
一夜櫓聲搖不斷  
曉風殘月過高沙

村中

瓦溝溪下綠陰連  
菱芡菰蒲不值錢  
秋水一篙三四里  
西風吹上藕花船

地安門觀荷

行盡荷池又稻田  
碧花紅穗散秋煙  
一羣鵝鴨三篙水  
酷似江南雨後天

曉過西華門

斜月微風漸欲明  
春山驢背曉寒生  
分明一樣趨朝路

不爲雞聲到禁城

過北菴有感

雲窗月閣靜無塵  
沙草纖纖已露春  
記得門前楊柳下  
雨絲吹淚送行人

高沙懷桐高

櫓聲一夜響如雷  
城上烏啼曙色催  
三十六湖澎湃裏  
不知何處夜珠來

河上送姚曉嵐之薊門

曉鶯啼徹白田西  
習習春風送馬蹄  
愁絕故人揮手處  
平橋楊柳綠萋萋

喬崇讓

字致能侍讀萊次子康熙丁卯副榜



遊道堂詩話楮堂先生爲曾王母之兄工詩  
暨入法繪事取法北宋人花鳥尤入神品年  
未三十而殂故所傳止此

### 卽事

結伴趁溪丁雲峯看畫屏鴉爭枝上黑風抹草根青水  
荇長牽帶山桃小綴鈴停橈高處望野祭盡攜瓶

### 自題折枝枸櫞

蕙帶圍寬訝沈郎筆鋒銷盡業全荒幾年不屬槐花管  
一樹撐霄著意黃

余養疴陶園忽有道士闌入告余前生事訂後晤  
期賦一絕

偶然一誤到人閒忘卻前生有舊山今日相逢如夢裏

白雲秋館不知還

張易忬

字無竟歲貢生官甯國縣訓導

次韻和燕堂同遠峯唱園笏齋攜酒淨土菴看雪  
踏雪尋聲野寺鐘蒼煙漠漠失林容招攜蠻榼人三五  
屈曲沙隄路幾重梵唄聲中金布地長明燈外玉爲峯  
城中車馬泥盈尺誰解閒同冷客蹤

喬兆棟

字松華康熙癸未進士官西林縣知縣卒於官著有冷吟集

息浪菴

登舟去蕪城須臾泊瓜步南北扼其衝往來無停渡日  
暮江風生寒潮射飛雨蒼茫望金山了了隔煙霧扁舟  
未可涉暫向精廬住白石蟄庭階淨潔不忍吐隔屋號



風濤聞聲心已怖中夜不成眠展轉聽粥鼓凌晨風未  
平駭浪莽回互我來爲山水無勞倉卒赴恬然且安枕  
涉險吾所慮起視賈客船撇捩衝風去

過蘆村晤王禹圖先生

偶懷高士宅乘興過蘆村種樹全遮屋牽舟直到門身  
閒諳稼穡歲稔足雞豚安得常居此從君學灌園

過白田鋪作

謫仙馬上吟詩處悵望長隄細草生官道比年初種柳  
淮南五月又聞鶯天邊帆影依城落樹裏湖光受日明  
聞說捐租恩詔下謾勞布穀苦催耕

喬崇修

字介夫增貢生雍正元年  
陵縣教諭著有雞肋集

特旨召見授銅

遊道堂詩話固翁先生善鑒法書名畫尤工  
入分得其片楮者人爭寶之

鶴羣寄示新詩次韻奉懷

深宵展新詠吟罷不勝情憶別在何處空聞歸雁聲流  
階耿寒月遙夢帶餘醒舊有看山約何時共耦耕

游塔嶺次陳謂敬韻

小輿嘔軋出城東禾黍高低細路中千劫佛鈴孤塔聳  
一林松籟四山通當門列岫烘晴日曲竇生涼遞好風  
瀛海茫茫杳何許諸天人坐翠微宮

舒子展云穩  
稱似中唐人

晚出左掖門

萬戶千門裏朝天緩步回分明衣上月攜自九霄來

王懋謚

字鶴聞殿撰式丹子康熙辛卯舉人著有岸  
秋堂集



窩蓬歎

秋水駕天來，萍泐失山村。  
滅頂未得死，安敢問家門。  
昏黃但水氣，擇所聊圖存。  
濱河一綫土，納納如雲屯。  
挂席爲四壁，畫地爲籬藩。  
敗蘆爲屋椽，覆以菁茅根。  
全家憑食息，我臥姑爾蹲。  
炊煙黔甍面，支牀多古墳。  
蝨父慮容公，餘子爭於禪。  
一朝雨暴下，灌溜無逃奔。  
宛作繖子帳，欲向風中翻。  
嘗時到隄上，彌望愁心魂。  
槌石濫金錢，空令河伯吞。  
至今竟無狀，重困惟黎元。  
我無千廣廈，籌荒亦虛言。  
何代公沙穆，宏農萬古恩。

雙樹曲

黃銀燈閃春容媚，  
驅陳愁逢纖指膩。  
雙暈芙蓉酒上時，

金牌暗繫冬哥臂狼藉長安玉局春辛夷別館生紅塵  
背花耳語未輸意重擘蠻箋青鳥嗔

張明府去任四年補汲縣丞過白田留別次韻奉

酬

相對茫茫感百端更於局外觀荒寒時窮散地收才子  
事久輿人識好官潦倒頻年亡馬易澄清初願拔山難  
唯公記取安身法一例逢人青眼看

落卷

力疾秋風戰槩雄客魂猶墮棘牆東紅絲一卷闌珊字  
字字宵燈夢影中

王碩

字逸齋著一枝草堂詩略



遊道堂詩話逸齋不知何時人喬孚先於破  
書攤市得一本亟錄數首

### 贈楊文思

寺古秋風冷羈人未授衣那能陶酒甕聊且託禪扉  
鬼氣吹燈暗螢光照幔稀高懷君自得隨遇且忘機

### 隋宮

無愁輕薄是楊花江上迷樓駐女娃寒食年年芳草綠  
杜鵑啼血玉鉤斜

詩經卷八

詩經卷八

文

詩經

詩經卷八

詩經卷八

詩經

詩經卷八



白田風雅卷之九

王懋竑

字予中康熙戊戌進士改安慶府學教授以薦舉辟召授翰林院編修南書房行走

丁母憂不復出家居二十年卒著有白田草堂存稿

遊道堂詩話先生少稟異姿五行俱下經史淹通不屑爲詞章之士晚年深味道腴尤遂於朱子之學詩未免流入擊壤一派茲特錄其少作

書座右

奔馬不可馭磐石不可幹是非反掌閒鉛刀貴一割我心似寒灰百念俱刊剝願更塞其端絕之在由枿

嘯臺

漢終四百九服囂崢嶸特出當塗高削平袁呂拒吳蜀誰知三馬同一曹指揮若定羣雄走網羅八紘無奔逃

王鄭孫陳稱舊德萬鈞之重輕鴻毛先生抗志風塵外  
一身孤子甘蓬蒿被髮穴處猿狖侶如鍵得閉深局牢  
有時長嘯振林谷萬木洶洶增怒號嵇康養生終不免  
阮籍東逝隨滔滔固知時衰難幸免祇令千載同訾謗  
泣麟歎鳳徒爲爾挫折豈謂非所遭神駿馳驅倏千里  
霜蹄一蹶傾塹壕前車之覆自古戒汙泥揚波舖醜糟  
失意還如人快意俯仰相隨如桔槔

王懋訥

字懿誦號抑夫康熙己卯舉人浙江烏程縣知縣著有聊存稿

題棕亭妹丈種菜圖

不種東陵瓜不種南山豆羨彼於陵子畦菜花秀抱  
甕和露洗荷鋤帶煙耨撫時一掀髯頭顱歎依舊嗟君



磊落人文采天所富秋宵綠窗冷說嫁猶未售早韭與  
晚菘登槃各異候有根當自香無肉不妨瘦暖風拂柔  
桑春田雉應雒那能閉門老開懷瀉清酌

題紅葉閣

我來紅葉閣未到葉紅時對案羣峯立當簷老樹垂閒  
雲衣上過清磬夢中知坐覺諸天近低回欲去遲

姚修珩

字曉嵐廩生

遊道堂詩話曉嵐爲富豪所毆斃同學多感憤不平終不得直遺詩散失僅得之友人篋中

伴山堂分韻

春色晴逾好幽居到處同竹<sub>門</sub>穿戶月花捲撲簾風碎

語翻新燕游絲挂小蟲倚欄心欲醉取次入詩筒

成

珥

字形上廩生以貢入太學赴京兆試不第卒

程園晚眺

女牆環落日暮景更蒼茫徑僻游人少林喧歸鳥忙蟹  
迎霜信美魚帶稻花香忽憶故園菊籬邊已半黃

憶西湖並柬諸子

不到杭州二十年酒懷詩緒兩茫然藏鉤猶憶傳柑節  
分韻終慚詠雪篇花滿六橋春繫馬月明三塔夜歸船  
何時再著遊山屐拄杖雷峯夕照邊

喬茂才

字欽飛號四齋官邵武府同知

蘋園



杖策尋幽去蘋園有隱居桑麻羅戶外峯岫列窗虛  
近通茶社雲深護藥廬東山新月上清興復何如

夜合花

朝看無情暮有情送行不合合留行長亭詩句河橋酒  
一樹紅絨落馬纓

王烜生

擬謝康樂遊山

投簪謝魏闕愜志遵海徼言豁區中矚獲展霞外眺躋  
險踰青壑捫滑陟蒼嶠探蹟窮岑巖玩奇厠巘峭陰巖  
腴碧姿陽葩暉丹耀曲澗淙激湍哀猿引清嘯耳目洽  
幽異淵討歷眾妙象外會所適元覽領其要天台行采

藥富春坐垂釣跡賤秉則優尙微節彌邵雅逖鴟夷情  
毋貽子牟誚冥筌庶可排古處期同調

朱濤

字雪山號松餘諸生

客夜

露白霜初結更深漏欲殘驚心秋又晚小閣夜生寒空  
有還家夢誰憐客子單披衣趺坐久北斗下闌干

登大觀樓懷王牧之

閒來無奈上層樓木落天高雁滿洲千里關河迷遠夢  
一庭風雨入深秋故人尺素頻年隔何處霜砧動客愁  
惆悵東籬寒菊朵憑誰相對共浮甌

張遵路

字斯平



舟泊虎邱

煙水存眞賞層陰繞綠池峯迴疑路盡雲起覺山移亂  
草眞娘墓頽牆短簿祠逢僧休話舊都付斷腸詩

九日

秋色重陽老寒聲落翠微黃花三徑瘦紅葉萬山肥  
飈館霜猶舊文峯曲盡非可憐青鬢改動與世相違

苗莊

字敬甫著有一佛居士詩鈔

遊道堂詩話敬甫甚有詩名遺集甚多今止  
存南遊小集一卷止七律一體又選有近詩  
存余曾見有王樓村先生序文問其家人不  
可得矣

留題韜光

日日看山興不窮又穿古寺訪仙宮樓懸百道飛泉上

路繞千竿亂竹中  
靈鷲峯昏窗外  
雨錢塘潮急座前風  
到來何用飛昇術  
身坐青天已半空

烏程令署留別王抑夫表兄

公瑾醇醪醉幾旬  
異鄉情比故鄉真  
已開東閣留佳客  
更爲西湖作主人  
回首暮雲千里散  
舉頭秋月一痕新  
扁舟從此還家去  
不向前途更問津

劉師向

字封事鴻臚卿國黻長子康熙辛卯舉人江津縣知縣內升員外郎未赴卒著有蒲塘集

秋夜渡揚子江

浩淼清秋夜  
金焦相向明  
亂帆揚子渡  
遠火潤州城  
風定鈴無語  
江流月有聲  
遙知香海內  
大地總浮生

和陶子師贈別韻



風吹江岸雨絲絲送客言隨沈鍊師爲到紅亭賒酒處  
能忘明月下山時雲生古道行人失鳥帶斜陽去馬遲  
握手臨歧懷舊雨西窗翦燭與君期

劉師恕

字祕書號艾堂又號補齋康熙庚辰進士由  
庶吉士歷官內閣學士以族人事削職南  
巡迎鑾復侍讀學士銜終於家著有錫穀  
堂詩

### 早行大霧中

籃輿殘夢破頗怪眼朦朧一徑入天遠千山隔霧空大  
瀛來左右老馬失西東南國原多瘴低回白髮翁

### 舟行

片席如飛蓋羣山似湧來霞烘餘照上風勒落潮回饒  
有扁舟興終非破浪才舊時鷗鷺伴安穩步瀛臺

喜西田生子

門內嫌丁少今朝喜得雄未須誇鳳集已自見犀豐懷  
抱兼諸母壺觴速老翁無災吾所祝何必到三公

喜望溪先生歸里

夫子山林性而懷康濟心六經方致用三聖是知音  
身退嘉猷在名全荷澤深平生釣游處垂老得重臨  
四牡辭函文無端十二年升沈如覆手師弟總華顛消  
息從人問心情豈筆傳還山聞有命日望渡淮船

其著山中服相逢水上亭捉裾停下拜脫帽且談經柳  
岸宜高臥漁舟可獨醒相看移白日回首念彤廷

江山青照眼萬象返於初荒徑尙存菊關門還著書支



筇雲水外載酒咏歌餘歎息侯芭老相從問字疏

張於朝

字言賓雍正癸卯恩科舉人

與親族訣

無端杌隄到柴門自分微軀不久存漫卷詩書知絕響  
長違骨肉已忘言寡妻爲侍堂前養稚子難招月下魂  
底事蒼茫嗟未就蕭蕭風雨泣黃昏

劉師寵

字越清內閣學士師恕弟河工議敘縣丞著有玉山草堂詩

由玉泉寺至靈隱道中小憩

小溪背負綠玉杖瘦翁自跨烏皮韉葑田涼蛤呖白水  
松寺蒲牢鳴翠煙晴驚雲瀑破山出天落虹梁絕澗懸  
汲僧弛擔楓根坐借與木瓶嘗野泉

潘遇龍

字臥南增生

遊道堂詩話佳句有夢裏故鄉僧白髮鐙前  
細雨客黃昏煙和日抱孤村暖水接天流一  
艇來清朗可誦

歲暮柬石公

頭白蒲團鎮日閑  
渾忘歲月更闌珊  
苔生滿徑人無跡  
水定空潭自閉關  
雪裏疏鐘寒出寺  
雲邊凍雀早歸山  
此中領盡禪滋味  
拈得梅花一解顏

喬鐸

字元溪號斯齋明經崇讓子官夔州府知府  
著有斯齋蜀道諸詩集

遊道堂詩話太守承楮堂先生後能詩工繪  
事不幸爲貲郎後生無復知其留心風雅也

瞿唐峽

灩澦連瞿唐自昔知  
迤邐橫江波茫茫  
東南瀉無際空



中起雪城每作槎牙勢盤渦深復深萬丈不可計上灘  
不易爾用以百丈繫打鼓聲淵淵舟人若兒戲下灘尤  
覺難一往乘浩氣波瀾不及瞬何能逞餘技各以萬里  
身艱險冒何爲我來放船行聞之亦心悸峽門三月風  
桃水一江吹

游凌雲寺用坡公送張嘉州韻

醉鄉日日我可侯成都放艇來嘉州嘉州江山古爭羨  
到山便上山頭遊山勢嵯峨如峴首江波浩瀚疑京口  
何處攜來好畫圖東吳八詠追名手古人往矣千百秋  
登臨緬仰眞風流我來那敢更題句峨眉山色仍當樓  
佛峽人家何所有好訪知名舊時酒堪笑居然乞左符

勞勞不及山中叟

城西觀打凍

河心風力何憑凌  
河流一夜成堅冰  
糧艘那許拽不得  
有司責重愁兢兢  
符牒披行未停手  
里中徭役齊奔走  
河下嚴威急索夫  
牽衣不論童與叟  
貧民紛紛各出力  
耐冷忍飢那暇食  
冰深一丈打一尺  
力盡須臾空歎息  
一日打開二三里  
石閘纔看半篙水  
北風凜冽更奇寒  
明日冰堅復如此

畫川雨後

園林氣蕭瑟  
昨夜雨初過  
拄杖柴門外  
遙看芳草多  
柳根斜繫艇  
漁舍亂堆蓑  
溪上鷗爭浴  
新添二尺波



蓬溪

山縣如村小城隅寂寞過草深藏野寺橋斷阻溪河鹽井孤亭起秋原落日多道途驚歲晏人事易蹉跎

送方孝廉歸湖南

劍外三年夢湖南萬里情風塵同潦倒涕淚各縱橫寒氣催人散江流出峽平歸田無一事還對短長檠

秋村

斷港蓬蒿滿湖風晚最清煙深漁舍合日落估帆輕村犬迎人吠秋燈隔浦明前來欲投宿野老不知名

送庸謹歸淮陰

雨打孤篷只似秋釣臺煙景憶同游春風亂拂垂楊岸

野水遙連白鷺洲，目送孤雲飛不定。  
心隨歸雁去難留，那堪惆悵河橋晚。  
點點昏鴉滿驛樓。

遊岑公洞

夕陽南浦一停舟，特爲岑公載酒遊。  
百丈飛泉晴亦雨，千年古洞夏如秋。  
紫芝不是人間種，丹訣難從物外求。  
名字不傳時代遠，模糊碑字幾行留。

柘溪雜詩

門外正看歸鳥林，中已透疏燈。  
聞說溪邊水長，家家夜補漁罾。

桐陰書屋卽事

林鴉啼暝太無聊，吟遶長廊俗慮消。  
梧葉成陰蕉葉大。



爲添一院雨瀟瀟

喬湜

字睦州附貢生以子贈行人司司副著有棣華樓稿

寓郡城梵覺寺懷吳六振玉

草草三年別空齋奈爾何  
花看漸少白髮數來多  
雁擁長江去人扶老病過  
更拈香一瓣含笑問維摩

除夜大雪懷吳渭南蔡東田

之子皆吾侶遙天兩雁分  
惜花應念我把酒忽思君  
夢斷聞雞夜愁深出塞雲  
明朝驚歲改雨雪正雰雰

縱棹園與斯齋兄話舊

回首溪亭花正飛綠陰滿地  
鰕魚肥十年座上風煙冷  
五畝園中歲月非山水不忘  
前日約荷花深喜主人歸

林閒樂事知多少還趁漁磯弄落暉

九日同斯齋省齋素澹兄澹川弟柘溪登高賞菊

返集吾園有作

一夕山莊共榻眠欣逢勝日乍晴天竹中登閣同攜手  
溪上沽魚早問船落日遠浮秋水外好風只在驛樓前  
白頭兄弟人三五笑捻黃花入醉筵

芭蕉

綠葉當窗翻清陰滿廊廡秋風送歲寒中心不言苦

潘遇莘

字繼耕乾隆丙辰順天舉人官廣德州學正著有樂軒集

友人自廣陵病歸見過卽別

不見相如繫所思沈腰瘦似茂陵時客窗臥看平山月



歸里新吟草閣詩病後軒車難久駐風前花徑與誰期  
年來亦是傷秋者且共臨歧酒一卮

潘夢舉

字築夫乾隆丙辰舉人官吳縣教諭著有仔  
熙書屋詩

過俞含耀草堂

天意存吾黨相逢半故人關河驕白髮詩酒送殘春  
竹含煙淡虛窗得月新狂歌消客思爲愛笑言真

西橋晚眺

薄暮霞飛盡長橋縱目時斷雲游子夢黃葉故人詩  
風勁淡斜日鳥喧尋舊枝荒城煙樹暗北望是天涯

北上

頻年飄泊傍行舟北望長途感浪游雲斷鳥飛斜岸樹

風高人醉夕陽樓書耽白首翻新卷人負青春起暮愁  
恰羨忘機鷗泛泛煙光水際任沈浮

潘夢龍

字禹門雍正乙卯江南乾隆丙辰順天副榜著有芋羹堂集

月夜渡江

江上濤如雪江頭月似霜一帆風瑟瑟百里夜茫茫遠  
岸漁燈出高城畫角長空濛天水合無處不秋光

潘學徐

字左垣諸生著有餘亭詩鈔

遊道堂詩話嘗有句云恨無綠酒堪留客再  
有黃金也贈人其豪氣可想

省試時有士人投秦淮詩以弔之

亦是修文詔傷心事太奇分明桃葉渡錯認鳳皇池未  
就臨江賦先吟捉月詩秦淮兩岸闊風急雨絲絲



白田風雅卷之十

郭

束

字元城號沙鹿連州知州昂之孫廩生乾隆元年以博學鴻詞徵不第久之以年資充恩貢未授官而卒著有水語山房詩

月夜懷苗子敬

涼月洗空林秋蟲聲滿耳非關人易愁所思不可已昔  
爲絲與桐相助發正始今爲鴻與燕背飛各千里朱顏  
一以損鉛華詎足恃遙夜不得眠惆悵披衣起

西山

萬鴉噪空山客眠初起後曉霧滃未散四顧失羣岫童  
子進頰水餽飪炙已就果腹探巉巖朝暾漸洩漏鴻雁  
橫秋雲一覽乾坤瘦昔我別家時眾芳呈雜糅轉盼林

木凋雙丸烏兔走歲晏感羈人寒衣猶未授

送馬最庭返淮陰

馬山陰人  
僑居淮上

客裏言歸去其如不是家送君當歲晏持贈只梅花百  
里一囊水千秋兩鬢華王孫垂釣處從古蟄龍蛇

寄楊清兮

人境有睽隔相知惟此心念子躬耕處東溪迴且深茅  
屋面秋水寒燈橫素琴井稅如輸畢寄我瑤華音

偶題

曾聽義甲定琵琶窈窕文窗護碧紗油壁依然蘇小路  
玳梁猶是莫愁家夕陽有恨縈芳草流水無情送落花  
回首重來人不見垂楊空自綰棲鴉



無題

天上年年度鵲橋深閨何日守宮銷簪橫翡翠無雙鬢  
帶約芙蓉第一腰魚鑰東東時又晚羊車輾輾路偏遙  
茂陵免後貲都盡同病相憐是阿嬌

萬柳園

萬柳園中柳東風舞麴塵長安車馬客不是別離人

舊院遺址

鷺峯寺外柳飄蕭曾拂青樓鬪舞腰一片野煙倍惆悵  
秋蟬飛過短長條

送胡曉崖之湖西

殘書破硯有飄蓬此夕清尊且暫同明日賜租亭外去

春帆春樹雨濛濛

王箴輿

字敬倚康熙壬辰進士官河南衛輝府知府著有孟亭編年詩

曉登屏山

殘生寄田野卜茲豐年雪夜虛靜谷聞曉寒光欲徹出門無所之登山散紆結林樾際蒼冥盎然生氣凸一洗世塵垢空明了可悅炊煙出茅宇小橋溪水截度有餅缶儲歲晚各休歇頗愛山中人山家風趣別

枯荻歎

幾日食不甘幾夜睡不熟偈仄天維低蠻雲抱碌碡撼牀風颼颼僵寢驚足蹠起坐窺壁隙雨絲落杼柚披衣下平階生涼但一掬忻幸及我私膏澤普鄰曲昨日過



西家西家婦頰蹙苦言禾就槁無力轉車軸夫老兒尙  
孩營田惟婦獨北岡土地燥行川如走陸秧門時雨多  
不料秋來縮汗血插禾苗得穫倍麻菽今年縱有秋僅  
免稱貸酷天池一滴水入口一甌粥白日赤地行焦使  
毛髮禿兩眼入枯茭無淚吞聲哭聽此起愁煩冥默爲  
神告

晚過西莊同鐵上人

攜手橋西路幽尋深復深晚煙平野合碧樹一溪陰秋  
境涉多趣天香飛在襟荒亭近牛舍未負耦耕心

塔影園卽事

開拓山堂水一隈坐驚圓月入林來花黃院落初經雨

頭白賓朋數舉杯  
高塔正懸池面影  
重陽還上屋邊臺  
忙官也復依閒客  
卜夜燈光未擬回

時許大令在坐

### 還山

還山舊是出山身  
回首觚棱夢故人  
挂日江帆歸客影  
泥巢海燕小樓春  
荒廚炊飯知添口  
稚子傳柑正及辰  
雪後梅花冰泮柳  
林園似主我如賓

### 見荆花寄三弟

一春兄弟隔天涯  
春到東湖夢到家  
不爲見花方憶汝  
恰緣憶汝正開花

### 題家書後

南風一月滿吾廬  
一去吾廬月有餘  
朝起燕雛梁上語



夜行船到得兒書

喬

肅字敬哉徵士崇修子以廩貢銓授鳳臺縣訓導未及赴任而卒著有春風第一山堂遺藁

過留雲堂題姪邃墨跡後

筆陣走蛟虯縱橫孰汝儔兩行清淚落一曲廣陵休薄俗無青眼斯人不白頭空教竹林下撫卷獨淹留

秦淮夜泛

兩厓楊柳綠婆娑城上青山城下河細雨維舟三月盡暮雲回首四年過生煙漠漠棲鴉靜涼月娟娟宿鷺多我逐溪邊舊漁父開頭風色竟如何

蓼花

溪影澄秋空白鷺下晴靄一片紅蓼花煙渚夕陽外

秦淮橋上望鍾山

金線垂楊雁齒橋  
淥波畫舫聽吹簫  
可知一片鍾山石  
十日春迴雪未消

途中絕句

綠陰深處小停驂  
望裏村翁遠荷擔  
歧路相逢聊問訊  
賣瓜歸去杏山南

袁鯤化

字圖南官臨榆縣知縣

人參

色與中央並金高  
百寶通商車歷函  
夏國稅自遼東  
聞有仙靈氣能參造化功  
聖人勤粒食率育兆民同

王

頤

字川若號竹村諸生著有酬青集九卷散失略盡此其吉光片羽云



秋霽偶感

悲秋時已過秋分兀兀書窗緒若棼病起情懷憐落葉  
雨餘天氣放斜曛祇緣愁味濃於酒未必人情薄似雲  
自笑從來高格調朗吟不識謝將軍

喜朱晴浦賈借園郭沙麓苗雨村至留飲

相逢一笑倍相親別久心期此共伸無累可撓應作達  
有衣堪典未爲貧須知遇合人情幻大抵交游我輩真  
惆悵明朝又分袂桃花潭水愧汪倫

黃 豫

字仲和送友人入都行至山東墜馬卒著有雪畔集

遊道堂詩話山人工繪著色山水花卉翎毛尤入能品近人鮮有知者

移榻西齋

半肩行李半牀書  
早向西齋一掃除  
豈爲華歆甘割席  
祇因潘岳好閒居  
春憐隔院鶯聲滑  
月喜當窗竹影疏  
茗椀爐香隨分有  
數椽何地不吾廬

揚州曉發

征柝催人轉兩輪  
四更隄上破霜痕  
寒鴉亂叫梅花嶺  
殘月猶懸闕口門

匝地塵沙撲面濃  
薄寒吹透敝裘重  
勞人欲續還鄉夢  
剛打天甯寺裏鐘

五臺山後凍鴉啼  
茱萸灣頭煙樹迷  
二十里程天欲曙  
角聲吹動曉星低

隄外寒禽噪白沙  
樹頭初日吐紅霞  
僕夫前指炊煙起



邵伯南頭舊酒家

雨後望用賓不至

柴門寂寂枕山阿  
雨後斜陽挂薜蘿  
鴻雁不來秋欲老  
白雲紅葉奈愁何

黃

觀

字用賓仲和弟諸生亦工繪事著有窳亭詩集

孤雁吟

朔雁來南天  
嘹唳自成行  
狂飈倏西起  
垂翼一殞傷  
離離本和鳴  
嗟此隻影翔  
朝飢立淺沙  
刷羽苦不長  
暮寒宿蒼葭  
無寐警繁霜  
視彼鳬與鶩  
得食滿迴塘  
此族非我類  
單獨空徬徨

蘄水

楚山看不盡，蘄水復悠悠。亂櫓驚殘夢，春禽催客愁。  
鄉園頻悵望，驛路久淹留。何必衰遲後，風塵始倦遊。

舟夜

已涉世情險，今歌行路難。潮回孤枕夢，月照大江寒。  
淚下猿聲切，魂消燭影殘。歸期猶未定，明發過江干。

暮春盧傑人招同常司馬讌集縱棹園

不減山陰興，追游禊後春。紅疏花墮雨，綠淨草鋪茵。  
蠡浮杯滿江，鱗入饌新何。須呼秉燭，山月自窺人。

同慈亭過永明寺

漕河隄上古，招提卻爲頻。來路不迷隔，浦野雲連水。  
暗近村垂柳，帶煙低香齋。春盡花猶落，別院僧閒鳥自啼。



安得遠公聯白社與君卜築共幽棲

落鴉洲卽事

千株萬株柳條長十里五里菜花黃  
壟麥垂芒蛙閣閣  
早春風景愛江鄉

黎城寓齋題壁

長湖波浪遠兼天茆屋秋風暫繫船  
忽見黃花重惆悵  
一彈指頃四經年

登大能仁寺塔

步屨江城古梵宮振衣更上白雲重  
老僧指點煙嵐外  
正是東南五老峯  
接天萬仞費攀躋三笑曾聞過虎溪  
蓮社只今無惠遠

東林藤杖共誰攜  
不知絕頂天池水  
愛看山腰出洞雲  
始識匡廬天半壁  
潯陽江上倚斜曛

湖口

侵晨解纜出江灣  
一葉孤凌萬頃閒  
拄頰篷窗纔十里  
中流忽見大姑山

蛇子嶺

心驚鳥道猿啼裏  
身在千巖萬壑閒  
回望故園今更遠  
風塵徒染鬢毛斑

題畫

蒼巖幾疊削芙蓉  
老柏多年欲化龍  
自向山亭攜一卷



無人知躡白雲蹤

此身天地一沙鷗風月常隨不繫舟  
懶慢晝長留午夢綠陰深處枕溪流

覆磧松陰滿徑苔一枝藤杖獨徘徊  
山中春靜無人到社雨初乾燕子來

歸鴉浦口晚煙生古樹坡頭落葉聲  
偶爾持竿向秋水幾莖白髮鏡中明

江南雪後忽逢春疏影寒香絕點塵  
長笛莫吹山月曉折枝留贈隴頭人

劉

枚

字鳳卜  
堂集

貢生家珍子著有梅花書屋編佳日

次京周弟讀書村舍韻

棟花風起透窗紗  
獨坐懷人每自嗟  
遙憶草堂明月夜  
青燈簾幕數聲蛙

王箴翼

字冰戒附貢生著有宛洛吟在原草

遊道堂詩話劉楚楨曰佳句五言如得大兄  
消息曰歸客由天放歡心夢草生雪霽云光  
薄日初放煙微風乍恬閒居云茶熟雨添水  
花香風到廊七言如看雲云天未移來山不  
定人閒看破月初寒又花信幾番風漸煖春  
煙一派日初融漫山竹劃橫斜路曲徑松封  
薄暝煙帆影雲飛從下水馬蹄風疾趁斜陽  
皆琅琅可誦

故衫用白傳韻

文采云何蔽此身  
褊褊從不過屠門  
恰非紆紫拖青客  
盡是研朱潑墨痕  
薄澣每迎晴日曝  
橫披如見故人存  
長裾曳地年年喜  
慈母燈宵手線恩



九日登九龍臺同劒寒守耕殿輝英三元夫諸友

鵝村宗村大兄暨恪姪

洛中勝蹟未全荒乍到城東放眼忙只見河山連大陸  
更無風雨近重陽霞光錯落秋雲薄柳色依稀晚菊黃  
賴有新知偕舊侶同時賡唱共飛觴

胡

幽

字于館諸生著有芟莊詩草

劉雪棹歸自西湖邀集木侍樓

別我將千里逢君在一宵綠楊春已至紅燭夜相招湖  
上新詩藁囊中舊酒瓢不知醉歸後街鼓已停敲

朱讓齋問近況答之

十日九逢雨蕭蕭難自支經營移竹事打點遣愁詩五

限官租急三餐爨火遲自從相別後總是杜門時

問季半村病

郭外柴門抱水流程年高士病兼愁狂呼久已無青眼  
老態從今更白頭破壁蛩聲織月夜新窗花影矮籬秋  
閒來祇合耽詩酒莫向長安憶舊游

偕陸杞亭集河房

臨河亭子恰三閒四壁軒窗夜不關流水響圍深巷曲  
垂楊低壓小橋彎人因貧慣真成懶詩到情多始得閒  
正喜狂呼逢舊雨又愁湖上放舟還

題張霽村邗溝雜咏後

畫舫朱樓咽管絃鶯花同憶十年前秋風秋雨揚州夢



最是關心話舊篇

劉固猷

字雪棹諸生

送阮靜菴歸宣城

撥觸游絲著意飛惱人天氣轉霏微蒼茫水國鶯初老  
浩淼江關客正歸紅褪落花憐夜雨綠搖芳草報春暉  
熙熙爭羨高堂樂重整斑斕舊舞衣

郭楷

字士則諸生

前題

落拓天涯走寄奴三年重困一朝蘇計程再過神鰲洞  
取道先經白馬湖劒客尙留當日匣酒家空剩舊時壚  
從今不作忘家夢自古他鄉是畏途

劉

闢

字射湖諸生

前題

莫將故態說狂奴眼底塵氛困漸蘇  
幾歲離愁來遠道一天風雨去長湖  
飄零阮籍拖新屐落拓劉伶擁舊壚  
鎮日追歡兼破悶那堪分袂向前途

來是丁年白首歸風前欲別更依依  
儘教中酒休辭聖

最好迴車是息機高氏亭臺留曲水

唐儲光義有安宜園林見高使君詩

故址在寶應城中宋涇河側

謝公樓閣對斜暉題詩分作園林主千

里江湖兩布衣

楊

鎬

字西甯諸生

前題



吟囊滿貯累奚奴今日黃州返大蘇一抹斷雲橫遠岫  
千層高浪拍長湖苦辭元亮新詩社難覓文君舊酒壚  
只有故鄉消息好鵬搏從此是前途

遊道堂詩話靜菴姓阮字潛夫靜菴其號劉  
楚楨於書肆中拾得一紙諸老送行者尚有  
苗雨村莊王叔亭箴翼宗老南樓賽三君並  
有專稿故不復錄此外釋子三人羽士一人  
別見於後

王哲 字幼濬

### 遊眞州榮園

謾謾松杉靜裏聞繞廊巖岫徑全分亭荒久失遊人跡  
樹古惟存宿鳥羣寂歷澗邊尋野水蒼涼石畔悵斜曛  
名園凋落滄桑後引步徒添愁緒紛

王

恪

字子山哲弟

廢寺

薄暮來荒寺蕭條不可尋  
徑封青蘚厚門鎖白雲  
深老初忘寒暑空山閱  
古今晚風吹落葉片片  
下空林



白田風雅卷之十一

喬

億

字慕韓號劍溪國子生徵士崇修少子著有  
小獨秀齋詩窺園吟稿三晉游草夕秀軒遺

草等集

遊道堂詩話先生詩早宗六朝三唐晚歲肆  
力於杜自少至老無一日去書與沈尚書德  
潛沈光祿起元爲忘年交然詩品清高深穩  
不難上掩古人不因揄揚而重也

寄大兄秦中

皓月臨空堂涼飈起重扉南鄰一雁度寥唳聲正悲念  
我同懷人遠滯關山陲關山連大漠萬里沙塵飛去冬  
遺我札駕言春風歸春風忽已度白露秋草萎陰蟲鳴  
座隅空巢梁燕辭桂枝芳已歇孤根菊揚輝殷勤書中  
意反路良此時男兒志四海豈遽守藩籬抗言承在昔

亮無初志違

雨夜

涼颺起疏樹如聞隔窗語四壁靜陰蟲寒空絕砧杵隱

几背燈眠高齋一夜雨

沈歸愚云近來工於用短者惟吾友喬億慕韓

泊燕子磯懷仲兄病中

磯頭夜棲薄紅雲結重陰遙知臥高閣蕭條秋雨深別

離詎云遠夢寐那可尋孤篷對殘燭悠悠勞我心杜雲川云

有韋應物之筆致

江甯鎮曉發

戒途中夜起攬轡前山曙風雨正瀟瀟雞鳴此中去涼氛極曠野流潦被廣路陰雲冒絕巘生煙積寒樹壞道



側足行斷渚，褰裳渡去去。懷苦辛，林野更回互。

萬西田云在晉

宋之問

### 宿慈湖驛

故鄉不可懷，旅人難爲心。短燭耿長夜，歸夢亦沈沈。稍聞寒雨歇，凜然秋氣侵。閨蟲發微響，荒雞遞遠音。懷役那能寐，候明擁敝衾。

### 銅陵東都游眺

返照開夕陰，秋容淨洲渚。晴山舒薄嵐，霽樹飄殘雨。潛鱗逆水上，逸翮出林語。臨眺暮忘歸，寒煙上平楚。

### 寄邱庸謹

端居對嘉樹，快然歌伐木。古人今已遙，澆風遂成俗。念

惟吾與子結交在心曲音塵久爲隔夢寐潛相逐首夏  
北窗涼清陰得叢竹蛺蝶眷餘芳苔蕪轉深綠獨學古  
所戒令名思自勸養閑覺日長適道嗟時速常願聚一  
處相期在忠告悠悠淮之水佇望經寒燠

擬古三首

大匠與拙工居肆難共成騏驥與罷驢並駕安可行黃  
鵠逝千里燕雀戲中庭鵬飛六月息鸞鳩處榆枋從來  
賢知士與俗不合并魯連蹈東海幼安遁遼陽  
壁詎不忘鼠羊自不慕蟻鼠蟻不爾然竊竊有深意黃  
雀游中林下有童子伺鯛魚在大河終爲衛人利飛沈  
各不免小大俱爲累所以龐德公城府終不至



蕭蘭不同藝蕭茂蘭自摧瓜麝不並處麝重瓜盡菱水  
火有殊性寒暑各一時胡乃荆棘下雜此玉色芝纖纖  
女蘿根引蔓施松枝縈抱似爲好末附本則離不若膠  
與漆一合自不攜不若參與辰各自居東西中夜起長  
歎酌彼白玉卮古來共此恨今予安足悲

沈歸愚云純用比體語淡

味深去魏晉人未遠

遊道堂詩話先生詩得唐杜風味用意清高  
運筆雅淡

### 紅橋歸泛

迴艫逗枉渚褰帷共延睇日隱林際山鐘動煙中寺沿  
波弄清淺折花愛明媚鄰舫倚妙謳眾賓喧殘醉新月  
遲誰來雲閒吐復翳

庚午九日

申旦牖戶寒凜秋霜露侵扶光上東阜暄氣回北林在  
堂蟋蟀靜遵渚賓鴻吟落英泛黃采輕雲變元陰眺聽  
感暮節登陟披晨衿獨謠無與和良辰淹在今四海盡  
登高萬古誰爲心卽事增嘯歎安問浮與沈

邱浩亭云  
氣味詞色

逼眞  
入選

於費家湖口徒步尋梅過香雪海遂入鄧尉山寺  
在昔遊硯石背嶺趨天平連山颯寒葉絕頂盤蒼鷹感  
茲蕭晨暮睇彼遙巘青鄧侯立雲表昔貌高冥冥惠然  
示永意芳月相逢迎卽事久攢念迨今尋舊盟捨舟踐  
沙石拾級穿瓏玲一徑緣翠壁萬樹堆瓊英卻顧下無



地澹澹波與橫迴風一以動浩若煙雲騰清景注遊目  
飄香送行滕百折松柏路萬壑波濤聲邐迤入寺門逍  
遙倚山楹列宿互虧蔽太湖氣空明檻外古梅樹翠羽  
枝閒鳴歎息我塵土從公杖履情

再投聖恩寺題四宜堂

飄風止遊屐餘興攜歸山山鐘殷寺起如待幽人還入  
門倦登陟曳杖無追攀開軒納湖影涌座來煙鬟上下  
林木秀掩映雲霞斑熹微夕陽盡追飛歸鳥閒卽事雅  
言說曠然開心顏旣夕不知寐冰輪隱花閒

訪宗老休齊先生於張嵩村

曾任沁水廣文

我從并州來知有宗老名宿齒丈人行歸休令狐城沁

水空學舍吏隱遺世榮雲霞共舒卷魚鳥識性情去郭  
三十里在原桑柘成涑流灌後圃中條互前垌屏跡謝  
時輩著書還力耕阡陌祇一姓少長無異營入村鳥雀  
噪叩門童稚膺怡然不我拒扶掖前相迎坐臥一木榻  
左右紛圖經問答譜系餘招呼子姓并阿超父監司伯  
子由賓興先生猶子學超父右江道于瀛雍正甲辰以  
吏曹郎充順天鄉試同考官兄敏伯出其  
門謝某之父賜履康熙末官河南巡撫終  
兩淮鹽使爲先侍讀辛酉廣西所得士駕視余大父淵源遠相承先生姪孫序馬其鄉舉房師  
官長沙司馬其鄉舉房師  
學術急趨具冠纓代翁進杯酒不托隨釧羹咄嗟立辨  
頃中廚能潔清俾忘在羈旅樂意如家庭安知百世上  
不爲同所生如何太侯村接畛異宗盟猗氏喬氏有張  
嵩村有太侯村



各爲譜系

振衣各起立日昃林影傾萍泛此爲合鴻飛翻自

驚勿謂暫謀面還南尙周星從茲問奇字門巷長經行

遊孟家園在中條山麓遂至萬固寺後山展眺

同遊

者楊澄齋太守王元音山長而永濟黃明府具酒饌先至宴罷各歸餘興未已復與黃遊息以

永日云爾四月二十有四日

出郭面穹岫越陌順蘭沚陰陰柿葉繁灑灑山泉駛公  
方坐嘯餘日接忘機士聯騎到林邱寅賓欣茂宰樛枝  
翳巖戶山光落階屺躋閣眷無塵入谷瞻有底侵雲灌  
木寒拔地初篁起颺颺竄不定栗留鳴未已展席藉幽  
草披襟瀉芳醴嘉魚錯海陸雅令徵經史何知日車側  
稍見山禽止乘興越前林縱觀邱壑美

背山復向山連山耿斜照歸雲遠橫互孤塔上窈窕迴  
車忽改轍秣馬正前導沙塍觸石鳴麥隴驚雉雒鏜鞳  
法鼓聞紺碧雙林耀披榛路稍澁捫葛臂反掉石磴上  
夤緣竹樹穿窳窳百丈仰金身千龕垂象教上征翼扶  
搖周覽極邊徼崑崙九曲來太華三峯到楊公事行縣  
王子日有造以課土先歸臭蘭獲同心彈琴對長嘯蒼蒼暮  
靄至歷歷清機妙歸塗猛燭迎何似寒山燒沈歸愚云  
胚胎康樂

兼有柳州  
之瘦勁

### 過泰山巨上人蘭若得陰字二首

涼飈肅晴野清磬隔前林遠寺來人少寒山落葉深孤  
筇隨竹影一徑入蘿陰漸覺禪居近空香引道心沈歸  
愚云



孟山人  
風格

夙心耽寂樂初地果幽尋趺坐依寒草清言對茂林孤  
花明晚色獨鶴下秋陰復此微鐘歇寥寥空際音

送友

廿年不得意此去轉飄蓬門第秋風後交親宿草中傳  
杯當落日策馬背征鴻努力天涯別休悲客路窮

宿清谿

太白清谿半  
夜聞笛卽此

江流不可極明月夜悠悠獨傍清谿宿端令永夕愁魚  
龍潛逼岸葭菼亂鳴秋不假聞吹笛鄉情滿客舟

得大兄消息

白下傳消息吾兄少定居艱虞半年別倉卒幾行書夢

入驚濤恐形將槁木如馳情向天末清淚落衣裾

萬西田云

諸律渾逸不作大歷以後語

江上懷邱庸謹

故人渺何處今我宿江濱歧路無相識看山遠憶君霜

林延暝色煙水浸寒雲愁絕南飛雁流哀不可聞

時令弟長

孺亦下世

梁溪留別胡大嘉令

登山重臨水握手會將歸別思寒潮廣離亭秋葉飛謀

身嗟計拙涉世省前非此日迴孤棹淮南獨掩扉

沈歸愚云

五言律亦近大歷十子澹然處最是妙境

露筋祠



荒祠臨水次引望一維舟月澹橫湖曉霜清古木秋渚  
蘋無客薦沙鳥向人愁寂寞孟城道滄波日夜流

萬西田云

含毫渺然不著色  
相是有妙悟者

### 送方問亭舍人遊邊

高樓暮吹笛迢遞起離情風雨孤舟別關山萬里行連  
沙窮帳遠出塞寶刀鳴想見從軍樂雄詞倚馬成

### 過湖上僧居

蒼蒼葭莢外結宇臨清源斷渚曾無路乘流忽到門  
翛然逢白足澹爾接元言乞取軍持水吾將洗六根

### 空庭

空庭無草木獨坐聞商音不見葉黃落颯然秋已深天

高白露下月冷清蛩吟誰念離居者沈冥忽至今

秋夜曲

玉宇涼颼發瑤階墜露多佳人起清夜捲幔看星河滿  
月如團扇輕雲似薄羅誰言惜容色芳歲已蹉跎

沈歸愚云

六朝佳製

泊高郵城下示姪桀樞

宿霧寒依渚陰雲曉覆城雨聲篷背急鷗影浪頭輕衣  
食猶先澤文章豈令名祇應鑑癡叔莫更蹇無成

沈歸愚云

起十字盡  
雨泊神理

北河店曉發

原隰莽迴互驅車愁問津亂流平渡馬殘月早行人席



帽沾微露荷衣積暗塵客行良自歎長路二毛新

寄少宗伯沈歸愚先生

知音隔霄漢悵望春明門遠道何嗟及相思未敢言春

風樹桃李白露泣蘭蓀莫問年來事無心竹素園

周欽萊云

筆筆韻折

題魏道士視壁山房

軒窗一弓地片石高林幽清響疑聞雨濃陰不辨秋枕

中占道氣壁上看江流

頃出示所摹黃尊古長江萬里圖徑二十餘丈

偃息吾

廬似局扉懶出游

由獲鹿山行二百里過南天門三首

山路莽無極蜿蜒高復低雲屯井陘北日射固關西萬

象含兵氣千峯逆馬蹄欲追煙火去村迴惑前溪  
驛程期早及危棧敢先登稍接老樵語不知纖月升風  
生疑虎過雲動恐崖崩太息吾衰矣艱虞歷未曾  
幾日千盤內盤盤欲到天萬山無古木百道有流泉每  
犯嶺雲過半依崖谷眠今朝下長坂三晉馬蹄前

過霍州

磴道隨山轉風沙撲馬過半空標太岳百折走汾河地  
瘠人煙少州雄雉堞多更投何處宿中路一勞歌

得胡嘉令消息卻寄

地阻離魂斷書來別恨賒故鄉猶作客何處是還家  
落心逾壯飄零鬢未華關河歎歧路書劒託生涯上國



甯親遠長途畏日斜經過白田驛爲我駐征車

孟廟八韻

浩氣流天地巖巖懍在茲升堂先樂克私淑本宣尼階  
涌原泉冽簷交古檜宜宮牆近關市井地見鎡基力舉  
前王政生當戰國時衍儀皆妾婦楊墨卽侏離道豈蘭  
陵並書猶凍水疑因推百世下大路幾人知

送太原中丞巡邊

中丞念分閫按節事邊防鳥影千峯滅軍聲萬里長山  
河原表裏沙漠盡封疆將略兼頗牧皇威軼漢唐笳  
吹狐塞月旗捲雁門霜邊柳春應綠關榆暖不黃看公  
眞保障示我得周行去去郇瑕邑回頭望朔方

沈歸愚  
云先生

詩向以古澹勝此又臻挺  
拔一路近盛唐風格矣

秋夜得胡嘉令秦中書

北風別我向咸京屈指傷離歲  
幾更關塞忽來前日信  
交親不改故年情山堂夕冷蟲喧座  
水國秋陰雨暗城  
憶想題書更何事揮絃目送雁南征

過平山堂

老仙翁去我來遊今古蒼茫接勝流  
入座秋聲常在樹  
隔江山色正當樓龍蛇石壁何年斷  
楊柳春風自古愁  
曳杖更循堂下路竹西歌吹晚悠悠

寄查三宣門

薊門分手悵何如各指雲山引席車  
千里相思難命駕



七年離別少來書忽聞邗水停孤棹可得湖干訪敝廬

先世交游文藻在畫川林木已蕭疏沈歸愚云一氣旋折清空如話杜老

聞官軍收河南河北送鄭台州諸作造此神境

北望憶鴻書

枉駕前綏爲古歡明燈細雨在長安遽歸尙覺情懷淺  
久別方知會合難千里關河共明月九霄風露又芳蘭  
相思北望眞無奈更展來書子細看

埋狗

若爲埋爾化城邊無蓋何心不愴然自辨形聲當靜夜  
況兼守禦屢凶年食時就我低頭立行卽隨裾掉尾前  
回首可憐迎吠處短牆深巷夕陽連

方扶南云此作細賦大方與唐人李

洞斃驢詩  
同爲絕唱

程令延宅守歲

明日立春是夕偕吳翁方仲子次男光宗

梅花閣外雪仍封  
鑪火樽前暖向重  
促席五人凡四姓  
殘年一夜盡三冬  
興來復飲還先醉  
老去新春只舊容  
守歲不知歌達曙  
隔牆蕭寺已晨鐘

咏白燕

不自烏衣白玉京  
雙高紈質想天成  
乍投華屋光難定  
低掠平蕪遠更明  
覓壘尙嫌泥滓污  
受風應共柳綿輕  
年年社日何人見  
細雨梨花曉閣情

咏白雁

九秋雲氣肅蒼穹  
霜信傳來澤國同  
浦溆沙明行欲亂



關山月照影全空也因避雪徂南土獨後隨陽下朔風  
滿地江湖菰米熟不妨長集葦花叢

夢溪筆談白雁秋深乃至至則霜降

時人謂之霜信

題鳴謙驛寄潘生蔚黃子壻朱孟實范肇岐

燭搖春影夢江南覺後西征客思含涉月奔馳盡沙石  
亂山高下少名藍崎嶇世路貧逾見冷暖人情老漸諳  
爲謝衝寒遠相送袁江隄柳未璆璆

郭有道墓

風飄大樹懷將顛方夏周遊道自全明哲竟超鉤黨外  
姓名原在顧廚前一時獎拔成多士萬古碑文表故阡  
合日雨中憑軾過敢將巾墊擬先賢

過韓侯嶺

韓侯有墓寄層巔  
鳥道盤紆馬不前  
冤魄下沈鍾室地  
頭顱誰瘞嶺雲邊  
眞王禍始平齊日  
大將身殲破代年  
翹首臨風發遙慨  
漢家勳舊幾人全

鸛雀樓

鸛雀樓傾壓女牆  
風煙不散氣青蒼  
北來河水分秦晉  
東走條山越解梁  
勝概茫茫幾塵劫  
名流歷歷感興亡  
眼中何物看前代  
四鐵牛仍古渡傍

贈別孫一齋司馬

東南生長不相聞  
世路升沈各自分  
雪鬢霜髯初識面  
酒場歌地與論文  
也知後會非難事  
欲訂前期未敢云



記取征驂相背發北風吹雁渡河汾

己丑歲五月從弟漢歸自嶺南賦贈

四千里外七年情嶺海因家勢已成罷職也曾居幕府  
脫身猶得展先塋徘徊故土空懸涕忠信蠻方自可行  
相見幾何仍惜別歸心今在粵王城

銅官山

寢興在高樓日對銅官山朝見孤雲出暮見孤雲還  
還元閣望雨

晨興密雨至陰雲翳窗閒不見山外湖那識湖中山  
將發太原留題家書後

一月并州留三春蒲坂去無論并與蒲俱是天涯路

太原憶家人

西來作客月將三未得家園信一函我正題書置懷袖  
待誰歸路指江南

猗氏端陽

令節他鄉憶故鄉老妻扶病正相望不知人酌蒲州酒  
猶對兒曹說晉陽

登猗氏南城

秋入河汾雁幾行孤城落日迴蒼涼中條阻絕三千里  
何處河南望故鄉

抵臺莊使回猗氏

三千里過二千餘那更煩伊到敝廬歸見長官先報謝



臺莊燈下發來書

朱 賽

字祈年諸生進士辰孫著有佛影集

遊道堂詩話南樓先生爲副使公嘉會之裔  
與吾族通譜最久少時於途次見之時吾邑  
稱詩者喬劍溪先生外惟先生可肩隨喬孤  
介少與先生由由與偕邑後輩多宗仰之身  
後其家祕其藁不以示人僅從友人齋中所  
傳暨其次孫所記憶鈔錄者以見一班後得  
其全藁所錄無一存者則散佚者甚多也

臨高臺

腹中愁不樂悵悵臨高臺浮雲一萬里遊子何當歸  
鵝鵝昨夜鳴百草寢以摧微忱君不見日暮空徘徊

雜詩

我有太古桐奉君寄微忱君胡不一御山水空清音

衣起徘徊寥寥夜方深浮雲被皓月熠熠揚前林仰看  
天上星俯視池中禽池禽自成匹與君獨商參撫膺一  
長歎涕泗沾衣襟

蚊虻嚙我膚帷敝不任禦五更披衣起悵悵出門去月  
落河漸橫雞鳴天且曙登高望遠海扶桑在何處海色  
與曦光空濛亂煙樹仙人王子喬渺焉安可遇  
驚飈動喬木樸欵破秋靜簡帙日以親荒城倏已暝游  
步下階除薄寒正淒耿浮雲漸漸濃陰魄翳皓景冥心  
測時變遄邁洵駒騁蟋蟀已在堂歲晏夜方永孤鴻號  
遠天飛藿委露井漢廣不可求河清應自警

晚秋郊外



恆雨忽澄霽出郭窮幽尋奔曦正西側回景明東林遵  
渚屢衮延極望方蕭森一雁自何來空際流哀音籬菊  
有黃華佳色一何深采之無復遺既餐已復簪叢祠倏  
暮鼓喬木會歸禽我意猶惓戀同行或謳吟人生貴自  
適窮達信所任卽境足爲悅役物徒勞心榆枋故在己  
舟壑豈自今惟茲修名立常惕年鬢侵

客氏拜

或於古書中得一刺上書  
客氏拜三字字各徑寸

於帝如母帝所賴與鬼對食交相愛六宮叩首祖太太  
誰者敢當客氏拜君不見東厰義兒如雲屯似有葭莩  
瓜葛親可憐得此字三枚蠹魚化爲脈望飛乾清忽熱  
黃龍袂信邸潛藩御黃屋窮奇未鑿阜城棺妖血先污



浣衣局吁嗟乎當時凶燄一何酷鉤黨株連如破竹貫  
索夜掃文昌宮正士冤沈鎮撫獄無何鐵騎滿函東九  
廟灰飛國祚終誰道甲申三月事不由熹廟七年中傷  
心一片赫蹏紙尙作茄花滿地紅

別鐵公歸臥翠雨菴後卻寄

暝水欲生白客樓猶未燈微聞竹林磬遠念松寥僧揖  
別一如昨秋寒遽不勝山中應脫木日夕江波增

題東老人友山亭

成連樓隱地僻在東南陬一徑萬松冷孤亭四序秋窗  
聞落木響水帶亂沙流卻爲來人少新篇獨自謳

聽潘山人彈琴



冰絃動遙夜移我入深幽古路無人徑空山惟水流疏  
星斜北郭一雁冷南樓惆悵陽春調誰爲白雪謳

懷楊清兮

之子躬耕處溪山一往深暮雲生遠思秋水澹名心懶  
作長安笑工爲梁父吟猶嫌破琴者切切在知音

芙蓉樓

落日照京口西風生旅愁芙蓉不可采獨上芙蓉樓鴻  
雁幾時到滄江終古流空憐春月柳搖落在深秋

秋日溪上

涼風幾日弄新秋卻趁秋涼出郭游一路晚蟬河上柳  
數聲長笛水邊樓未能高舉尋黃鵠空羨忘機對白鷗

歸學山陰草帖子借船明日泛滄洲

飲南關酒家是依圃半村昔年同醉處

紅板橋頭樹酒旗赤欄杆外綠楊枝淒涼舊雨同游地  
惆悵春風再到時往事亂如飛絮過此情惟有落花知  
平川極目方愁絕何處高樓一笛吹

經古寺寄友人

細草萋萋小徑斜水邊楊柳欲藏鴉忽聞古磬來蘭若  
何處青旗是酒家澤國春深仍燕子故人別後幾桃花  
蕭蕭鬢髮悠悠思空向東風感歲華

松圓蘭若拜石公遺像見先大父秋日石公招食  
苦瓜詩手蹟感賦三絕示貢上人



匏葉山莊繡佛前

大父別業

匏翁常對石公禪生天成佛今

何處春草黃楊記閏年

大父東石公詩有春草芳時生遠夢黃楊劫裏認前身之句旋

邁疾不起蓋詩讖也

窗前遺像壁閒詩二老風流儼在茲一盞秋燈兩行淚

西堂蟋蟀夜涼時

天童飛錫渺天南鐘板消沈一宿菴賸有苦瓜公案在

十年重與後人參

菴在吾邑南門外興化陸西星先生題取浮屠不三宿桑下之義石公浙

人住錫於此先大父罷官後交最契戊申春雪鴻大師諷大吏迎主天童非其志也旋亦示寂

天童振振地天南餘地附於一而夢觀自苦加公案有  
西堂觀觀亦新制

清風蕭蕭地天南餘地附於一而夢觀自苦加公案有  
西堂觀觀亦新制

西堂觀觀亦新制  
清風蕭蕭地天南餘地附於一而夢觀自苦加公案有  
西堂觀觀亦新制



白田風雅卷之十二

喬人儀

字羽吉諸生

後九月九日同人游蓮池菴晚集釀秋堂

幾番風雨奈愁何  
九日重逢載酒過  
楓葉紅時秋漸老  
菊花黃處晚偏多  
山僧作飯香廚靜  
野客敲詩老鬢皤  
趁有釀秋堂裏約  
應拚今夜醉顏酡

邦江雷狄山過訪留宿

暫解征鞍得少休  
一尊相對數更籌  
狂如阮籍誰青眼  
病似潘安早白頭  
淚盡窗前殘蠟燭  
寒侵身上敝貂裘  
傷心豈獨君飄泊  
我亦煙波似泛鷗

喬

漢

字儀廷同知茂才子官廣東鶴山司巡檢著  
有東軒詩鈔

落日下平楚高樓納遠風人來飛鳥外秋老稻花中萍梗家何在田園計又空悲歡無限事茲意與君同

楊景漣

字清兮諸生著有梧竹山房詩集

擬古

遊道堂詩話楊文隱居射水之陽攻苦力學自經史百家旁及地輿星卜之學靡不研究意所不可雖古人不屑也詩文亦夏夏獨造迥不猶人惜其屏跡荒村未獲麗澤之益爾

送君上河梁轅馬相悲鳴古來離別地不見春草生我情方鬱紆馳暉倏西征回首望長安落日雲樹平別遠會面難爲君駐行旌踟躕不能語淚下沾羅纓

涉江望佳人芙蓉正華敷折花攀其英掬水漾成珠珠圓不可佩何以贈彼姝日暮涼風起搔首空踟躕



昭昭晨明月流輝鑒我牀君子遠于役相望天一方昔  
期春風歸今已逾秋霜丈夫生懸弧膺力矧方剛四方  
有經營詎爲兒女腸觀彼沅澧水蘭芷自芬芳香泥猶  
在根甯隨秋草黃君子篤恩誼歲晏諒何傷

明月升東廂蟋蟀鳴秋草游子行不歸旅思盈懷抱少  
壯能幾時瞬息成衰老異地悲風起何如故鄉好

### 人日登高

開歲肇令節曉氣散巖岫嶒嶸俯危欄豁達肆遐觀天  
氣乍陰晴嵐光際左右海上霽色來春意先在柳風定  
見遠色微茫入襟袖凍解雪亦消新陽倏可就對景延  
賞心徘徊覘物候

月夜

月上山影深風木生遠響空庭雪未消白映雲偃仰孤  
光久徘徊皎皎自來往野色入微茫天地此閒曠超然  
發遐思佳境獨欣賞

丁壯士戰場歌

胡尚書旣殺徐海之明年淮海多倭壯健少年  
丁効恭憤之一呼而集戰者十數人所擊殺倭  
以數十旣而生倭大至俱冒敵死其事地志莫  
載也戰地在寶應城南漕河上余作歌紀之俾  
後人勿忘

黑雲一片春模糊長隄亂柳愁啼鳥百年戰骨亦已朽



風雨曾見青燐無士夫頻年寡憶記網羅不及前朝事  
海防之敗緣稅璫嗣此又撤嘉賓堂惡少亡命走絕國  
外交內訌侵我疆浙西廬火何倉皇江陰望祀殊荒唐  
東西沈莊事尤錯枉死姱骨埋錢塘么麼遺魄不得靖  
無端殃禍移淮揚尙賊下吏誰健者擁兵閉壁如聾啞  
受禍最劇是貪官搏醵不得身首完此時風雨海門惡  
料角沙頭賊帆落戰火已照白狼山殺聲又震雲山閣  
須臾湖上蝴蝶旋萬家化作湖中煙小縣無城復無砦  
逃亡不復見冠蓋邑毀家亡出異人振臂一呼起其鄰  
斬倭劈倭飲倭血倭頭落地僵其身墮突到此一截堵  
廓如清風濯大暑鄉里有人能禦侮自辰至巳更及午

賊徒遭者俱摧阻赤體閃忽跳刀來須臾匝我牆數堵  
殺聲滿地塵滿天白刃空卷勇可賈朝行出攻暮不歸  
十人一夕成千古後來殄寇豐城李殺氣軍聲動淮水  
精悍更有戚南塘軍鋒之冠此伊始當今海嶠無傳烽  
大隄車馬馳春風斷戈繡蝕沙土中何人酌酒弔鬼雄  
送吳某

海國煙中樹故人水外家誰言望可見分袂卽天涯此  
日河水釋相看帆影斜未堪贈楊柳且爲折梅花

泛廣洋湖

風急峭帆張冰漸下廣洋岸迷潼口闊波送海陵長寒  
日無停影驚鴻有斷行歸途應不遠草樹認山莊



王希伊

字耕伯乾隆辛酉舉人官白水縣知縣改授青浦縣教諭崇祀白水名宦祠

遊道堂詩話先生牽絲白水以古循吏自命白水人立祠尸祝之詩不多作存此以見一斑

忠信軍古磚歌

豐城劒埋幾歲月銅雀臺荒久變衰張華雷煥不世出一瓦一礫誰取資繫我朝暮城闕過若有紫氣三字垂逾時尋覓不可見其殆神物有護持一日呼童勵土出刮垢磨光儼若茲儒行以之爲甲冑軍行往來義取斯注目沈吟有遠想古昔戶牖作銘辭明道視民如傷意荆川志士不忘時嗟余譴劣亦已甚此磚持出轉自疑本無博物識牛斗那知古玩雜鼎彝春蠶作繭祇自衛

何用干櫓向人披  
每日摩挲爲三復  
庶其有穀子孫詒  
老耄多忘況輕情  
驚心觸目聊成詩  
鴻文無範能扛鼎  
示我新詞一和之

湯希儀

字汾陽廩貢生

還家口占

乍省生還樂回頭作客難  
迷途都當夢好事是承歡  
落拓言歸晚清臞試帶寬  
幾番操瑟後揮手惜輕彈

喬槩

字柏鍾增生

漁

菰蒲川興長舴艋自孤往  
沈竿績微綸擘浪曬纖網  
雲興極浦陰雨過空江響  
去去何所之向夕風潮長



樵

佩斧向山去山空澹清曉細路入雲遙連峯隔川小披  
榛識過虎伐木驚棲鳥歸來每日斜下山非故道

喬光傳

字紹芬官南城兵馬司正指揮

烹茗

幾日荒齋跡未投風煙浪逐意何求竹鑪且煮清泉水  
雲液閒烹白定甌卻憶跳珠輕聚散還看香霧亂沈浮  
平生素有盧仝癖爲滌塵煩飲不休

劉穎

字實夫附貢生著有儲齋詩草越吟

秋日同鷗社悟沙芰莊宿貢公房二首

初地曾來往三年一扣門疏籬黃葉浦秋水白雲村詩

滿新泥壁花開老瓦盆惠公知愛客翦燭共黃昏

籟靜鐘初動聲聲喚夢醒月穿禪榻白人坐佛燈青酬

唱逢權可

瘦權懶可  
二詩僧

狂呼盡籍伶已看銷俗慮況復夜

談經

采桑曲

采采縱滿筐伺蠶愁未足來朝更早行不待小姑促

采茶曲

上茶先清明次茶先穀雨借問采茶人可識茶甘苦

劉世讜

字步辛乾隆辛卯舉人

同人過縱棹園懷沛餘

今日碧溪水依然漲白蘋可憐庭畔樹曾伴苦吟身

沛餘



曾讀書園中

泉下無消息平生幾故人行行懷往事相對欲

沾巾

劉世蕃

字仿魏官靖江縣訓導以子貴封工部主事

王海山十三本梅花書屋人日見一花賦贈

聞道仙翁侍玉除梅花夢記十三株百年風物憑誰管

玉照堂前展畫圖

樓村先生有圖紀夢

綠柳纔黃日乍遲百花頭上見瓊姿山園取次開桃李

已占春風第一枝

劉子方

字西田廕監生

送別

執手送君行臨歧暗自驚白雲皆去路黃葉盡離情有

夢隨明月無人共短檠相期重把臂杯酒聽鶯鳴

劉仰桂

字東麓郡廩生內閣學士師恕之姪

遊道堂詩話先生爲先人同社友烏衣門第才調翩翩詩文書法皆入能品余少年赴省試嘗共旅寓頗有知己之言年纔五十沒於館中士林惜之

斷鍼吟

江都李孝廉道南母胡早寡貧甚仰十指爲食  
既歿積斷鍼盈篋道南撫之悲泣哀其志者作  
爲此詩

鍼斷指傷鍼換縷長哀哀我母晝夜不遑

解一拈鍼首俯

停鍼腹苦鍼斷不食忍飢過午

解二斷鍼匪鍼觸手不禁

千鍼萬鍼刺入兒心

解三一鍼不足兩鍼可續哀哀我母



百身莫贖

四解

月夜坐秋水館池上

良夜有佳興況乃池上行花月並清妙天水相空明流  
螢煙外遠宿鳥風中驚雲開暑氣屏露積秋意盈息營  
慮已澹顧景趣彌清何當謝紛雜長此滌塵纓

秋日吾園小集遲湯二荆垣不至

侵晨掃墜露開閣延涼風期我素心人並坐清景中秋  
氣收萬象一一歸高空豈惟展積愆亦以豁幽胸羣賢  
不我棄之子當來同徘徊池上月刁子林外鐘臨觴各  
不懌悵望清溪東

送喬甥仙圃之官江西

爲宰豈初志家貧念老親但能沾祿米不敢怨風塵江  
柳千家雨山花一縣春會當迎養去笑看爾臨民

哭王澹泉

黔江千萬里哀動印江濱身在他鄉死家因薄宦貧一  
年紅粉夢雙淚白頭親旅櫬歸來日悲風慘四鄰  
寒夜懷仙圃西川澹泉黔中少林都下

霜滿寒空旅雁過懷人幾處指關河除書日下新恩  
重宦跡天涯遠夢多劒閣峯攢雲沒馬牂江雨密水增  
波更聞伏枕留燕市裘敝囊清奈爾何

劉

譚

字紉芳歲貢生

過駱丞墓



荒草斜陽外詞人有墓田從軍緣底事馳檄憶當年青  
史文章在丹書姓字懸浙潮何日到零落海雲邊

旅中書玉溪生詩後

乞腦剜身願已遲經樓何日許重窺可憐白首長無謂  
浪跡天涯憶袞師





白田風雅卷之十三

吳

演

字立成號臥溪武庠生

朱南樓以春日雨中遣懷詩見示次韻奉酬

春來何事最關心  
開到梅花日日陰  
白社有詩憐舊雨  
青雲無夢怯寒衾  
愁多我貰三升酒  
調古誰彈一曲琴  
狂態不知人既老  
疏簾紅燭夜高吟

吳承基

字巨占號懼旃諸生

水後柬朱南樓

歲豐仍啼飢腐儒歷窮況  
矧當古溝決水來驚疊嶂高  
寶屬下游奔騰魂魄喪  
龍起蛤拖溝脫脫溝土人訛爲蛤拖溝六月二日  
有龍起溝中自北而南毀民房樹木無算  
鬼哭獐獅蕩古溝決後自望直港而東每夜水上鬼火

千百成羣爲窟苦沮洳爲巢失依傍挈眷上城來扁舟  
且聞哭聲擲駭浪雞犬寂無聲兒女哭相向路遇同村人盡作顛  
連狀城郭亦蕭條入市疑走壙豈無親與族對面空惆  
悵慷慨南樓子爲我悉屏當沿門召生徒從容設絳帳  
有酒邀我酌有詩邀我唱握手如飲醇論心同挾纊永  
結鷗波盟得免魚腹葬稽首謝蒼天慈親健無恙

玉鉤斜

鬪雞臺下花如錦玉鉤斜畔春雲冷山河萬里鷓鴣聲  
羅綺千秋蝴蝶影翠華飄泊幾時歸螢苑無人燕子飛  
芳魂莫向雷塘望斷雨零風慘落暉

焦山夜坐



芳巖大江心蒼蒼亙古今蛟龍無定窟鴻雁有哀音月  
挂當門樹風漂隔岸砧回頭望鄉里親舍白雲深

### 送雁

孤客驚心候年年值暮春不能如旅雁長是未歸人羽  
翼風霜悴關河歲月新送君無限意愁絕楚江濱

### 金陵懷古

龍虎風雲拜冕旒沙蟲猿鶴一年休笙歌滿座春燈笑  
烽火連天燕子愁君閤臣奸新霸業山窮水剩舊皇州  
無人爲種冬青樹分與雷塘土半邱

### 柳

垂手立風塵  
參參舞一春  
飄零天不管  
愁殺倚樓人

陳琳墓用柳韻

珠玉化爲塵萋萋草不春誰知三尺土中有建安人

黎城舟中寄濟村昆仲四絕句

淑氣氤氳雨乍晴西風吹水縠紋生沙鷗引我船頭坐  
柳色如雲綠進城

離城七里是蒲塘蟹舍魚莊剩夕陽白馬湖中一湖水  
隨風南去是他鄉

湖煙湖雨綠成圍貼水鷓鴣兩兩飛短笛一聲吹又歇  
漁翁湖上打魚歸

射覆藏鉤十日留哀絲豪竹草堂幽銷魂最是衰年別  
滿路楊花攪白頭



吳自強

字民懷號蒲田武庠生以醫術遊四方著有愛荆堂詩集

楚中寄懷邗上諸子

漢上人初至僧居月正明秋風侵短榻蟲語亂深更山  
外雲千里天邊雁幾聲客中當此境不必訴離情

春雨

小樓孤客臥江城夜雨聽來百感生寒食已過花欲盡  
東風還不放春晴

漢皋客邸送周準生之湘陽

人生離合總茫茫回首天涯各一方客夢未諳江上路  
不知何處是湘陽

朱雯

字慈亭諸生

盼淘溝

秋風秋雨蓼花天水外何期慶有年霜稻幾畦鎌似月  
風荷一片藕如船賜田猶有行人識社酒都無別姓延  
盼淘溝爲余家采地恆聚族於斯寄語牧兒休踐踏將軍墳在綠楊邊  
黃夢鵬字聖模豫子諸生

秋柳

廿四橋邊影漸稀折枝猶欲送將歸西風殘照情無限  
露葉煙條事已非眉黛乍銷秦鏡色腰支更減楚宮圍  
蘆花瑟瑟寒塘暮錯認吹棉作絮飛

張光裕

字懋修諸生

將之濟上次靳石洲贈別原韻



揮手河干已十年長途罷馬又行羈未離鄉井先沽酒  
才見名山欲種田古驛秋聲黃葉寺南池詩思白雲天  
相知何必曾相識一卷瑤華未了緣

時同人于石薌  
攜懷人集過訪

### 望太白樓

滿目風霜急孤帆盡日停片雲無限好只到此樓青

范新民

字惠蒼諸生

### 擬古

客有金錯刀出匣霜華滋撫茲喟然歎矯首繫所思虎  
氣騰几席異寶誰復知珍重不忍祕礧錯幾經時

潘昌齡

字趾蕃廩生

### 題宮霜橋聽秋圖

天籟本無聲秋來復何有月色自空明江流日奔走涼  
夜洗耳聽此興殊不偶問取舟中人消息曾知否

祁如琛

字獻來武庠生

秋夜曲

寥寥天宇靜肅肅雁聲秋明月光常滿美人何處樓庭  
階露初濕蟋蟀鳴未休停琴不能寐永夜獨含愁

喬客浦夜半過訪賦贈

夜半衝寒至停舟曲水濱白鷗偏避客黃犬不驚人地  
僻風塵隔情深笑語真愴然懷夙昔相對總酸辛

王箴邵

字辰耀廩生

平山堂



春滿揚州廿四橋幾人騎鶴聽吹簫瓊花芍藥渾閒事

爲訪平山舊柳條

有歐陽公手植柳

楊爲模

字匡時歲貢生

### 旅思

淮海三千里飄零又一年故鄉秋水外孤客夜燈前對  
酒不成醉擁衾聊自眠那堪天畔雁嘹唳出寒煙

### 臺城

宮花無復舊時容璧月新詞不再供秋草淒淒承輦路  
夕陽山外一聲鐘

劉澗

字同直

### 孱陵驛

孱陵小飲暫徘徊如縷愁思酒一杯卻愛荆南風景早  
藤花二月滿山開

成光化

字萬含附貢生著有松筠詩鈔

山寺題壁

支筇陟危磴尋勝訪名泉空翠滴微雨亂峯堆晚煙林  
深禽啄果夜靜虎聽禪不寐空山裏松風奏管弦

黃學周

字月航居湖西黎城鎮

秋杪同人湖干晚眺

晚來結伴踏煙霞秋水湖邊六七家茅屋四圍堆柳葉  
板橋一帶掩蘆花風生野浦波聲壯月照長空雁影斜  
歸去不教游興盡漁歌牧笛聽交加



杜士祿 字霽村居湖西大雲山下

山程春暮

策蹇山程僻荒煙野樹叢橋危迂渡水鶯老倦啼風嵐  
接晴雲碧花流曲礪紅行人與春色來去總匆匆

寄懷鮑刺史質菴

六千里外路逶迤雁叫霜天惹客思南陌有風吹阜帽  
白衣無酒送東籬菊花影裏秋燈夢蕉葉聲中夜雨詩  
浪跡江湖仍故我叔牙別後未曾知

趙璉

字燕村諸生居湖西黎城鎮

獨酌舟中

烏柏搖霜風白蘋老煙渚獨客傾一尊孤篷聽夜雨沙

鷗共飛來與爾成賓主

雨坐寄秀峯

蕭蕭暮雨打簾幕窗外殘梅向人落出門那得盼停雲  
撫琴祇須彈別鶴憶昨山堂君拂衣井梧葉脫秋霜飛  
今日春風到川谷夢裏江南草空綠白沙隄上柳藏鴉  
露桃晴抹東西霞我欲待君淮水涯

湖上有懷

蓑笠芒鞋杖櫻竹我行日傍湖之曲十里五里薔薇香  
千家萬家桑柘綠湖上游人去不歸湖光盡日搖晴暉  
崇蘭白芷今何處惟見沙頭鷗鷺飛

雨晴晚步



霽星劃空翠高原恣晚行峯雲開鳥道陂水亂蛙聲野  
市炊煙直荒城落照橫班荆就田父款款說陰晴

登海陵文昌閣

傑閣凌雲起嵐光面面收江帆千片小海氣一城浮畫  
角郵亭晚霜楓戰壘秋廿年頻過此吟眺迴含愁

謝澣

字澄波

自君之出矣

自君之出矣憶別夢魂驚錯認梅花下羞將驛使迎

張龍光

字仍卦居湖西黎城鎮

瘦菊

耐霜霜不爲添肥瘦骨稜稜稱野屏佳色未緣疏越減

芳華詎似落英稀。秋懷耿耿，風莖細，古韻蕭蕭。月朵微  
欲就靈均，枯槁樣，裁成一帙素裳衣。

朱應麟

字了愚，國學生，居湖西黎城鎮。

春煦草堂落成移居

結廬依舊返南槐。車具何須鹿載來。種柳門前春易到，  
攤書牀裏蠟成堆。竹頭木屑呼童檢，花史茶經待客裁。  
雅嘴獨攜微雨後，碧闌干外種新梅。

梁衍泗

平山堂春眺

蜀岡春晚澹晴煙。極目凭高夕照前。塔影遠傳清梵出，  
山峯渾似宿雲連。誰將玉笛吹楊柳，卻倒金樽報杜鵑。



廿四橋邊同輦路野棠花放自年年

湯

棹

原名之盤字又新大興籍庠生改名棹字蔭堂武英殿供事考授京主簿著有南里閒吟集

坐雨

風雨連宵至羈懷冷似秋  
檠搖孤影澹窗隔一簾幽宿  
鳥驚枝落寒蛩咽砌愁故園鄉夢切歸雁過南樓

夜泊鍾吾雨霽早發阜河

野岸孤舟泊秋空夜氣涼  
雨疏停短棹風急撼高檣坐  
久知衣薄愁多覺漏長  
平明遙極目煙水共蒼茫

失名

遊道堂詩話劉楚楨出示遺稿首頁爲鼠嚙不得其名字但與劉丈實夫黃鷗社諸老唱

酬知係乾隆初人

雨中集蓮池僧舍

屐循新石路小雨扣禪關詩思鐘聲裏秋花籬落閒芋  
煨僧飯熟窗掩佛燈閒極目空塵俗何須更入山

映雪堂七夕招集喜晤天台侯夷門卽步題照原

韻

名士論文地城南一草亭醉時逢暮雨涼氣渡秋星詩  
就僮知和歌長鶴解聽多君持贈意珍重換鵝經

將之柘溪遯叟以詩見投依韻奉答

一見柘溪水先來洗俗塵板橋初識路鷗鳥半窺人酒  
盞昏燈夜桃花細雨春隔牆高隱在拍手最相親



喜遯叟歸村

故人今日返園林重掃匡牀理素琴  
綠野暫分元鶴步紅塵難繫白鷗心  
同來客邸消愁思爲謝家書寄好音  
曾自南城門外過樹頭鴨腳可成陰


自南遊門外望東門外


西園雜記

人令日國林道倫國州五縣各縣軍民公舉


齊民要術
































白田風雅

卷三











卷之八

...

...

...

...

...

...

...

...

...

...








DL  
2537  
108  
03

白田風雅卷之十四

王斯恬

字西儒乾隆庚寅舉人著有晚菴詩



觀鬪促織

草根托軀命胡爲升我堂奮臂肆爪牙同類乃摧傷戰  
勝輒自喜振羽聲何狂睠彼世途中戾狼多豺狼如此  
蟲沙微蠢蠢安足量況復不轉瞬白露旋爲霜陰氣難  
久固微軀隨糞壤羣兒一何忍尙欲論青黃

興安道中看山

看山如麗人螺髻得佳妙有時澹冶姿嫣然試微笑我  
行耽山水佳處一停櫂茲山何峩峩秀骨本天造又若  
施鬼斧玲瓏鑿萬竅相看無厭時旣去首復掉翻疑空

谷中定有神女到暮雨颯颯來遽然樂夢覺

雪夜瓦店道中

同雲冪高空遠山忽焉沒石路馬凌兢西崦墮纖月荒  
荒豺虎嗥客心倍忉忉蒼黃過古寺禪燈半明滅數錢  
沽村醪飲罷顏不熱空廊難久留冷氣沁肌骨千金豪  
家兒粉黛屏風列笙簧炙欲融獸炭堆盈尺歡便夜漏  
長醉忘寒威冽作苦田閒夫歲晚亦娛悅瓦盆舖糟醕  
地爐煨楮杌支腳臥繩牀勦息寒宵徹我皆非其人徒  
然事竭蹶縮袖手指龜拂鬚冰塊結荏苒十年餘南北  
無定輟叱馭向前途一笑輕霜雪

銅鼓行

有序



是鼓於雍正八年漁人得之潯江銅鼓灘製如  
坐墩中空體直腰少束高一尺六寸面徑二尺  
六寸四圍蟾蜍相向大小十二旁有兩耳如環  
徧體花紋縝密扣之其聲清越傳爲伏波所遺  
今置院署堂側

潯江一夜灘聲吼馮夷震蕩天吳走齧浪銜波銅鼓躍  
輦來寶氣驚戶牖此鼓匿跡千餘年縐紋沈綠丹砂填  
呵護定仗神靈力徧體膩滑蛟龍涎中空外直腰微束  
大小蟾蜍數各六扣之不似作金聲清籟由來出地軸  
憶昔伏波西南征貔貅十萬鳴神鉦入桂江閒失此物  
波濤擊撞皆兵聲厥後諸蠻申禳禱高縣中庭誇法寶

祭饗合樂聲謹謹金釵無數拜都老

宋史蠻俗最尙銅鼓號有鼓者爲都

老縣庭中置酒召同類爭以金銀釵扣之

祇今邊徼安如磐得此益壯軍門

觀愧無蟲文與鳥篆媲美石鼓勞雕刊

罨畫溪泛舟

可是桃源路沿洞小艇通夕霏花港雨秋颭酒旗風得  
意水雲外置身圖畫中移家終有日斟酌澗西東

聞蟋蟀感賦

歲縱末云暮役車何日休王孫無限意芳草又經秋似  
共幽人語徒增旅客愁山妻頻寄訊爲賦大刀頭

建始道中

絕磴淩空轉溟濛暮靄昏石蟠雙樹坼泉漱細沙渾屐



響僧歸寺風腥虎過門客星山畔路千古暗銷魂

曉行

擊柝除山郭

杜詩石城除擊柝

蒼茫石徑斜雲情濃挾雨風力

勁含沙客過僧猶臥春深杏未花煙中聞叱犢辛苦是農家

晚霽

濃陰才散漏山光帶濕花房送晚香返照半溪虹隱見棲鴉幾樹月昏黃拾樵人過沙痕軟荷笠僧歸石氣涼散步松岡憑遠眺風吹餘瀝點芙蓉

秋日過吳氏園亭

搖落驚心古渡頭林亭清曠且勾留松陰滿地僧歸寺

雁影橫天客倚樓  
斷港滴殘紅  
芰雨野風吹  
老白蘋  
秋故園景物知何似  
又見藤蘿月一鉤

伏波廟懷古

廟貌依稀上將壇  
將軍往事足長歎  
武陵一曲蠻煙冷  
銅柱千尋粵嶺寒  
至竟功勞隳薏苡  
可堪圖畫誤椒蘭  
兒孫不博封侯福  
應識風波世路難

春郊晚步

星攢石子閒平沙  
雞犬聲中返照斜  
嵐氣入樓山釀雨  
林風落澗浪生花  
橋通斷岸歸僧寺  
帘出疏籬得酒家  
稍待郎官湖水發  
好攜蠻榼泛仙槎

宿正定驛



樹底殘陽噪暮鴉，趁墟人影散平沙。  
鵬盤碧落浮圖迴，虹飲滄波略留斜。  
白袷涼生村店雨，青燈痕漏驛亭花。  
義山詩江草綠燈痕迢迢古柳官塘路，多少征夫老歲華。

訪某寺上人不得

松陰匝地涼，晚峯帶煙霧。  
樹杪一聲鐘，僧在雲深處。

山家

樹杪俯層軒，風簾動山影。  
疏雨亂蟬鳴，斜陽半溪冷。

寒食

每逢寒食客羈游，回首鄉關起暮愁。  
一夜櫓聲眠不熟，春潮帶雨下揚州。

利川署齋

紙閣油簾向晚開  
巡檐不覺首重迴  
關山多少鄉園夢  
落葉秋燈一雁來

全州

潞澗水逐三湘去  
爛漫雲從五嶺收  
莫向行人問前路  
冷風吹雨過全州

晚步訪某上人

水邊石子路巉嶽  
西崦人家急暮砧  
滿地月明僧未返  
風吹黃葉寺門深

湯之桂

字秋林恩貢生著有雲樵詩鈔

秋夕懷潘大育西

秋思不可極  
向夕景逾清  
微雨忽然至  
草蟲相閒鳴  
徘徊



徊月東上流照滿江城爲想幽棲者應同此夜情

遊西山曉起作

林泉清氣足曉起更霏微松徑露猶滴徘徊沾我衣  
曠初日上萬井開晴暉多少馳驅者何如此息機

客永安書院作

漫道安居卽故鄉當歌對酒總淒涼三年離別魂應斷  
千里關河路正長有母仍教愁菽水還家今已失糟糠  
可憐多少京華客懊惱空餘兩鬢霜

九日登峭帆亭

天涯雲樹鬱蒼蒼塞北江南路正長白髮已添頭上雪  
黃花還染客邊霜暮年詞賦空蕭瑟逝水功名付渺茫

更歎寒衣誰與寄西風殘月冷流黃

簡方葆巖時隨將軍征臺灣

英姿颯爽出羣雄當代今看第一功雪滿弓刀探虎穴  
風平沙石淨龍宮千林暮色凝山紫萬頃朝光捧日紅  
自愧牀頭空挾劒長鳴恨不遠從戎

九日

又到登高節他鄉仍未歸行行望征雁都是向南飛

王斯澄

字師李著有太瘦生詩鈔

春江花月夜

春風迤邐江上行行人江上踏歌聲春花繚亂春江上  
不見江花見月明月色如銀照江水江水滔滔去無已



誰人挂席漾春風吳娘打槳春江裏江光灩灩月當關  
多少勞人夢寐閒夢裏不知身是客家山春月唱刀鐙  
月照澄江淨如練東舟西舫奔如電閨人織錦淚如梭  
雙飛怕見梁閒燕妾家桃李已成蹊斜陽影裏鷓鴣啼  
卷來簾箔月初上數得花鬚眼欲迷春花春月滿江濱  
月照花關並照人窗際鏡鸞呼火伴江頭沙雁拂征塵  
誰家江岸冶遊郎白馬青絲夜未央可知今夜江天月  
直射秦川少婦堂堂月影橫江去春到人閒那能駐  
今年今夜盼江花明年今夜知何處

野望

秋老鷹翎健天高雁影迷浮雲平野闊衰草夕陽低杖

策過前浦行吟憶舊題興來呼斗酒回首問山妻

王斯懌

字松友

過郭子村居

傍水成幽築超然遠俗情垂楊循岸綠飛鳥掠波輕入坐孤懷展開尊萬慮平不嫌來去數柔櫓月中行

喬大椿

字仙圃乾隆丙子舉人歷官廣西雒容縣四  
川酆都縣知縣戍塞外六年歸一月病卒  
遊道堂詩話先生剛直不阿後輩有過切責  
不少貸人多苦之乃一官蹭蹬萬里投荒君  
子悲其遇焉

送朱二野村之鍾吾

故人一樽酒相望已經年乍喜朋簪合翻令別恨牽秋風征雁遠淮水暮雲連極目天涯隔關心尺素傳



送王少林之揚州

少年不得意，況復暮秋天。  
旅食愁相逼，征衣薄可憐。  
寒花虛老圃，明月放行船。  
江上堪留醉，歸期莫久延。

初回豫章有懷黔滇諸君

乍聽江城百鳥鳴，南天萬里倍關情。  
春從玳瑁杯中見，人在桄榔樹下行。  
風月猶憐唐供奉，旌旗共識漢昆明。  
歸裝薏苡休輕載，取次輜軒頌郅平。

由章門赴粵西寄故鄉親友

三年匏繫楚江干，見說炎州道路難。  
捧檄不成遷客恨，望雲愁戴遠遊冠。  
衡陽南去稀逢雁，湘水西來欲采蘭。  
到日預知逢歲暮，且憑梅信報平安。

出塞

嶺南劒外鬱迢迢博望槎邊路更遙萬里流沙薄西極  
一天雨雪渡中條乾坤無外歸皇建燕雀餘生託  
聖朝獨有倚門嗟遠道朝朝霑灑向青霄

寄諸弟

天邊班馬正蕭蕭千里馳書慰寂寥屬國已開新郡縣  
孤臣元是舊漁樵更無魑魅愁遷客只有駑駘負聖  
朝見說瓜期三載近不妨辛苦事嫖姚

王

汙

字淡泉乾隆丁卯舉人揀發貴州以知縣用  
署印江令題補安化卒於官

懊懣歌

我心匪蓮食蓮心苦我心似蓮匪蓮之故不如食蘗食



藥苦口苦口猶可說苦心不可剖

憶壽兒

人鬼雖殊途感召惟一心我心不爾忘爾應來見形陰  
風入戶牖冷氣襲衣襟心知在我傍所悲隔幽明思情  
貫泉壤歲月無淺深悽然北邙道松柏饒哀音

南行舟中作時孤姪冠羣病篤

山色南徐暮鴻聲瓜步秋西風吹客淚孤棹逐寒流靈  
藥從何覓神仙不可求歸心已撩亂茲去忍淹留

喬劍溪云

唐音

孤雁

何日雁行斷涼宵竟獨征可憐孤影過長帶朔風鳴萬

里霜天淨三更秋月清  
啣蘆思廣澤不爲稻梁情

寄輓徐夫人

夫人有高義遠近播清塵  
況我忝嫺姪德音躬所親  
昨聞卽長世懷抱盈酸辛  
回思惠棗栗依依風雨晨

喬劒溪云

疏古有致

山行

慘澹憎衣薄千峯帶雨寒  
長虹噴雪浪古木響雲端  
地僻人煙少苔深行路難  
簡書洵可畏未敢遽彈冠

劉贊揆

字弼諧附貢生內閣學士師恕冢孫

遊道堂詩話苻溪喜繪山水工彈琴詩不多作搜集一二以存其人

約朱直方游松岡不果



風景日向好郊原花滿枝將攜一樽酒相與賦新詩傍  
郭松陰合連岡草色滋素心人不去負此暮春時

周

英

字雲白廩生績學工文赴江甯省試歿於旅寓

雜詩

春風桃李花弄色在豔陽走馬洛陽道羅綺何飄揚驚  
飈一以厲百卉無容光寄語冶游子良時不可常  
朝發湘水上暮宿巫山陽巫山有神女昔感楚襄王今  
我復來思沈恨結中腸夢魂不可接雲雨空茫茫

寄任子田

我尋遠山去渡江及早春逢君廣陵陌邀余白下門暮  
遊蕩兩槳朝登躡層雲尊酒無時歇高歌世罕倫歡娛

共晨夕倏忽已兼旬歸來一短篷中途各乖分  
緋桃零曲澗柳絲颺前津幽居掩荆扉風雨暗佳辰  
良儔不獲偕夢寐懷苦辛何時駕扁舟一慰平生親

霜林曉發

遠道催行客嚴裝起向東霜清林表白星落曙光紅  
馬跡追征雁車聲雜曉風年年城北路杖策思何窮

楊柳枝詞

楊柳青青君遠行東風幾度不勝情何時寄向天涯去  
吹作關山笛裏聲

王元音

字雲門著有春山吟

夜坐



皓月入我懷微風拂我襟冥然遺塵想轉覺秋已深中  
庭一葉下眾柯噓寒陰坐久默無語對茲耿長吟吟思  
忽不入翛然此夜心

將歸白田過揚州留別小樓四弟

我爲還家留白下君今適館滯揚州可憐滿野孤鴻影  
飛北飛南各自謀

芮增畹

字滋蘭候選州同知原籍句容居邑之汜水鎮遂爲縣人

杏園山房

木落霜清曲徑斜幽閒眞箇似山家小陽莫道無春色  
染得楓林勝杏花

無錫晤子龍兄

錫山停棹獨徘徊客邸誰親濁酒杯離別故園兄弟少  
相逢猶似夢中來

張紹先

字念子郡增生

與孫丙魚外孫夜話

莫怪常相憶難忘骨肉親山中黃葉雨燈下白頭人強  
酒驅新悶攤書屏俗塵勉旃繩爾祖拔幟大江濱

成永健

字乾夫

此日

此日將何適孤蹤類短篷蹇驢欺客倦病僕怨途窮酒  
戶原非小愁城不可攻砧聲頻入耳多事是秋風



白田風雅卷之十五

王嵩高

字少林乾隆癸未進士官平樂府知府著有

遊道堂詩話太守少孤力學南北奔馳遊梁  
一集贈炙人口與王夢樓侍讀鮑雅堂郎中  
爲兄弟交入官以後僚友文酒之讌郵筒詩  
籤往還靡閒故宦跡所至無不以此事相推  
者

仰化鎮曉發

月落荒雞鳴披衣戒徒御煙靄蒼茫中征夫從此去  
暖出市墟微微辨村路野風吹席帽草露濕芒屨長途  
怯所經倦僕顧已屢積霧開前山初陽散高樹迴瞻昨  
宿時茅茨在何處

龍山寺別念昔叔

犖确行坡陀蒼然四山暮澹月生前峯照見招提路遠  
水送孤舟長天隱春樹漁燈波外懸僧磬煙中度惆悵  
竹林人來朝峭帆去  
雨霽遊棲靈寺登樓眺矚  
晨興展遊眺夕踐淩幽崇舍舟緬蜀阜停策開禪宮石  
路絕登頓香臺知幾重餘霞媚洲渚落景明雲松蒼然  
暝色來萬象虛無中坡陀俯江介合沓呈遙峯諸天散  
化雨下界聞疏鐘觀化本無隱賞心疇與同眾人軫往  
迹達者悲來蹤願言息塵駕靈境倘可逢

山村

日出煙霏間隔水望林麓朝光亂紅翠野色團楓竹老



農色欣欣負暄出茅屋相見亦何言爲言禾黍熟及茲  
秋社餘醺酒賓可速井稅幸早完家計安樵牧兒童共  
雞犬坐臥雜飲啄仙源在人境無事卽爲福欲去意踟  
躕征車方輾輾

潁谷

朝陽麗平皋趁墟喧百族道旁經古郵褰帷見潁谷封  
人性純孝賜食食舍肉小人幸有母嘗羹勝啜菽片語  
格君心母子恩乃復至性本融洩天倫遂雍穆孤生失  
嚴訓瞻依惟母鞠奔走二十年逾壯霑微祿遠遊缺旨  
甘就養具饘粥一飯不忍離哽噎必親祝有時學兒嬉  
依然在家塾母笑兒心歡兒愁母頻蹙千里適京華誰

其間寒燠兒心戀庭闈兒身隔林麓王事有程期歸來  
敢不速但願依膝前阿奴長碌碌錫類詠風詩我思穎  
考叔

署齋多老槐鳥巢其閒中夜悲鳴聽之殊不能寐  
枕上成樂府二章

烏夜啼烏求安栖風折其枝繞樹三匝將何依舊巢不  
可戀翩然西飛還顧舊侶啞啞鳴聲悲曉月欲落星漸  
稀城頭鼓響烏不啼

烏生八九子烏母何辛苦烏子毛羽成還復反哺其母  
烏爾有八九子朝朝暮暮共栖止我母有一子奚獨在  
千里慈烏慈烏汝莫啼令我孤兒淚如雨



韓侯釣臺

王郎酒酣歌莫哀拔劍走上韓侯臺荒煙落日眺平楚  
蒼茫萬感胸中來韓侯英雄氣如虎家貧那得爲商賈  
寄食昌亭未見憐潛身市上猶遭侮龍虎風雲際會難  
一朝得意萬人看鄼侯久識無雙士高帝親臨大將壇  
東出陳倉義旗指破燕虜魏功無比拔幟奇兵度井陘  
囊沙夜陳淩睢水坐鎮臨淄號假王樹牙吹角擁精強  
威權已足震英主富貴何如歸故鄉無端設策遊雲夢  
頓教反縛輜車送噲等同時竟可羞豨眞豎子成何用  
長樂宮中草不春空憐碧血染苔塵當年一飯誰憐汝  
生死都由兩婦人從來金石交難保功成所貴知幾早

隆準休疑負舊勳分羹尙自忘翁媼鳥盡弓藏怨未平  
茫茫淮水繞孤城高風卻憶桐江叟獨著羊裘釣月明

洪澤湖

我行蔣家壩下瞰洪澤湖洋洋浩浩不知其所極但見  
青天白浪四面無邊隅長淮之水發源桐柏過汝潁東  
匯汴沂泗屈注龜山跗中貫此湖出清口朝宗于海北  
與黃河俱導淮刷黃利漕運歲輓豫章楚浙連江蘇河  
強淮弱那能敵橫流漸向南方趨黃水一石泥六斗乃  
使故道堙塞河身淤我聞江淮河濟獨出少兼并奈何  
濁河全溜清淮輸況逢伏汎積霖潦小泉七十二派皆  
停瀦旁引白馬汜光暨簪社

皆湖名

晝夜浸灌聲洶呼噫



吁嘻高堰橫亙數十里下有淮揚二郡人民城郭墳田  
廬鹽池財賦甲天下粳稻上供神倉儲沿隄一綫屹若  
建瓴勢瀕湖州縣凹者釜底凸者孟西風乍起浪最猛  
安危性命爭須臾家家戶戶不安枕私憂蕩析將離居  
茅簷蔀屋厖宸慮翠華巡幸來三吳六龍親莅  
審形便陽侯效順波恬愉天心仁愛恤民隱丕承丕顯  
遵前謨申命河臣善防築速修礎石增芟芻務令金  
隄鞏固鮮剝蝕桃花竹箭自今以往常晏如水衡錢費  
幾千億盡蠲所過積欠新徵租安瀾從此奠永久昏墊  
旣出沈菑除九年之堯八年禹功德孰若吾皇殊黃  
童白叟拜且舞雖在澤國奚啻游康衢吁嗟爾民若非

幸際 聖人出生靈百萬其魚乎鳴虓生靈百萬其魚乎

羅兩峯畫鬼趣圖

羅生畫手今所無遊戲乃作鬼董狐希求虛怯墮彼趣  
燄摩閉戾名豈殊以清淨眼燭幽昧出神通力追形模  
佻彌遊觀怛黎御五百城渚環睢盱華鬘象馬有威德  
蓬裸或被諸天驅佛之餓鬼三十六鍼毛炬口焦皮膚  
億耳索水那得飲造十惡業生三塗興酣潑墨寫精怪  
青林月黑煙模糊髑髏人立相向語陰風颯颯鵩鵩呼  
魑頭碩腹厥狀醜伶仃瘦骨撐朽株奇鬼搏人面藍色  
勒那繡利招其徒誰持敝蓋插蕉扇强者頤指弱者趨



愛河沈溺不知厭韶顏一瞬鳩槃茶無常旁瞰吁可畏  
譬若灌頂涼醍醐羅生寫此非翫世願離五欲求真吾  
貪嗔癡皆由妄想神識昏惰空頑軀劉龍營財笑撫掌  
送人作郡遭擲揄得錢肯許定伯賣醉歸勿倩黎邱扶  
坡公好說姑妄聽阮瞻持論毋乃迂燃犀照水太相逼  
鑄鼎象物疇能逋道子曾摹地獄相龔開亦有搜山圖  
荒唐弔詭擅能事要從恐怖生怡娛請君盥手繪大士  
慈雲香海青蓮趺竹林晝靜散花雨楊枝甘露霑冥途  
一切有情盡迴向貧子各得衣中珠夔魑罔兩久潛匿  
煙雲變滅歸須臾青天白日大歡喜辟邪安用懸桃符

檢篋中見雅堂縣圃贈行之句賦寄

送別蕪城館聯吟有鮑徐殷勤千里夢迢遞幾封書何處無芳草經時望鯉魚常將懷袖意珍重慰離居

乳燕

且住爲佳耳

山谷句

徘徊戀絳帷永懷將母意猶自引雛

飛我有華堂夢經年舊侶違相看秋社近殆及爾同歸

題歸帆圖送兩峯歸揚州

羅隱江東秀蕭然歸去來寒雲千里色天際一帆開慘澹生花筆蒼茫市駿臺梅根遺墅在竇滴倘憐才

君詩有家法可但畫通靈能事追前輩江關老客星

冬心

生先尋師十年夢說鬼一燈青紅樹家山好萍蹤此暫經

長安歲云暮聚散似搏沙復此送君去相思天一涯古



碑摹竹葉

曲阜顏氏所藏  
漢督郵題名碑

橫幅寫梅花書畫歸裝穩輕

帆直到家

### 人日渡河

喚渡逢人日中流曙色開  
晴空諸嶺出天際一帆來風  
定波猶駛沙平岸屢迴不  
須登廣武誰是濟川才

### 大梁懷古

搖落偏驚旅客魂西風回首眺中原  
三花樹色開神岳萬里河聲下孟門  
形勝鬱蟠終古在英雄慷慨幾人存  
信陵策士俱黃土獨有侯生解報恩

簫管遺音安在哉夷門東去一登臺  
離宮別院空相屬玉輦朱旗竟不回  
底事奇謀矜勝詭同時詞賦有鄒枚

長卿寂寞居賓館誰識凌雲曠代才

金明池水上河通宋室諸陵白露中花石南來軍國病  
翠華北狩寢園空煙寒桑柘連秋社雨後薜蘿滿故宮  
莫問樊樓舊燈火東京遺事夢華同

小山修竹久荒涼樂府新翻記憲王重過梁園悲帝子  
祇餘霜月照金梁黃巾白馬長圍日衰草寒沙古戰場  
坐守孤城傷往事承平父老說滄桑

舍弟書來知高郵湖水泛溢東村尤甚賦此爲答  
并懷耕伯師李諸兄喬氏諸昆仲

鴻雁來時見汝書江湖秋水滿沮洳一年旅食愁相逼  
二頃田園計又疏苦憶蓴鱸歸未得遙思兄弟近何如



天涯已負登高約爲報黃花少待余

秋夕感懷

風雨蕭晨感逝波歲華彈指易蹉跎昏燈別館聞蟲語  
落木空城有雁過人負窮愁爲客早天餘悲氣入秋多  
年來正墮思親淚那更傷心廢蓼莪

九日卽事

不辭風雨成高會難得晴明竟夕歡白月當空秋影散  
碧天如水雁聲寒樽前側弁仍行酒花下持螯屢勸餐  
醉飽歸吟不知寐滿庭霜氣獨凭欄

丙申仲夏重晤陳雲濤舍人于立崖明府寓齋  
十二年前禊飲春香燈小閣憶淮濱江山入畫渾如夢

詞賦求工可笑人，攬鏡相看憐白髮。  
拂衣原未染緇塵，倦游司馬雍容甚。  
肯作臨邛座上賓。

九日藉山閣登高

楓林蕭瑟點微霜，天淡雲閒雁數行。  
落帽風前餘我輩，題襟漢上又重陽。  
小山叢桂延清賞，老圃寒花耐晚香。  
病起尙能陪嘯詠，平臺松月影蒼涼。

七月二十三日洪素人學使紀秋槎觀察顧墨園  
陳芑洲永餘菴家蓬心仙棗亭小集時秋槎將  
之湖南

黃鶴仙蹤不可求，一尊今夕共滄洲。  
飄搖風雨存孤幹，寥落江山話舊游。  
遠信欲隨衡浦雁，離心已入洞庭秋。



他時應念題襟侶  
岳色湖光對郡樓  
極浦蒼茫靜夕氛  
天涯倦客倚微醺  
煙痕擁樹都成霧  
雨氣連江欲化雲  
一鶴高飛天共遠  
千帆東下水中分  
武昌柳色晴川樹  
幾處依依憶使君

九日環翠亭登高

兩度重陽共賦詩  
漢南今是習家池  
江山文藻堪千古  
風雨登臨又一時  
天與黃花存晚節  
人隨白雁有歸期  
柴門煙水蘇橋外  
誰采芙蓉寄遠思

雨夕

涼雨空階暗疏燈  
小閣明啼螿將落葉  
一夜作秋聲

舟中寒食

浩浩長淮水春風送客行舟人折楊柳明日是清明

廣水驛寄漢上知己

載酒題襟夢屢還客程迢遞翠微閒幾行紅樹瀟瀟雨  
又送離人過楚山

喬仙伊

字一山乾隆戊子舉人著有洛浦僅存藁

秋日感懷

量窄難勝酒心空只載愁蓬蒿三徑滿風雨一簾秋別  
鶴鄰家笛藏雲畫裏樓何時得閒寂湖上繫扁舟

長安早春望同學公車諸子

萬里晴光入望明春風先到鳳皇城香聞瓊宴花將發  
色染宮袍柳欲生淮海故人隨雁影燕山孤客待鶯聲



搖鞭躍馬長安道屈指京華第幾程

喬士玉

字於成廩生

夢遊

夢遊不辨是何山曲徑幽深隔水灣  
月滿嶺頭風滿樹殿門沈寂鎖金環

青童相引最高峯說是凌霄世外蹤  
鶴舞鹿馴如識我萬株松裏一聲鐘

從

科

字本進國子監生著有畏嫌吟藁

朱直方小泉史克顯同過訪華嚴菴時紫薇花盛

開

爲訪名葩逸興生同心攜手梵宮行  
花知留客妝成態

月到歡筵分外明  
細草善承趺坐意  
老農驚聽放歌聲  
應追河朔風流飲  
莫便言歸悵別情

飛花

飛花何太急似雪欲迷人  
早識離披易移栽  
悔認真

王繼程

字西華衛輝太守箴輿子

送杜城南歸海甯

囊書歸梓里清夢繞湖船  
詩意初三月離情尺五天  
我心澹秋水酒態暖晴煙  
羨爾風流甚多才萬選錢

張康衢

字坦階諸生

縱棹園

過橋人跡少信步傍溪斜  
曲岸圍新荻柴門掩落花  
奚



童閒汲水幼女學鋤瓜坐覺塵囂遠晴天卷落霞

喬

標

字淩秋附監生著有秋巖偶存藁

### 送表兄王澹圃歸里

君來我已歸我來君又去片帆挂寒風經我來時路江潮一已平水痕猶在樹奈此別離情與君分去住茫茫六百里況復迫歲暮昔別會有期今別何時晤臨行互策勉遇合知有數丈夫四海心無爲念農圃

### 禽言

鵲姑姑屋上呼東南水大長菱菰我無食子無襦城中官吏來催租不如歸去歸去無家向何處東西南北得住且住一身

之外天涯路

舟抵漢口題家信後

歷盡風波險深知行路難  
乍逢新月上猶作故鄉看  
客子居初定家人夢未安  
愁風復愁雨日日念江干

秦淮水榭卽事

小窗明月坐深宵  
遠岸微風送暮潮  
人影半隨燈火亂  
旅魂多向管絃銷  
垂陽到處牽雙槳  
古柏誰堪話六朝  
爲愛石頭城下路  
一灣流水繞紅橋

采蓮曲

采蓮復采蓮  
蓮葉碧田田  
郎愛藕絲長  
儂愛荷珠圓  
采蓮復采蓮  
歸來載滿船  
中有並蒂花  
含笑置郎前



喬方立

字守之諸生

雨後登文筆峯寄唐井元

出郭凌層梯紆徐引幽步望望炊煙中前日別君處秋色淮上來斜陽澹高樹惆悵不同攜扁舟秋已暮

清涼寺

山頭遙見敞朱扉振策來遊坐翠微凭几忽看青嶂合開簾時見白雲飛三秋搖落西風冷一徑荒涼老衲歸舊事蕭梁何限感寒林衰草帶斜暉

九日集城北蘭若

木落重岡勝早春來遊正喜及芳辰孤懷席地吟秋草薄暮歸途問野人僧院風微天似水禪堂香靄夜通晨

昔賢觴詠風流在彩筆高題墨瀋新

清娛堂雅集

高會山樓久夢思舊游零落客來遲偶因淮水移歸棹  
共向林塘話別卮碧檻籠陰槐葉滿小橋紅雨石苔滋  
明朝更放吳陵槩一路垂楊拂釣絲



白田風雅卷之十六

湯應隆

字鍾律增生

遊道堂詩話棕笠與喬方立守之劉兆彭述民弟襄隆荆垣劉玉麟又徐喬大鴻儀上喬大鈞秉之合刻敦素園七子詩後復自悔不復存其少作風貌樸古不欲以詩人自命辛卯省試歿於金陵無子念之惓然

繁昌道中

出山復入山山轉蒼翠修巒各奔峭窈窕弄朝媚凝  
雨灑芳田習習和風吹石泉漱清流迴環杳而邃谷鳥  
時一鳴落花紛雨墜何處武陵源林泉入高致塵坱苦  
勞生臨風一長喟

質衣行

淒淒僻巷愁霖積北風吹面雲墨色囊空無錢甑生塵  
三旬九食嗟驅逼膝前兒女向爺啼門東索飯恆苦飢  
牽爺衣裾共爺語鄰家曲突炊朝糜低頭太息掩關坐  
嬌癡豈解忍窮餓叩門索債如逋逃那有藜藿充寒銚  
況復歲晏天久陰蹇驢避路肥馬振袁安大雪唯高臥  
仲叔豬肝肯累人我有布袍三十載風摧雨打顏色改  
葛帔雖少故交憐黑貂幸免妻孥悔旣不能作黃頭郎  
卽山鑄錢銅爲牆又不能學張子房辟穀服食松脂香  
蕭蕭兩鬢生秋霜誰爲裹飯遺子桑脫衣付兒易粟去  
日高且擁蘆花絮不爾舉家慘不歡安得瓊麋供匕箸  
君不見長卿成都歸倦遊鷓鷯典去銷窮愁碓頭但有



辛田米身上何須白傳裘

雨後有懷

碧漢歇微雨茅茨下夕陰鳥棲煙樹暝門掩落花深芳  
序亦云暮美人何處尋相思今幾度獨坐理瑤琴

夜渡揚子江

風露浩無際孤篷獨遠征天高秋月白潮落大江平夜  
火瓜洲渡疏鐘鐵甕城中流聞擊楫不盡古今情

月夜婁江舟中聞笛

一棹吳江去經旬悵滯留秋風荻苗水明月木蘭舟何  
處忽吹笛有人長倚樓蒼茫鄉國思江路正悠悠

砧聲

清響出疏桐寒砧處處同淒涼催落月斷續起西風力  
盡千聲裏愁生一夜中朝來理刀尺寄向玉關東

曉發

村店荒雞起驅車臨古壕亂山殘雪捲野渡斷冰高  
客忘身賤長途慰僕勞五更風栗烈霜氣壓征袍

雨中同劉仁趾又徐次喬秋巖韻

無端風雨響中宵門外新添幾尺潮鄉思共隨秋雁遠  
客愁都向酒杯銷青山踏屐窮三楚古寺挑燈話六朝

是日游清涼諸寺

莫道飄零易生感十年五上白門橋

夜飲卜晝堂喜晤丹陽於一川卽送之海陵席上

分韻得涼字



三載音書各渺茫相逢今夕共飛觴白頭尙喜蘇公在

青眼誰憐阮籍狂

時誤傳凶問

小閣夜深燈影澹高天月皎

雁聲涼明朝一棹孤舟去海樹江雲總斷腸

劉天麟

字仁趾廩生著有青璵詩藁

### 湖上雜詠

一閒茅屋撈蝦渚門外晴多曬網船聽說晚來同貰酒

囊中剩有賣魚錢

劉兆彭

字述民郡廩生著有拳石山房集

### 打魚詞

打魚去長湖曙打魚返長湖晚往返長湖年復年生涯  
唯賴打魚錢打魚湖上多風雨扁舟來往不言苦老翁

少小慣打魚水雲作宅船爲居船中有魚尊有酒隔船  
招飲笑相於湖波空明漾清泚萬頃蒼茫收不起少婦  
停橈晚爨忙煙光亂散蒹葭裏打魚不願作高官得錢  
不願腰金紫但願滿載魴與鯉朝朝易粟養妻子

橫塘竹枝詞

阿儂住近橫塘渡日日橫塘蕩畫艘有時放棹箭湖去  
驚起鴛鴦飛一雙

劉履恂

字迪九乾隆丙午舉人大挑以教職用改授國子監學正銜

贈喬暄亭

秋風翳陽景流水迴且深之子不諧俗結廬南山岑茅  
茨隱叢篠石上橫素琴木葉落空澗涼颼吹衣襟興至



一再彈詎言無知音

積陰

陰霖屯不散  
飭艤起長歎  
遠岸雲容重  
疏林水氣寒  
老知行路險  
貧覺杜門安  
何處覓簑笠  
就深垂釣竿

天津送別范宗齋赴山東約至上巡官署

同舟方七日  
今夕起離愁  
匹馬斜陽外  
秋風古渡頭  
交情深瀚海  
宦迹滿齊州  
此去人千里  
相逢再獻酬

出京八日懷家弟建臨兼柬都中同學諸君子

慣習舟車瘁  
翻忘道路長  
友朋皆上國  
兄弟各他鄉  
風疾雅羣起  
潮迴草半黃  
客心同努力  
無復怨淒涼

潁州西湖

繞郭晴湖納眾谿嘉名舊與越中齊秋風桂楫人何往  
春讌蘭堂鳥自啼一代文章隨逝水百年祠宇委荒隄  
卽今雙柳平沙路煙草淒迷過潁西

青溪

青溪十里雨廉纖人倚闌干柳拂檐何處嫩簫聲不斷  
西風送入棗花簾

湯襄隆

字荆垣增生著有古槐堂集

雜詩二首

陽春二三月嘉樹發華姿寂寞深閨女對鏡起幽思踰  
垣夙所媿含貞而待時良媒久不至芳容亦自疑佳辰  
無與歡空房淚暗垂



藹藹溪上桃灼灼含朝露幽鳥一以過惜哉芳時暮花  
落逐流水餘香猶在樹對之感我懷殷勤爲持護根株  
苟不傷歲歲花如故榮悴似轉蓬寒暑潛相度矧茲寥  
落辰乃與榮華遇日夕清風生濃煙散何處

聞蟬

蕭瑟增幽思淒清倚曲欄隔溪蟬噪急流響不勝寒孤  
館斜陽澹疏林曉月殘平生風露感共爾恨漫漫

遊永濟寺

六代銷沈後青山滿落暉秋風初到樹巖翠欲沾衣颯  
爾疏鐘動蕭然老衲歸香燈深竹裏漸掩白雲扉  
淮陰侯

何若垂竿老夕陰  
恰緣相國是知音  
終辭鼎足三分策  
翻誤囊沙百戰心  
芳草王孫春寂寂  
良弓高鳥恨沈沈  
祇今寥落荒臺畔  
野水閒雲幾許深

王泰

字幼平增生

秋牡丹

本是仙根耐豔妝  
金風厲處自芬芳  
靈均澤畔蘭初綠  
陶令籬邊菊漸黃  
幾朵凭欄晴日麗  
一枝凝露晚天香  
等閒不與羣蜂鬧  
故傍丹楓待早霜

劉玉麟

字又徐乾隆丁酉拔貢以直隸州州判揀發  
廣西歷署巡檢有惠政積勞成疾歿後民思  
其德留葬廣西

遊道堂詩話春浦少工詞章嘗與同社諸子  
刻敦素園七子詩晚歲肆力小學頗自悔少  
作端臨嘗誦其憶家詩云秋水長天飛野鴨



夕陽深巷賣家菱迨卒官後子幼所著皆無  
存茲轉錄其刊布者

### 詠懷

狐裘有餘溫敝袍常苦寒寒溫豈不辨非義無相干哲  
人輕雞肋達士笑鼠肝何爲戀區區俯仰增長歎  
鯤鵬適萬里鷦鷯巢一枝所志本不合安得無參差懷  
珍毋自炫藏器須待時金石有改易此心終不移

### 田家

薄暮訪田家斜陽下荒渚行行問路人爲指門前樹老  
牛繫碌碡新麥種場圃童稚聞犬噪顛倒出蓬戶老翁  
歡相迎揖讓忘賓主入坐不須臾中廚具雞黍設榻邀  
我眠吹燈閉門去敲枕夢未安微聞田父語遣子朝入

城完稅早歸處一與市人嬉遂忘農事苦聽之感我心  
紛華了無取

擬古

妾家住若邪十三能浣紗十五學紡織十七來君家妾  
來未幾日君去走天涯出門望楊柳倚棹弄荷花楊柳  
年年作飛絮荷葉朝朝受團露飛絮飄零何日歸露珠  
旋轉不能住安得團露沾飛絮飛向深閨更不去

出門

母老兼多病家貧更遠行臨歧一回首涕泗獨縱橫落  
日遲官渡寒鴉下古城西風任飄泊默默獨含情

聞徵鎮安兵赴西隆州



沙上萬人立軍前一騎來兵初撤關隘賊已戰城隈密  
雨淒難斷沈雲鬱不開惜騰就刀斧天地亦流哀

歸德峽聞鷓鴣

帶雨登崇峽迎風下急灘蠻天雙鬢老戎馬敝裘寒乍  
聽呼兄切重言行路難徑思脫鞅去只待斬樓蘭

送王敘九之江西寄訊喬仙圃昆仲

秋到匡廬落木初王郎此去竟何如陳蕃未必徒留榻  
殷羨何勞更寄書沙渚夜聞彭蠡雁蓬窗朝貫曲江魚  
謝家兄弟如相問爲道疏慵病未除

贈任都閫

虎帳談兵靜不驕當年辛苦事班超雲埋馬足朝乘棧

雪滿蠶叢夜破碣西洱近聞誅黑獬南籠又說煽頑苗  
誰教百戰沙場客坐守山城髀肉消

任木齋述夢征黔苗作

風雨空堂酒未消聽人談笑說征苗夜來夢過黔江去  
立馬橫刀鐵索橋

江行

眞州南下似投梭漠漠風煙渺渺波黃葉滿林山色晚  
不知何處雁聲多

張雅涓

字又原廩貢生

初晴

初日澹如洗浮雲忙未閒茶煙鋪竹徑苔色掩柴關乳



燕將雛出鳴鳩喚婦還經旬霖雨霽對此一開顏

龍亭懷古

何代龍飛構此臺迴廊曲檻半天開西窺神嶽千峯合  
北指長河一線來碧瓦翻飛蒼鼠竄黃沙匝地石麟埋  
偶然拾得前朝物恰遣犁鋤到劫灰

喬大鴻

字儀上廩貢生著有客浦詩鈔

遊道堂詩話客浦風調翮翮望而知爲王謝  
子弟論詩讀畫析入毫芒其談朝弔詭見者  
無不傾倒二十餘卽爲飢驅北游燕趙南極  
荆襄老而潦倒益甚嘗有句云人生不富貴  
困苦亦須早又七言云病覺乞兒皆可羨貧  
逢喜事亦堪愁君子可以知其遇矣嘗與里  
中諸子刻敦素園七子詩晚盡悔其少作十  
不存一茲盡錄其未刊布者

同程朗陵平泉游耿氏園林有懷王魯菴長沙

朱霞麗飛閣落日明遠林招攜欣素侶逶迤恣探尋累  
榭迭上下迴檻迂窺臨緣源亦有極竹樹何幽陰倏俯  
垣外澗遂躋松閒岑登高一以眺始知亭館深紅葉媚  
秋渚白雲迷晚潯洞庭渺何許鴻雁無歸音

晚過張氏山莊

暝色聚歸鳥雜沓喧林際蘿陰窈以深不知在都市登  
樓見前山條與窗軒對俯視但松篁蒼茫成一氣昨夜  
風雨來陰晴各殊異出門過溪橋明月照衣袂老鶴時  
一鳴餘聲入空翠

題王鞠莊海濱觀日圖

羲和鞭馭聲隆隆捫槃拊籥真冥濛我昔曾登徐福島



扶筇直上雲臺峯天雞未叫入混沌天衣無縫天闕封  
之采幾點遞隱顯微茫一線開鴻濛欲出不出光滉漾  
五色激射雲霞烘初疑神龍吞吐弄珠火又疑靈犀歎  
欲燃蛟宮如金在冶赤閃閃如卵脫殼黃溶溶琉璃世  
界錯彩翠一輪湧出波心紅鯨眼睜睜鰲頭縮不敢仰  
視扶桑東自詡壯觀得未有先生所見將毋同阿誰畫  
此真神工居然貌出君心胷君心似日極開朗吞幾雲  
夢澄秋空君才如海敵潘陸倒流三峽稱詞宗人在日  
下日復日日無改色人改容寸陰足惜古所誠出作人  
息童成翁我亦有心切葵向萬里破浪乘長風那能齷  
促守雞甕兀兀坐井窺蒼穹相期捧日倚閭闔五雲深

處瞻矐矐回看海天一長嘯身在蓬萊第幾重

胡二招飲梅花下漫賦長歌

平生夢想羅浮峯盡日坐臥梅花中安得此身化蝴蝶  
栩栩一路隨春風白田澤國梅易槁惟有君家梅最老  
可憐人老不如花歲歲年年顏色好去年此日過君家  
閉門深鎖庭中花悵望梅花幾延佇瞥眼牆角枝橫斜  
今歲梅開纔半樹主人邀客飲無度入花不辨花淺深  
滿庭花氣凝香霧人覆花下花爲天繁燈燦若星斗懸  
焉知有月在花上迴看花月重開筵

題朱小射治棺歎後

萬閒廣廈非吾有惟有此物長相守一入黃土千百年



賴以藏身期不朽所由先生慎厥終及早料理親鳩工  
量長絜短揆寬窄居然置身於其中豈不周詳勞審顧  
那得百靈來呵護縱令石槨環鐵棺骸骨安能永堅固  
噫吁戲人生不能尸解飛昇入寥廓便須一視死生外  
纏縛何爲定擬魂魄長此居豈非軀殼之外重軀殼吾  
聞古達人蹤跡常詭奇安知不爲再來丁令威老鶴一  
聲知我誰

聞雁

我已無兄弟天邊有雁聲十年生死淚萬里別離情夢  
斷衡陽浦魂驚楚塞城江關愁極目一片月孤明

寄懷北溟二兄

昔共東西屋今爲南北人每因行客苦翻羨在家貧風  
色欺裘敝霜華點鬢新池塘應有夢不是舊時春

平遠樓晚眺卽送客遊金山

木葉下高閣颯然秋思生遠山無盡意落日不勝情一  
鳥渡江白千家帶郭明卸帆相憶處同聽暮鐘聲

宿焦道士山房

盡日無人跡空庭淨碧苔道心香忽動客夢鳥能催雨  
歇泉聲出林疏月色來更聞談勝事採藥自天台

黃陂山行

初日馬頭紅行人東復東鳥啼空翠裏楓落亂流中霽  
樹含朝雨陰崖接夜蟲過橋鐘忽動何處梵王宮



寄懷王幼平之浙東

故人千里去何術可謀生老至翻爲客秋深尙遠行鄉  
書遲雁影旅夢怯潮聲念爾那能寐無言對月明

舟中元旦

日出開陰霧天涯歲月新亂山連夜雨孤艇隔年人  
狺窺生客漁樵結比鄰時平多樂土不敢怨風塵

述懷寄莘農從弟都門

爲客思歸切歸來欲出難家貧傷婦逝子幼比孫看籬  
落蛩聲老江湖雁影寒故園居不易豈獨是長安

貧家牡丹次韻

斷籬頽砌野煙叢瞥眼驚開一簇紅誰向蓬蒿憐國色

敢矜聲價怨春風世情有態炎涼異天意無私雨露同  
偏是苧蘿稱絕豔玉堂人在草廬中

婦病寄訊

爲誰奔走戀風塵婦病辭家百感新別夢難逢江上水  
愁顏易改鏡中人糟糠此日難充口井臼頻年足苦身  
但得鹿車人共挽黔婁情願一生貧

陳大中丞席上觀放煙火

春星亂落廣寒宮鄂渚遙連赤壁紅一片旌旗煙霧裏  
半空樓閣火雲中不知皓月懸清漢疑有仙人駕彩虹  
下界萬民齊仰首離明光被楚西東

題黃梅驛



十年爲客負韶華不料今年恨更賒枕上聽殘三月雨  
馬頭看盡一春花出門預著遊山屐適館先尋賣酒家  
指點潯陽江口路月明何處問琵琶

九江客樓夜起呈錢太守

簾捲高樓水接天新涼枕簟正堪眠夢回聞雁家千里  
酒醒看山客五年蘆荻未喧秋氣肅星河不動夜光懸  
王孫亦有青衫淚肯爲琵琶灑別筵

寄懷大兄塞上

極目關河道路賒雁飛疑不到天涯風回瀚海沙成浪  
春至冰山雪作花萬里未歸猶有母十年爲客已無家  
不知織女機邊石何處能留博望槎

舟次漢陽登黃鶴樓

歸程萬里一孤舟特爲登樓半日留  
動地潮聲連郭湧極天帆影入雲浮  
文章亦有麒麟閣波浪依然鸚鵡洲  
安得神仙借黃鶴騎來飛去上揚州

大觀亭晚眺

大觀亭踞大江頭檻外長江繞郭浮  
煙火萬家環夕照風雲千里入新秋  
潮歸京口分吳界山峙天門截楚流  
此去登臨堪放眼波濤都入古今愁

寄懷王海山九日集陟瞻樓用米南宮九日會郡樓原韻見懷之作

輞川圖畫鏡中天珠玉連篇下水船  
昨夜夢回池草外



此心飛到謝樓前  
漫勞舊雨關心切  
贏得新詩脫口傳  
知子凭欄定惆悵  
平蕪眺盡日西偏

隱仙菴訪王樸菴道士不值

信步入前峯  
行行成小歇  
不知山淺深  
一路踏黃葉  
我到山中來  
師從山外去  
去來兩不逢  
都在雲深處

七夕寄內人

典盡金釵與玉環  
蟲飛無夢到江關  
人間底事輸天上  
一水盈盈萬里山

川江夜泊

蘆花瑟瑟蓼花新  
一夜西風老白蘋  
酒醒閒關家萬里  
青山何處不愁人

過陸筠莊村居

小橋流水竹籬門  
楊柳陰中認屐痕  
滿地桃花紅一片  
不知何處入前村

柘溪中秋

亞字闌干曲水濱  
綺樓猶傍柳梢新  
分明鸞鏡臺前挂  
不見當年鏡裏人

夜宿香山館

酒醒空堂月乍明  
無端秋思滿江城  
七年一覺西園夢  
記得松風夜雨聲

王希方

字小石諸生

呈耕伯四兄

兄辛酉舉人時部牒至  
截取入都以終養辭



捧檄何如膝下歡  
家門樂事羨團圓  
清時甘隱非容易  
貧裏辭官始信難  
先志有人堪繼武  
高堂無恙健加餐  
名山事業知逾大  
莫把蒼生袖手看

題從弟敘九意園詩後

開函珠玉羨重重  
收取風雲鍊筆鋒  
二十年前成浪跡  
三千里外會萍蹤  
已拚衡雁書長斷  
何幸春池夢又逢  
乍見翻愁遽離別  
他時重晤記初冬

晚眺

午後開窗一望餘  
樹頭樹底見人家  
煙雲不管殘陽恨  
卻傍西山鬪晚霞

臨汾西山圖刻實

千鈞開竅一望斜陽顧樹洲良人寒臥雪不曾與樹別

刻印

甲辰陽歷臘臘限册刊重刊此

三千里合華張口卷海帆書是潤付年春出夢又發

開函新美重重如如風雲聚華殺二十平簡如如如

張安策始大意圖精錄

山山事業咬盡大莫昨係主磨手昏

良真精官故語難矣志昏人掛錦五高堂無恙如如發

不慈回吸翻不煩案門榮華美圖如如如甘則非容恩



白田風雅卷之十七

喬大鈞

字秉之增生大鴻弟少聰穎工詩年二十餘而卒著有荔江偶存

效古促促曲

促促何促促風吹陳根回舊綠邱隴寂寞彼何人今日  
黃泉昨華屋寒食誰來挂紙錢老鴉夜上冬青哭

冬夜有懷雨岑毘陵

長風吹雁過一夜有哀音之子何留滯他鄉遂至今寒  
雲低不散落木迴無陰值此窮冬候門閭念正深

留又徐飲

時先姊初葬

相逢無可說執手慰情親共有心中淚重傷坐後神綠  
尊今夜酒青草隔年人那復成歡會愁聞過雁頻

客中秋夜

天涯驚物候高枕思悠悠夢覺他鄉夜涼生故國秋庭  
空風動竹人靜月依樓輾轉不能寐悲懷可自由

朱原長

字崑生國子生著有春及山房詩稿

喜晤喬琴溪

一別已三載相逢情倍親鶯花將客棹鄉社喜歸人老  
至疏狂甚交深意氣真敝裘新典去尊酒話風塵

泛舟瓦溝溪過望直港

停橈來野店溪上月初生歲稔逢人醉秋高有雁聲水  
村涼氣早孤艇客心驚長板橋頭路飢驅笑此行

平山晚歸



平山樓閣勢峻嶒人在瑤臺第幾層歸路不須愁日暮  
二分明月一湖燈

立夏前一日早起

一夜廉纖細雨霏朝來香露滴薔薇綠陰庭院人初起  
高捲疏簾燕子飛

芮永牲

字鹿友增晚子候選州同知

登樓

神仙自古好樓居偶一登臨意豁如待月不嫌晷散晚  
吟詩多愛雨晴初雲開湖上征帆見秋到淮南岸柳疏  
更倚北軒閒眺望一灣秋水護吾廬

張溯彭

字繼錢

秋夜

迢遞深深夜銀河淡欲橫月明疏竹影風急暮秋聲濁  
酒尊前盡輕寒戶外生愁思不能寐獨聽蒼南更

秋日寄懷朱藝階湖南

里社題襟記昔時於今酬唱悵分歧蕭齋風雨三秋夢  
楚甸山川兩地思舟過洞庭移棹速雁回衡嶽報書遲  
關情若問年來事澤國生涯一釣絲

張承桂

字毓馨

寄蘭溪兄

興懷聯棣萼對酒溯睽違兩地未云遠八年相見稀雲  
深山徑瘦湖闊浪花肥各抱羈棲恨飄零何日歸



繆 晒 字補之

遊道堂詩話補之隱於醫卜不求人知人亦鮮有知者

有所思

休嗟行路難聽歌有所思問我何所思所思良易爲不思爲文繡環佩增光儀但思爲縕絮衣被歲寒時不思爲梁肉馨香升鼎彝但思爲稗糗凶荒活飢兒騁懷多況瘁徐步無胼胝飛湍與層巔履之康且夷

除夕集敬菴齋中

東家注糟牀西家烹牛狗我獨空囊一切無踉蹌出門訪我友我友維何徐孺子亮節高風世稀有結念羲皇同靖節遯迹江湖今漫叟座中上客有南樓夏鼎商彝

漢龜紐蓉溪項子亦翩翩清詩直逼三唐首坐我春風  
和氣中何須更羨椒花酒

春暮閒居

遊仙自愧無靈氣入世人憎鮮媚姿困裏逢亨曾幾事  
憂來偷樂未移時晚炊將斷看新月宵寐難成繹舊詩  
多少梗楠終冀土樗材況我欲何施

淮南口號

二月鳴蒲弓五月揮蒲劒漁艇挂蒲帆繩牀藉蒲簟

步月

微風動林木清溪波不起皓月出林梢照見清溪底

懷陳寅直



涼秋一分袂轉眼復經春折得梅花在憑誰寄故人

冶春詞

長板橋頭挂酒旗黃鶯下上綠楊枝風和日暖遊人醉  
正是江南二月時

黃道

字步九諸生豫之孫

留別王蕙圃

楊柳青青驛路春奚囊檢點動征輪  
前月照將離酒窗外梅迎欲別人  
涉世無謀悲季子先鞭努力望陳遵  
鯉魚風起思君日莫信天涯若比鄰

陸向

字慕劉諸生

冬日遣懷

六十老人事事非學書學劍總心違歸來一枕邯鄲夢  
日上梅花未啟扉

陸

培

字厚村增生

感懷

功名不早立將爲終身憂少壯能幾時日月逝如流我  
年已老大素志未一酬枉負知己遇常抱國士羞投筆  
事戎行時清無良謀不如返初服樂天守故邱

劉與喬

字赤霞諸生

郡城過某氏故居

一覺南柯夢已非白雲蒼狗寸心違賣瓜陵上曾調馬  
羅雀堂前舊賜緋秋雨蕪原空脫劍西風葛帔漫裁衣



朱門盡日蕨蕤鎖梁燕雙雙別處飛

三弟新樓小飲

玲瓏窗戶堪延月  
屈曲欄干欲壓煙  
鑿落浮來安石酒  
參差品到菊花天

李光祚

字映初諸生

移竹

此君猶是舊琅玕  
移向雲窗秀可餐  
試粉漸聞香細細  
解苞時覺碧珊珊  
月來自寫清潭影  
雨過誰憐翠袖寒  
客裏相逢情倍愜  
可能爲我報平安

溪寺遇雨晚霽書懷

不翻貝葉不參禪  
性定圓明本自然  
榻近松風琴韻冷

窗移花影畫圖懸客來茶熟雲封竈雨過詩成石作箋  
最愛晚晴波萬頃一痕新月水中天

王斯惇

字敘九著有聊存草

登青縣城樓寄梁筱素

荒齋自岑寂終日惟孤吟昨登城上樓始覺春已深飛  
花分別浦眾鳥喧遙林帆遠長河急野曠浮雲沈顧景  
愴離別眷懷夙所欽恆恐願多阻飢渴勞我心

同人各詠一物送程筠榭先生返邗上分得菱

溪光一片明如鏡弱蔓風牽紛莫定白花點點暗香浮  
青角稜稜綠波映吾鄉栽菱似栽荷君去邗江夾岸多  
三十六湖秋水碧月中好聽采菱歌



和少林四兄九日寄懷原韻

登高正惆悵忽喜到瑤華昨夢池生草開萸菊有花寒  
香三徑晚旅雁一行斜料得停杯處相思到水涯

過金角嶺望紅樹村

嶺上磷磷石徑斜嶺邊開遍野棠花不知綠水灣環處  
紅樹村中有幾家

湯

祺字次郊國子生著有葯房詩鈔

村舍坐雨簡鄰翁

孤村氣蕭瑟幾日雨昏昏野水纔侵岸溪雲欲到門數  
家依柘影一徑積苔痕賴有忘機客翛然共酒尊

秋日豫章七兄招飲

渡口斜陽起夕煙多君招飲暮秋天白蘋葉老霜初落  
紅蓼花開月正圓十載弟兄春草外一樽情話夜燈前  
何時卜宅南村住風雨瀟瀟對榻眠

過喬獨清故居

楊柳青青罨戶低一庭風雨自萋迷當年掃徑人何在  
花落空階鳥亂啼

喬

烺

字然明國子生著有野亭詩草

懷湯鐘律

北風一夜寒早起見飛雪積素無人蹤庭階皓以潔空  
林鳥不散東響庭柯折茫茫天宇閒望望心如結良友  
天一方歲暮生離別道路非迢遙音問何阻絕念爾瑤



華音回首黃花節

謂九日清娛  
堂小集分韻

擬長相思

長相思在何處望中稠疊山無數秋霜夜落海天寒朔  
風吹斷江頭樹遊子去不歸十年無尺素前夜夢君咸  
陽城昨夜夢君瀟湘渡夢中歷盡關山難夢魂尋遍天  
涯路長相思在何處

送唐井元之皖江廣文任

橫江不可渡客子任風波見說閒官好其如遠別何青  
山秋水闊黃葉雨聲多回首思千里霜空雁正過

過湯對揚別業

向晚開簾坐庭陰綠樹齊逕因池水曲門對夕陽低遠

道稀人跡深林有鳥啼偶來幽興劇一飲醉如泥

送胡中尊歸臨安

故里蓴鱸水一涯六橋花柳待行槎題詩客到吟紅藥  
問字人來坐絳紗竹馬他年迎郭伋雲山此日夢侯芭  
迢迢千里孤帆遠極目吳山隔暮霞

懷呂雙橋

客邸相依情更親攀歡曾記及良辰梅花小閣陳蕃榻  
夜月疏簾北海樽幾日淹留成勝概一帆迢遞送殘春  
霏霏柳絮江邨暮何處青山是故人

劉贊燮

字汝梅官河南候補州吏目

七夕後一日作



銀河那復渡牽牛雲散香消滿目秋莫謂人間生別恨  
便疑天上起離愁棲鳥斂翼歸前路鄰女停鍼憶遠遊  
最是一鉤新月色亭亭還照曝衣樓

王大受

字應軒諸生

### 送吳補野丈之吳

老習征途苦春風又送君煙深迷驛柳帆遠入江雲嶺  
色千重隔鶯聲兩岸聞離情不可道況復雨紛紛

徐思勉

字懋先廩貢生著有紅桂山房詩草

### 九月過高沙懷萬紉秋夫子

拜別維舟處鍾期不可尋杳然三載夢悽斷百年心遠  
水雁初下夕陽風滿林文遊臺畔路此日罷登臨

除夕

燄燄松明火厭厭夜向除書迷十上後人感二毛初只  
有癡難賣安知願不如椒花今夕酒爛醉入華胥

卽事

高臥木蘭舟南風正打頭岸迴雲勢折村近雨聲稠桑  
柘牛欄晚菰蒲蟹斲秋終當問田舍蝸角尙勾留

秋懷

崑山玉撥鳳凰絃調入湘江思渺然湖海故人驚老大  
鶯花好夢隔經年少孫曾附龍門末越石深慚祖逖先  
菊秀蘭衰秋序晚安排短檠對芸編

豔詩



翡翠衾寒睡起遲東風簾幕綠楊絲可人家住長千里  
倩我親裁少婦詞錦瑟年華猶綺麗伯勞蹤跡久差池  
詩成欲付桃花水正是河魚大上時

代作

六載支持費苦辛別時金粉化爲塵寒衣典去初聞雁  
尺素傳來不見人兒女嬌癡門戶冷容顏凋謝鬢毛新  
郎心一似秋江水流過桃花不復春

賦得秋燕

畫閣清秋迴鉤簾燕尚飛依依猶戀主故故若言歸露  
染紅襟濕霜添玉翦肥雕梁前夢杳綵線昔人非掠水  
風生隰鷺棲月到幃明年杏花雨上苑逐芳菲

楊柳枝詞

江南水國多楊柳  
別後臨春發幾枝  
憶昨旗亭曾繫馬  
冶遊心醉麴塵絲

泊高沙

涼風將雨入虛舟  
兩岸蟲聲助客愁  
三十六陂湖水闊  
漁燈幾點不禁秋

喬義齡

字又儲國學生

丁巳春客邗上王慕堂先生以詩見寄依韻奉酬

殘春不奈雨兼風  
燕蹴庭柯落故紅  
中酒情懷誰遣得  
鄉思添入夢魂中

喬

輈

字槩五諸生



路經湖南

淼淼洞庭波舟人倚棹歌微風生別浦涼雨上漁簑綠  
葦牽芳杜青楓繫薜蘿漢江行尙遠今日岳陽過

監利道中

隔岸湖南境微茫一水分松巖濃著雨竹路細侵雲草  
綠飛沙鳥山青欲暮曛天涯聊縱目羈思自紛紛

虹橋春望

雙橋綺麗彩虹拖好景還須載酒過鶴放園林山翠接  
燕穿簾檻柳煙和半池淺水縈芳荇幾樹春風帶女蘿  
陌上踏青人影亂夕陽簫管畫船多

望洞庭

洞庭春漲接江流  
縹緲風光引興幽  
三峽水分雲夢澤  
一湖波滙岳陽樓  
神雅待食依篷落  
帆影和煙向港投  
目極天涯千里思  
渡頭漁火晚悠悠

過仙霞嶺

驚嶺岩堯障百蠻疆  
分閩越隔重關西  
冷雲樹迷離外  
南海風煙指顧閒  
怪石千尋泉直落  
斜陽一道鳥爭還  
浮屠小憩烹香茗  
卻許勞人片刻閒

沔陽道中

小艇沿流午睡醒  
篷窗倚望櫓聲停  
多情最是隄邊草  
一度春回一度青

銅官山



山入銅陵分外濃  
煙鬟聳翠白雲封  
欲將黃鶴山樵筆  
寫出西南四五峯

祁念祖

字根培廩生

和曹夢山留別原韻

落葉蕭蕭促織鳴  
梧桐枝冷晚風清  
離情最是無人識  
斜月雞聲到五更

趙立誠

字樸心乾隆庚子舉人

蕩子婦

灼灼園中花  
昨夜風吹落  
念彼遠征人  
空閨滋寂寞  
迢迢驛路賒  
渺渺天宇廓  
君心諒不移  
妾身將安託

劉異

字君常廩貢生官震澤縣訓導

出門

爲客計速旋到家思遠出豈不苦馳驅飢寒相逼疾先  
人薄宦餘舊業百無一畝田賴可耕逢年良莫必沿門  
寡所遇探懷刺字失昨接渤海書使君虛前席慚非毛  
生雖詎諳齊王瑟去去勿淹留牖下老何益

渡汶

汶水何湯湯亂石紛稠疊朱夏盛行旅彌望無舟楫未  
至半里許濕沙深愁躡問途循已經瞻顧神盡懼或言  
魚北境濫潏波堪涉僕夫腰長鞭跣足短裳攝我馬惜  
連錢泝流行蹠躐翠幃攀高車漉漉沒雙轍彼岸條已  
登防陷心始帖緬懷昔賢蹤願言歌匏葉



青駝寺

趨車度高嶺嵐光結層翠回環列羣峯奔騰勢詭異曲  
逕忽軒開中藏千年寺頽宇掄半扉土偶或顛躓蛸網  
羃敗龕苔蝕鐘在地香廚久無僧飢鼠啾啾至青駝降  
何時山形亦猛鷲細草印狐蹤密林聞虎氣落日下蒼  
崖孤行客心悸

午後與從弟緝孫登華不注

何年巨靈斧一劈分太華半峯攝之來千載稱雄跨孤  
聳凌虛空壁立四削卸青青蓮萼撐巉巉虎牙化緬昔  
春秋時齊晉迭爭霸有如盧與魏三逐周其下恩怨只  
斯須山靈成咄咄層崖隱梵宮幽望藏仙榭紛披綠蘿

纏涓滴紅泉瀉古洞不逢人落日走香麝

聽馮子彈琴

成連歸海上銷歇到如今詎意飄萍日翻聞流水音朱  
絲縈素指白月照空林莫弄廣陵散傷心恐不任

四月

四月鶯啼歇匆匆客裏過蓉街收繭子雞市賣蘋婆小  
甕香醪貴春盤薄夜多名泉七十二閒酌品松蘿

將之山左從叔曉峯治饌相招詩以留別

南北舟車告別頻竹林招集倍情親從來祇有公憐我  
此去翻多鬼笑人千里鶯花縈客夢十年書劍走紅塵  
長途旅食浸成慣勿用深憂襪被貧



冬日震澤署中

晚菰采佐晚來餐  
賴闢閒園半畝寬  
五七升醪留客飲  
兩三心契足談歡  
敢希帳列歌笙隊  
偶學綸垂釣雪灘  
歲歲吳江伴楓落  
爭教冷不到儒官

早發

逆旅不成夢茅舍  
一燈紫僕夫急長程  
隔窗喚客起  
露氣濕征衫  
月影下殘壘  
聽盡荒雞聲  
天明四十里  
來鶴亭

洞口花常發  
人閒水不回  
月明丹竈冷  
亭鶴幾時來  
大隄柳

足倦燕南路  
衣沾楚北塵  
長隄千樹柳  
送盡客遊人

歇馬亭

津亭柳如絲  
征人頭似雪  
鞭影夕照中  
貪程未肯歇

旅夜

客途心事倩誰知  
一盞燈青獨酌時  
無奈晨雞又催發  
亂山重疊雨絲絲

張二餽美人蠅詩以謝之

閒住殊當食蛤蜊  
寄來冰錯妙凝脂  
雪膚姑射依稀似  
解脫秋風殼並持

媿乏齊收百斛珠  
海鄉盡買佐銀壺  
吳儂只愛江瑤好  
較勝寒潮此味無

鮑廚段品客中稀  
下箸還如鱸縷肥  
怪底莼羹千里熟



七年張翰不思歸

醪糟風趣子猶諳尺素封題遠道堪安得蒲帆舟一葉  
載將仙貺到江南

漢書地理志

漢書地理志卷之十七

漢書地理志



白田風雅卷之十八

潘湘

字湧觀號蕭亭廩例國子生

和東坡午窗坐睡

眊廢忽來侵端坐自橫肘四壁歸岑寂萬象隱無有鼯  
聲出廣喉不覺三時久浮垢蒙兩顴痿痺臂及手渴欲  
飲江海恍如方中酒千古一希夷能以睡爲壽不知歲  
月馳昏聾成老朽冥頑血肉軀清福難消受呼童汲水  
來爲我滌煩垢取鏡一凝眸笑問對面叟

題單雪樵樵雪圖

凍雲四塞雪花猛打頭壓肩旋沒脛千巖萬壑埋行蹤  
有人獨立遠山頂山頂一峯高眾峯突兀峭蒨摩蒼穹

上叩天關瞰地軸斧聲一落驚半空雪天倔強作樵者  
豈效袁安臥林下臥者樵者皆苦心怕向人閒誤趨舍  
樵子日斫棘與荆不除荆棘材難成可憐十指凍欲裂  
猶在山頭苦運斤此日未知名何山樵子足跡周塵寰  
南走吳楚北燕趙鐵骨負荷如等閒一歲芒鞋幾萬里  
五嶽缺一不肯止我來浪跡恆岳旁聽得歌聲見樵子  
樵子一歌百千疊使我一字一叫絕灑然春風吹雪天  
樵子肝腸亦大熱肝腸大熱消極寒落落拓拓溪山寬  
一山初出一山入不知身在雲之端山外諸山俯何少  
溪外諸溪聽都小一齊天上響丁丁駭起虎狼驚飛鳥  
正思蠟屐同樵遊樵子將買江南舟高堂白髮倚門望



金臺未必常勾留樵年五十壽以酒聯吟白雪同白首  
知樵他日何處樵手有斧柯任奔走茲余又卜他枝棲  
不在大梁或在齊車塵馬足知未了天賺吾輩何淒其  
孤雲歸鳥各任樹春山秋水東西路丈夫不乘駟馬車  
不若爲樵入山住送子直上青岩巉手中先采梅花挑  
其父析薪子能荷擔書讀雪來小樵

醉後放歌

百年三萬六千場何以吾儕不能領天光月色總怡人  
山程水驛成萍梗方聞樓閣管絃聲忽見牛羊牧荒頃  
少年意氣縱如雲那知回首成禿頂於今偃息長安市  
不敢泛駕任馳騁酒家解珮散步來知章眼花已落井

卷十八  
君平知命卽知天元亮問形還問影老豪不管白髮枯  
尙能槍法歸巖整簡鍊無妨再揣摩精華所到含高渾  
弄笛且聽桓伊吹學琴會向鍾期請歌成舒我磊塊胸  
仰天健翮摩秋隼

送宋見心旋吳閬

久作歸與計河橋又送君舟通吳國水馬踏楚山雲明  
月樽前共梅花嶺外分到門欣聚首不敢悵離羣

散步

散步出軒外東山送月來蟲聲喧曲逕花影繪高臺寺  
遠鐘逾靜更深鼓若催鄰家真有興夜半泥殘杯

落葉



落葉飄零怨晚風  
流光過眼太匆匆  
閒雲一去南山冷  
秋水纔添北櫂通  
勳業幾人垂老建  
文章無價及時工  
湖中白首長棲泊  
不惹煙波是釣翁

驛柳次韻

東皇著意柳條新  
空抱依依對遠人  
朝雨長橋歌白紵  
夕陽荒壘遏紅塵  
翠眉乍展來時酒  
青眼難回去後春  
唯有昏鴉棲不定  
幾枝搖落總傷神

送秦二東巖旋里

杏花帶雨柳含煙  
二月江南有杜鵑  
聽到不如歸去好  
春風斜日對離筵

有感

看花日上綵雲樓  
綠醉紅酣不解愁  
一夜西風過北院  
十分搖落故園秋

吳

驥

字龍友國子生

史閣部墓

閣部衣冠葬竹西  
東風三月草萋萋  
杜鵑不管興亡恨  
夜夜梅花嶺上啼

吳

駒

字千里歲貢生

重九前三日過景賢堂有懷前日同飲諸公

信步城東隅  
摩挲詩在壁  
風景今昔異  
離合殊忻戚  
昔我來此時  
楊柳曉煙羃  
主人酒新篘  
酌斗以勸客  
今我復來此  
水淡秋雲白  
菊放堦蛩寒  
草衰石骨出  
懷人心



忽痾對景慮轉息坐久復徘徊前灘響漁筴

東村

小橋東去屋臨溪一派青蒼古木齊身在畫中人不覺  
半帆風穩夕陽西

王

曉

字曰陽號情山恩貢生著有今月編拾香集樂遊草

讀史雜感

文章以名世名世轉堪惜建平元始閒子雲守岑寂著  
書雖僭經譚芭歎絕特新莽竊漢鼎羣賢齊振翮龔遂  
辭印綬陳咸乞骸骨番番莽大夫老戀天祿秩蚤知閣  
亦投何事秦勞劇藉以草元終漢臣衡向匹同時侍中  
歆家承向手澤手澤付甯馨掩卷起太息

龍潭道中遇雨

晨雞惱客夢，襪破起裝束。筍輿廣一柯，前判僅容足。蹢躅細路中，倚此代牙轂。葉子性伉爽，閉置苦局促。僱將博士驢，得得山之麓。仰視鼠巢松，俯矚雉雒麥。須臾日色薄，濃雲潑水墨。初猶密以細，旣乃優且渥。候館隔前嶺，茅菴窮遠目。表道兩株樹，借蔭比華屋。客子類眠蠶，輿夫如立鵠。巾成郭泰墊，坐學茅容肅。紅笠灑四圍，青衫濕半幅。努力轉山角，取次露修竹。連畦簇嫩黃，繞舍漲新綠。入門揖主人，正煮桃花粥。

偶成

永康飛詔書鉤黨，人連株青州六郡齊。傳呼五郡皆上



平原殊使者答掾如答奴平原之相色不愉慷慨直欲  
撓郅都使者縱搜捕善良不可誣他郡自有平原無

邢園訪牡丹偕葉生德恆

慣作江南客名園遇轉慳橋通三徑路門對六朝山拂  
袖攜紅雨開簾揖翠鬟主人能愛客竟日敞花關  
指點莓苔路扶肩仗小童讓開螺髻碧捧出錦帷紅濕  
翠凝清晝披香納惠風定知春似海領略太匆匆

和杜竹侶

浣遍征衫酒一瓢天涯書劒感飄蕭卅年鴻爪留詩去  
萬里雲山入夢遙南詔跼鳶懷遠道西窗燒燭話良宵  
洪鐘咳唾雙蓬鬢笑對梅花破寂寥

雨坐有感

十里秦淮盪畫船舊遊多在早秋前久穿蠟屐成閒客  
初到金陵最少年余年十七卽應甲午秋試濁酒淋漓澆傀儡名場  
蹀躞感雲煙此來花鳥添詩料小住江南穀雨天

春日偶成效放翁體

自笑馳驅術本疏滿前花鳥愛吾廬酒懷豁比雲閒月  
睡味恬於水養魚偶得新詩教女誦重編舊稿付兒書  
年來最喜吟情健還似春衫策馬初

邗江懷古

幾灣碧玉泛輕舠記不分明廿四橋吟到樊川明月句  
春風齊按紫鸞簫



杏花時節撥銀箏彈出清宮第幾聲樓下紅雲樓外舫  
不須惆悵賦蕪城

吳湘珠

字楚江歲貢生

送五弟之館

別友難爲懷別弟更可知出門一分手各在天一涯天  
寒客衣單解纜長河湄風疾帆不收佇立空移時

甌江孤嶼謁文信國祠

吾鄉有莊名軍師相傳丞相身過之宵行晝伏人不知  
自分轉死無還期路出秦郵遇壯士嵇家兄弟投袂起  
匿公食公隨公行一葦簸蕩洪濤裏風帆如駛達故都  
言忠言奸人人殊孤臣有血瀝無地須臾白雁鳴相呼

卷十一  
傾天柱兮折地軸捐軀誓死圖興復歷盡崎嶇到永嘉  
江波慘慘江風肅慷慨飛渡凌孤嶼田無一成眾無旅  
精衛啣石填海心祖逖擊楫中流語千秋祠廟峙山巔  
玉帶烏紗自昔年興亡遺恨憑誰訴樹樹西風泣杜鵑

孟嘗君祠

驅馬從遺廟蒙籠草樹荒殘紅沈落照新綠倚垂楊下  
客工雞狗強秦自虎狼經營三窟就奇計脅辱王

丙子秋遇古亭弟於金陵出客遊諸集見示並贈  
余五古一篇賦此答之

江南江北早知名吟得新詩水樣清乍遇我時猶忿激  
贈子詩有風雨劉蕡墓忿激草不生之句不如君處是聰明愁中歲月真無



賴客裏鶯花尙有情可惜雄才堪絕世孤舟匹馬送浮  
生

### 黃鶴樓

黃鶴樓高控武昌憑軒四望水茫茫舟行一葦凌鰲背  
木落千峯度雁行公子才華丹鳳羽仙人遊戲白雲鄉  
興來不必乘風去欲學吹簫醉岳陽

### 雜詩

春山鷓鴣斑春江鴨頭綠蘇小結同心西陵指松柏

劉台斗

字建臨嘉慶己未進士工部額外主事以効  
力南河授江西瑞州府銅鼓營同知未上卒

邗上送諸兄弟北歸昔年此日別汪君容甫於此  
一片離人月年年此渡頭秋風隨過客落葉上行舟別

夢憐今夕歧途感舊遊生憎那上水不向故鄉流

小孤山

半壁挂江天盤空一徑懸潮迴巴峽水青劃楚江煙宿  
鳥寒依渚漁人夜泊船雲鬟低遠岫縹緲大孤連

送友人赴榆關便道入都

無邊落木下滹沱有客蕭條匹馬過萬里風塵惟短褐  
百年身世且高歌孤城曉角行人少古渡寒煙落日多  
聞道金臺方市駿故人前路豈蹉跎

楚江秋興

潦盡寒潭江水清楚天寥落不勝情禰衡何事依黃祖  
賈誼無端弔屈平萬古悲秋惟此地百年佳日幾新晴



也知羲馭亭亭可猶倚蒲帆問去程

和吳司馬琵琶亭之作

吳時去官留楚過九江感賦

一彈清怨楚江頭到此徒增旅客愁自是天涯有淪落  
非關人事易煩憂青山白髮三年淚楓葉蘆花兩岸秋  
蕭瑟何堪舊司馬月明孤艇泊江州

寄內

新鶯選樹衝花過舊燕尋泥帶雨啣莫向東風問春色  
門前垂柳似征衫

宵柝朝鐘取次催重簾銀葉冷香煤歸期不是春三月  
莫信燈花報客回

劉彥矩

字稚常嘉慶己巳進士官國子監博士

歸樵

朝出採山薪暮歸轉山脊山迴路更幽春去草猶碧衣  
敝不禁風鞋軟怯穿石歸步故遲遲佇看江月白

陳景藩

字少樓廩貢生歷署江浦碭山訓導著有槐  
蔭山房詩

齒痛

頻年齒動搖妨食食不旨有時痛徹心直欲去其齒何  
忍骨肉離不離痛不止止痛豈無方古人戒傷毀

遣興

碌碌不知休風霜已白頭一官羈老病萬感赴離愁燕  
雀時相見齋鹽只自謀苦吟詩興動新月上南樓

寄簡錢尉崙南



祿仕賢豪隱抱關錦衣何似綵衣斑世承道骨仙風後  
家在廉泉讓水閒雲出不孤容易合鳥飛未倦已知還  
何當再會平原飲尊酒歌呼上鳳山

次歐陽守齋韻

醉翁遺韻在揚州華胄翩翩遇道周尊酒共邀明月夜  
布帆輕挂大江秋九霄覓路雲生足四海論交雪滿頭  
白下三旬頻話舊幾人堪許共車裘

劉玉麒

字仲昭諸生

村中梅花

已從歲酒杯中見又向江樓笛裏聞寂寞柴門殘雪路  
寒香遮斷一谿雲

喬鼇

字海峯舉人仙伊長子

梅

合與孤山處士親生來標格絕風塵已知前世無君骨  
只願梅花作後身

喬

熊

字文載仙伊三子

無題

愁多祇覺心無著瘦極翻疑骨屢增夢裏尋歡復傷別  
曉來淚枕已成冰

喬

騏

字德良仙伊四子乾隆戊申舉人

書齋新秋

冷雨中宵直到明曉來孤館倍淒清蕭蕭乍聽庭前樹



一著秋風便有聲

劉羣集

字伯邕號商樵廩生

山行卽事

幽花不識名空只芳心吐誰知山上雲化作前村雨

宿攝山幽居蘭若

明月銜半峯斜光入林屋秋雲不出山爲傍幽人宿

劉芝集

字仲皓郡增生著有綺里詩草

子規曲

子規啼子規血血染枝紅啼不歇歇時休更啼更啼腸  
斷絕妾腸斷絕何足云莫使關山獨客聞

村店

萬卉變春色一村繞綠繁路迂花礙屐人靜竹敲門頓  
覺塵氛豁唯聞鳥雀喧詩成山色晚新月破煙痕

牧人

遠水漁村樹幾行好風吹送柳花香一聲長笛不知處  
十里青山空夕陽

方文炳

字蔚峯號活村廩貢生著有沁香詩詞

金牛城故址

宋熙甯開建

舍北遠人村纍纍多荒阡云是古城址睥睨夷爲田往  
往積雨餘犁鋤出甃磚款識漸漫漶彷彿熙甯年擬昔  
築城時屹若金墉堅三版矗崇峻百雉遠袤延詎知傾  
圯時牛羊升其顛榛荆蔽隴坂颺颺啼且奔廢興固有



極疇能定變遷流覽怛無侶氣結不可宣爲君歌此詩  
如聽雍門言

冬除獨酌成醉檢秋浦去年贈詩感賦寄懷

明月照清景羅戶樹櫺櫺天空萬籟悠悲風來颼颼遙  
夕不能寐起坐持寒醪茫茫百感集俛仰心爲勞少昔  
鼓篋時逸志浮雲高三冬足文史卓犖揮柔毫深鄙章  
句懦擊劒習龍韜所思攜好仇結束事弓刀乘傳略邛  
笮驅馬窺河洮涼秋八九月射獵馳晴皋鳴鏑翔禽墮  
接矢奔狐嗥笳鼓競前列急絃何嘈嘈更愛山澤遊邱  
壑恣嬉敖西辭華岳峯東觀大海濤手中百尺綸截流  
釣鯨鼇胡爲久於邑坐令日月悄陋巷寡輪鞅寂歷多

蓬蒿涸陰屆寒節南雁聲哀嗷田家工作苦篝火宵索  
綯寤言莫予應思君正鬱陶引觴讀君詩終篇憂忉忉  
顧已縱放曠與世銷訾警所期在長厚所戒唯喧囂投  
我真瓊琚豈僅云木桃卽今日長至相思首徒搔安得  
乘風翼與子共翔翺

兒衣行

聞誦近人詩有云脫兒身上衣供兒口中食余  
爲憮然惜通首不稱用其語作兒衣行

脫兒身上衣易兒口中食兒飽啼暫止兒寒啼益劇噉  
兒慎勿啼飢寒有緩急腹中鬱律車輪轉仰面看天瞪  
雙眼拔劍出門計不回反復顧兒行又緩百年終化溝



壑塵須臾忍死猶爲人撫兒姁嫗作誑語明日著衣看  
迎神

胡孟暘庭中老梅盛開同人小集獨未見招長歌  
柬之

前年雪後梅花時主人召客傾酒卮入門四顧叫奇絕  
玉龍拏攫鱗之而冷韻到眼砭肌骨寒香撲面清心脾  
是時天霽黑無月照以五色鐙玻瓈老梅精神晚逾出  
花光燈影搖參差酒酣耳熱發高唱余亦擁鼻吟嗚呼  
學步殊失壽陵子捧心奚異東家施人間煙火那可食  
恐增唐突貽嘲嗤別來清景若疇昔忽忽兩度東風吹  
今年獻歲好天氣欲雪不雪冰流澌藐姑射神定好在

已舒鐵幹迴春姿側聞諸子興不淺  
竭來花下撚吟髭  
陰何沈謝競標格梅花賓客皆吾師  
賤子塵盞走俗狀  
寢寐但爲梅嗟咨南皮高會未得與  
東閣勝賞無由窺  
有如遷客夢初覺參橫月落心然疑  
非梅負我我負之  
作歌報與梅花知

晚眺

林薄有佳色曠望晚逾幽  
木落夕陽動雲歸山氣浮  
征鴻飛極浦別鶴下滄洲  
爲問悲秋客胡爲獨滯留

寒夜

寒更何太永罷酒不成眠  
簾重霜無影庭空月有煙  
遠愁醒後集虛籟靜中傳  
自起吹爐火松枝煮夜泉



九日

端憂忘節序此日又重陽  
白酒難成醉黃花仍有香  
魚龍喧暮夜鴻雁怯風霜  
不忍登高去空村接混茫

秋暮

小閣坐成暮捲簾涼氣通  
美人怨遙夜清瑟起房櫳  
微雨碧苔迹秋風青桂叢  
由來蕭槭意併在月明中

春雨用義山韻

又向風前試袷衣一春惆悵  
兩情違寒鐙照雨客初散  
芳草連天人未歸馬踏官城  
楊柳暗鶯啼野店杏花稀  
劉郎緘札煩青鳥咫尺蓬山  
不肯飛

一樹

一樹桃花三尺墳斷腸人過夕陽村畫羅枉認春風影  
玉帳誰招月夜魂滄海難填情不竭異香從冷夢猶溫  
可憐韓重歸來日蛺蝶雙雙護墓門

雜感

鑄錯焉能聚六州濁醪無力畔牢愁川途跋涉書三篋  
風雨伊唔火一篝遭遇難期生馬角功名豈望爛羊頭  
擬教貢禹彈冠去誰信長貧戶牖侯

年少休歌行路難騰騰妖夢出邯鄲由來蠻觸無多地  
不道彭殤有異觀屠狗賣漿人易老呼鷹挾瑟酒生寒  
悔教拭涕干時好芋火蒲龕失懶殘

丹臺舊籍隸東華淪落人閒莽自嗟幾向天池垂鍛羽



虛傳滄海接靈槎  
素書盡倚餘杭酒  
大藥難尋句漏砂  
聞道神仙足官府  
我甘頑鈍飽胡麻

坡老聰明悞此生  
緇吟苦語淚縱橫  
常因躍冶先遭棄  
復以能鳴得免烹  
憂患傷人緣識字  
文章憎命枉求名  
白衣蒼狗須臾事  
遮莫彈碁局不平

餘生風木永啣悲  
泣血椎心不自持  
有子竟無三釜養  
傳家惟守一經遺  
丁年落魄松楸瘁  
丙舍荒涼草露滋  
月黑燈青人慟絕  
蓼莪詩續脊令詩

海內瑤華鎮寂寥  
敢嗟蹤跡溷漁樵  
犧樽不惜溝中斷  
鳳軫將成爨下焦  
燕市風高逢擊筑  
吳門日落聽吹簫  
碧雲暮合愁何限  
擬起湘纍賦大招

雨夜不寐和喬止巢韻

豕渡明河絡角斜  
破窗風雨又交加  
愁中砌響聞蟲語  
夢裏野香吹稻花  
已分魚龍隄作穴  
劇憐鳬雁水爲家  
衰翁永夜眠難熟  
不是悲秋感鬢華

茱萸灣

乘夜挂帆行  
侵曉風乍歇  
何處廣陵城  
鐘聲落殘月

第五泉

澄泓蕭瑟翳煙蘿  
應少塵氛到礪阿  
一自標名稱第五  
管絃驚散白雲多

江上絕句

白沙江上棹夷猶  
欲采蘋花不奈愁  
日暮離情滿揚子



淡煙微雨作新秋

莫愁湖棹歌

湖上春波漾落花  
湖邊楊柳漸藏鴉  
阿儂自有銷愁曲  
不道盧家勝妾家

榆莢粥

桃花米粥和餳冷  
榆葉羹調伴酪香  
終是山家清味好  
別翻新樣勝菰梁

社酒初闌欲禁煙  
盈匙抄出沈郎錢  
玉堂聞有防風賜  
尙憶齏鹽佐讀年

曾見仙家種樹還  
白榆飛莢滿春山  
不須更覓青精飯  
但啜雙弓可駐顏

應客何妨盡作糜陽城香屑亦堪炊澗芹初嫩蕤絲滑  
莫使盤餐下箸遲

寄劉秋浦胡又泉

載酒題襟十載情鶯花相對可憐生從君漫畫旗亭壁  
楊柳春風唱渭城

玉驄影拂柳珍珍卻憶尋芳過碧潭愁聽吳娘舊時曲  
蕭蕭風雨滿江南

雨中口號

青林杳靄聽啼鴉野水平橋浸綠蕪記得年時送行句  
江南風雨落花初



白田風雅卷之十九

朱傳芳

字補梅諸生

咏翦秋羅

瑟瑟輕颿薄薄衿秋花寓目便耽吟  
深憐擘緒憑端綺誰爲牽絲引繡鍼  
雲錦裁成如有意春風吹處卻無心  
投時官樣隨年改我亦紉蘭感不禁

偶題

一庭風雨送輕寒花落閒階濕未乾  
春思不堪聞折柳何人吹笛倚闌干

吳文奎

字環紫嘉慶辛酉舉人取膳錄當得官卒於京邸

鄉夢

鄉夢輕千里離懷又一年梅花是知己消息與誰傳木  
葉下流水白雲吹滿天故人不可見搔首曉風前

天竹

擎出名園碧玉竿離離無復雪霜寒一攢火齊勻堪數  
七尺珊瑚得未難院靜時聞乾鵲噪春深疑有鳳凰餐  
此君也解相思意權當江南紅豆看

木蘭寺

火雲密布雨如絲古寺蕭蕭客到遲重拂碧紗籠裏句  
一聲鐘正午餐時

吳明健

字仲威號野樵

喜環紫叔炳如兄古亭弟至



帶月叩柴門門前野水渾匆匆拂塵土草草具壺尊夜  
永燈重翦天寒酒更溫殷勤話疇昔尙覺古風存

村居

魚網家家挂綠楊一篙新水夜鳴榔行人欲問春深淺  
但看菜花黃不黃  
茆檐日日有鶯啼飯後牽牛上柳隄閒向綠陰深處坐  
笛聲吹過板橋西

吳樹本

字建中居邑之豐樂莊

山居漫興

偶移家具枕山根樹抱茅亭水抱村秋意撩人三弄笛  
春光賺我一開門堦前草有金鉤樣石上苔多屐齒痕

閒步江頭覓詩句興酣落筆對窪樽

漁家

半篙秋水夕陽天釣得鱸魚不賣錢一曲高歌一尊酒  
移舟穩臥荻蘆邊

王閏生

字鐵名國子生

客中

長作天涯客臨風思不禁關河千里夢明月萬家砧紅  
燭書燈短秋江夜雨深茫茫三十載憐我誤塵襟

送沈巽之四兄歸眞州

北風吹朔雁客子促歸期永夕難言別相思各路歧淒  
涼同榻雨飄泊一燈詩別酒須頻飲前途少故知



送沈甫存歸武林

渭城朝雨送歸舟  
浦柳如人別  
晚秋歲月遷  
流三峽水  
人生天地一閒鷗  
何時荆蓋重  
攜手滿目風塵獨倚樓  
悵望梅花三十樹  
夜深和夢到杭州

簪社湖櫂歌

漁舟逐水愛東風  
綠笠青簑朝暮逢  
一聲欸乃不知處  
三十六湖煙雨中

秦淮

六代繁華久寂寥  
秦淮春色總魂銷  
祇餘暮雨吳娘曲  
猶帶離聲送晚潮

劉寶篆

字雲書

近月樓暮春卽事二首

我欲留春春已歸  
芭蕉葉大柳條肥  
雕梁社燕將雛出  
學得淩風何處飛

昨日酴醾花盡吐  
惜花蝴蝶紛紛舞  
捲簾悄立倚東風  
夕陽幾點澆花雨

劉源岷

字巨原  
端臨先生  
長子年十七而夭  
箸有七略齋詩

采蓮曲

采蓮復采蓮  
五月西湖邊  
蓮花何濯濯  
蓮葉何田田  
湖中采蓮女  
日棹木蘭船  
低頭折蓮花  
梗斷絲復牽  
嗟彼葉上露  
湛湛輕且圓  
人生不如蓮  
絲梗情纏綿  
人生不如露  
與葉相周旋  
掩袂一長歎  
清淚滴涓涓



秋夜長

秋夜長飛寒霜闌干北斗何時曙耿耿星河夜氣涼鄰  
家女兒擣白練聲聲淒切生幽怨蟲吟四壁初三更中  
庭寂兮杳無人銅壺漏箭聲東丁秋夜長月色黃

甘露寺

江寺倚高巖蒼然帶綠杉爐煙成寶篆花露濕春衫霽  
日千家樹東風萬里帆莫愁歸去晚殘照尙西銜

薄寒

薄寒風料峭竟日雨廉纖深院無人到春風自捲簾

春草

半屈金鉤半染泥小窗新雨色萋萋連朝春夢無消息

綠滿天涯路亦迷

胡臻禧

字熙民號再亭芟莊孫諸生

金陵懷古

東南王氣何時絕  
龍蟠虎踞開宮闕  
對酒曾無院裏人  
舉頭但問天邊月  
物換星移幾度秋  
六朝金粉賸歌樓  
淒淒一帶秦淮水  
不住門前嗚咽流

送朱又汾二首

對酒燈常翦  
分題夜向闌  
如何君欲別  
風雪滿河干  
雁影隨鞭冷  
雞聲逐馬寒  
左芬年尙小  
知否問爺安  
何日重攜手  
相思此後長  
才華君落落  
面目我蒼蒼  
客路愁千里  
歸心米一囊  
春暉含寸草  
回首望高堂



宿郭惠卿書齋晚眺

鼓櫂來幽境，囂塵寂不聞。  
遠山吞落日，孤樹挂殘雲。  
極目窮千里，餘陰惜一分。  
挑燈重話舊，相對酒微醺。

贈吳古亭二首

二十年前事，回頭一笑過。  
才深君似海，命薄我如羅。  
未必終騰達，安知定折磨。  
大家齊努力，且耐此蹉跎。

用拙存吾道，安貧當運通。  
心非原伯魯，學愧賈黃中。  
兀坐連宵月，愁聽在曉鴻。  
時五弟慘傷白駒看已過，搔首與君同。

同

同人燕劉子桢山小樓

月色涼如水，挑燈話共長。  
年來愁病集，近日笑詩狂。  
座

有蘭言客瓶餘菊味香主人本高臥百尺表行藏

夏夜懷吳古亭金陵

故人小別已旬日客路奔波味盡嘗六代煙雲來畫舫  
一時風景入詩囊秦淮舊有青樓夢鍾阜新招白羽涼  
話到桃根並桃葉遙知酣飲醉匡床

懷楊蓼村

知交落落似晨星況我衰年老病侵半掩柴門勞望眼  
一灣流水訴離心隔湖風物憑君賞倚檻花光懶自尋  
惆悵笑言春夢裏醒來殘月夜沈沈

喬芬

字穎仲增生

溪上



雨止吟蟬寂波靜游鱗喜微風送香來不辨花與水花  
深人采蓮一櫂煙波裏聞歌不見人行行擻芳芷

送大兄之邵伯

停杯忽不御悵然生暮愁高堂一樽酒爲君少淹留落  
日念將別相看淚如雨孤帆挂夕陽送君下南浦送君  
不能語思君無已時亦知非久別不覺心懷悲揮手從  
此辭望望孤舟遠馳情渺無端獨立沙洲晚

古意

與君爲新昏恩愛兩不疑中道棄我去乃在天一涯昔  
日長相見今日長相思相思不可已相見終無期君心  
諒難忘妾心矢不移陽春二三月百卉吐芳滋朝見綴

芳樹暮見辭故枝感此摧中腸淚下如縷縻盛年恐不  
再獨坐理瑤絲

寄陸小巖

春風來幾日處處碧靡蕪海國一爲別前期悵已徂愁  
隨芳草長夢與落花孤言念同袍者相思空鬱紆  
幽居春事好聞道俗塵疏深院鳥啼曙杜門人著書風  
情知未減眠食近何如不惜瓊瑤贈雲箋一起予

曉行

曉風沈戍鼓荒徑亂吟蛩不辨前村路遙聞古寺鐘夢  
隨雞唱斷霜印馬蹄濃回首曾來處寒煙又幾重

海陵舟中



木葉千村落風霜兩鬢秋  
暝煙生遠水涼月澹孤舟  
裝篋惟遊草添衣有敝裘  
篷窗一徙倚酒罷看吳鉤

月夜懷王古三

涼雁一聲遠離思忽渺然  
美人不可見明月幾回圓  
落葉下空砌閒庭生綠煙  
無緣慰今夕悵觸晚風前

春晚有懷

一徑露華白出門殘月斜  
鳥聲非選樹蝶夢不離花  
乍暝風團絮新晴日印紗  
所思不可見芳草渺天涯

栖霞曉發

殘月忽墮水曉霜微上衣  
渡頭征鐸語峯頂宿雲飛  
驢背續殘夢雞聲催曙輝  
人家山色裏猶自掩柴扉

憶舊

蟲聲如雨掩柴門翠箔低垂竹裏軒千葉暮雲澄碧宇  
一鉤新月澹黃昏樽前殘燭調歌管衣上餘香黦酒痕  
往事尋思倍惆悵壓欄花氣暗銷魂

采蓮曲

十里長隄灣復灣缺瓜艇子碧彎環不愛蓮花愛蓮葉  
大家船住綠雲間

席上作

窄袖蠻韉劇可憐當筵一曲串珠圓青衫客淚知多少  
不聽琵琶也黯然

舟中夜雨



綠陰深處泊蘭橈銀燭清尊破寂寥酒醒三更鄉夢杳  
臥聽篷背雨瀟瀟

房

崇

字荔園郡增生

月夜泛谿歸

夕陽暝前川一溪月光碎艣搖鳬雁驚帆轉菰蒲礙蟹  
火互明滅漁莊失向背朦朧煙樹閒遙遙羣犬吠

送陶鞠莊

蒹葭何蒼蒼芙蓉露已霜相將發蘭槳攜手上河梁我  
心歷以亂我思悠且長臨歧設尊俎呼童烹羔羊丈夫  
莫兒女爲君行一觴處則泥滓蟠達則雲龍翔金石苟  
同契貴賤毋時忘何況聚與散躑躅胡感傷春風棹容

與來升君子堂飲我尊中酒壽母歌康彊勉哉崇令德  
一水時相望

登鬱洲山

清晨入古寺杖策上雲臺日色千峯亂風聲萬馬來危  
樓當澗壑殘碣半莓苔絕頂東南望扶桑海一杯

葉士珍

原籍山陽居邑之豐樂莊遂爲縣人九歲能  
詩年十六忽自縊

早起

曉來不能寐披衣出簾櫳晨光淡明月白露曖在空荷  
沼餘遠香溪閣生微風偶來契妙旨頓使意無窮人語  
隔林起日上溪橋東

擬張文昌送遠曲



離筵置酒花簇簇怕唱陽關折柳曲一杯且共故人持  
明日隨車祇童僕短亭車馬長亭路勸君痛飲留君住  
北風動地關山寒落葉蕭蕭君不顧

雨過

雨過天如洗淒然萬象幽煙沈林杪日雲壓水邊秋沙  
鳥依人立漁帆逐浪浮東皋閒徙倚身世等輕鷗

采蓮曲

儂識蓮心苦郎道蓮肉甘鴛鴦浮綠水雙夢到江南

張永升

春日遊焦山和陳滄洲先生

青林到處滿曉閣愛松寥

程子孟陽讀書處

程子留書卷高僧挂

酒瓢花開依壁洞風起響江潮觸景添詩思憑欄佇石橋

曉山過小院松色漢時青驚見周王鼎欣摩瘞鶴銘寶光留古刹煙氣接蒼冥蘭若茶初熟僧閒話短亭

張德號春溪

過縱櫂園

流水柴門曙色分巉巖敲石落紛紛嫩篁出土機如弩老樹蟠天勢作雲簾捲燕翻無字語風吹波動有情紋晚來月上梧桐影更喜漁歌處處聞

陶失名

迎春曲



門外東風嫋嫋吹簾前細雨絲絲垂閉門枯坐愁無那  
可憐兀兀青氊破問道時光今幾何人言春色園中多  
枝頭忽聞鳩婦哭綠柳含煙倚茅屋瞬息韶華不再來  
人生何事空徘徊天涯浪迹有情素九十春光莫虛度  
爲歌一曲迎芳春千紅萬紫春來路

失名

環溪卽事

鬢與秋雲禿心將野鶴閒常攜一尊酒獨坐看雲山

失名

落葉聲

枝頭落涼吹槭槭起幽音自有悲秋意況兼辭樹心空

山人未到古寺雨初沈惆悵寒郊外淒其滿碧岑

失名

春柳

夢回芳草隄邊路影落斜陽渡口亭知爾慣經離別苦  
莫教身後化浮萍

失名

賣菜行

有序

眞州宗人某少饒於財中年隨手散盡乃闢城  
東舊圃爲菜畦日鬻一石於市易米以歸素所  
與遊絕不一顧亦不輕與人語噫可謂能處約  
矣作詩記之



眞州東城水一曲三十品蔬盈畝綠頽然一老自辛勤  
木杓長鑱生計足此翁年少有聲名裘馬翩翩意氣橫  
樗蒲百萬須臾盡推解千金一旦傾運去時移多變態  
自荷筠籠市中賣有人求益亦無嫌任呼作傭不爲怪  
可憐淪落舊生涯往事回頭一歎嗟自昔灌園思仲子  
只今青菜屬劉家蓬頭椎髻偕妻子冷雨酸風茅屋底  
三旬九食亦尋常昏夜乞憐良可恥物因人重物不知  
春風詞賦憶當時天隨杞菊曾爲賦杜老蒿芎亦有詩  
頗知此老貧能樂仰不愧天俯不忤朝來鬪菜向田間  
蝴蝶紛紛過籬落

失名

淚

闌干寂寞鎖雙眉粉黛千行怨阿誰錦字開時憐欲墮  
文鴛織罷見初垂波凝秋水芳容溼雨點梨花別恨滋  
一滴好成珠一顆爲郎留記遠離期

失名

寄喬儀上吳中

十里山塘碧漲遙渡頭人喚木蘭橈江南二月春如水  
搖過紅欄四百橋

破楚門東春鳥啼殘碑斷碣草萋萋留詩先酹要離冢  
莫向眞娘墓上題




Handwritten text, possibly a signature or title, in a cursive script. The text is faint and difficult to decipher, but appears to be written in ink on aged paper.











白田風雅卷四











三  
山  
金  
山  
金  
山

金  
山  
金  
山

金  
山  
金  
山

金  
山  
金  
山

金  
山  
金  
山

金  
山  
金  
山

金  
山  
金  
山

金  
山  
金  
山

金  
山  
金  
山

金  
山  
金  
山








PL  
2537  
.C8  
v.44  
白田風雅卷之二十

朱克簡

先高祖字澹子號石崖順治丁亥進士雲南道監察御史後學劉寶楠填諱



過大庾嶺

歷盡長江險星輶又過山千盤迴鳥道百折下松關禽  
語翻天籟花姿點石斑殘碑猶可讀古意未全刪

比干墓碑

封墓周之德遺碑尙儼然黍離悲亳社樵采識先賢碧  
血依芳草青山叫杜鵑寥寥六字碣不假志銘傳

遊廬山開先寺同黎郡丞杜別駕

古寺依名勝蒼茫曲徑通橋流千澗雨樹響萬山風詞  
客敲詩細山僧說法空行行日已暮馬首各西東

連窩驛病中有感

一帶東流水行行過幾灣  
病餘諸事懶愁積萬緣刪  
隔岸喧旗鼓扁舟自往還  
誰酬五日酒未飲已酡顏

入闈作

廿年磨硯守荆扉此日承  
恩典棘闈五色珠璣供夜  
照三千騏驥騁朝暉  
廣陵人附廬陵鑑南極奎聯北極  
薇但恐素餐慚報稱願偕多士祝  
龍飛

闈中柬分校諸君

抽盡胸中五色毫經營慘淡共燃膏  
才思瀆涌迴三峽  
文采飛騰軼九皋  
幾載雞窗思夢筆一朝雁塔映宮袍  
慚余竊附廬陵鑑敢負諸君午夜勞



季子挂劒臺

千秋劒氣生芳草此日松陰挂薜蘿  
寂寞殘碑遺迹在清流猶自遶山阿

朱克生

字周楨號秋崖著有秋崖詩鈔

感懷

越國有佳人采桑城南陌婉孌麗朝日  
膏沐生光澤頭飾玉鸞釵裙掩金鳳  
鳥珍重保華容臨流自愛惜芳年已  
及笄尋媒猶未得聞道無鹽女齊王  
薦枕席專寵奪椒宮燕趙失容色末  
俗薄朱顏佳人重歎息

學古

驅車上北邙白楊起悲風纍纍塚間人  
莫辨賢與蒙山

前日未落山後歌鐘起朱門甲第高崔巍入雲裏人生  
無百年行樂胡不早白髮苦相侵輒軻空自老

贈魏三冰叔

結念非一日握手在須臾霜雪滿天地稅駕將安如人  
生異麋鹿聚散水中蒲意欲從子遊我馬亦已瘖分袂  
上河梁撫劒兩踟躕天運有盈縮弩力千金軀

登蒙山絕頂

振衣凌絕巘倚石立霞表旁矚羣峯低俯瞰平疇竊眉  
際生煙嵐足底巢猿鳥歷歷青齊路杳杳徐兗道遠與  
岱宗連近望徂徠杪巉巖拱帝闕丹碧勝蓬島上方聞  
鈴鐸下界割昏曉霽色識滄溟水光接浩皛履高風自



雄近夕日微渺地遠禽聲絕歲古碑文少堅冰曲澗凝  
積雪陰崖皎春盡無穠桃夏初見萌草削壁直千尋環  
嶠自重繞身世等浮雲神仙隔縹渺危蘿怯攀緣險阻  
懼傾倒居民畫山川方土辨了了自有天地來幾人縱  
登眺惟傳孔仲尼一視東魯小

晚霽

積霖自朝來微霏至暝歇西嶺露殘霞側照橫宮闕雲  
際辨峰巒溪中鑑毛髮千林葉競翠九衢塵盡滅牛羊  
識歸路鷗鷺點晴雪急溜界波痕蓄澇導溝決旅情釋  
開霽餘光靄雙睫

題劉松年關山踏雪圖

古綃一幅如秋水，縮就秦關幾千里。蒼松老栝參差生，  
長峯峻嶺崔巍起。咫尺同雲布四野，飛飛朔雪乘空下。  
渭川漁父尙橫舟，藍關過客頻驅馬。我恨風塵因北燕，  
壯心愁殺錦鞍韉。片時吹我太華頂，三峯翠色羅尊前。  
驅龍直欲上青天，碧雲笑拍洪厓肩。誰爲畫者劉松年，

見月歌

馬上晨征望月沒，客窗晏坐待月發。春入燕京夏又殘，  
玉蟾五度經圓缺。天涯不見故鄉人，故鄉同見天涯月。  
天涯故鄉思若何，今宵兩地傷離別。

銅釵怨

洛陽大道誰家女，綠雲頭戴金爵釵。光輝不讓玳瑁好，



炫豔還同翡翠佳，恃寵猶嫌不耀。首昭陵玉燕妃，開懷  
君不見貧家女兒藏茅屋，拾得銅釵重如玉。朝來墮井  
沈青泥，攬帶牽裾當戶啼。

宿高沙

西風吹北雁，千里赴南征。旅客殘秋路，深更故國人。  
煙連草碧，漁火雜星明。此夜孟城思蟲聲，兩岸鳴。

西安曉發

驛路杳無盡，征車易畫船。三秋不見雁，十月尙聞蟬。客  
夢青山外，鄉心暮雨前。故園應計日，凝望嶺南天。

夏日晉安卽事

去住渾無定，躊躇發晉安。不經風物異，那識別離難。黃

卷二十一  
葉千林落青山一雨寒歲時芒種後反訝客衣單

初發新河口移泊芋原

久客移歸棹天涯厭鼓鼙潮回疑岸窄野曠覺雲低耳  
倦灘聲急心懸嶺路迷不堪江色暮愁殺芋原西

上巳琅琊道中

昔賢修禊日而我策車時春晚霜仍重崖陰花倍遲蒙  
山迷霧雨沂水漲雲陂空入右軍宅遺蹤見墨池

武城夜泊

野闊人煙暝千村隱夕陽舟帆隨岸曲雁陣帶雲長水  
路川光白霜清木葉黃十年兵火後城邑尙荒涼

遲冰壑



非關常憶汝，舍汝欲誰親。天地餘殘臘，江湖剩幾人。一杯驅歲月，斗室傲冬春。自有千年在，何須歎苦辛。

沈歸愚曰

一氣直下神似少陵

### 送李鏡月楚遊

明月放船好，洞庭秋氣清。霜青麋子國，楓赤鄂王城。六詔烽初靖，三江浪正平。不知歸遠近，少別亦關情。

### 過山家

籬落半殘花，叢篁一徑斜。白團沙岸鷺，青散夕陽鴉。小艇收笭簖，空盆倒蕨芽。隔鄰村酒熟，斟酌坐煙霞。

### 立春後一日冰壑過秋舫

一冬常閉戶，臘盡不知春。乍見池冰解，因驚岸柳新。歲

時窮自變交道老逾真天意留吾輩風塵混酒民

秋日過東皋二首

信步出城郭移情到薜蘿晴雲浮野竹秋水漲寒莎石  
壁銜杯晚松風傍檻多尋幽有真意吾道在煙波  
曲水自成谿平疇落日低千峯迴郭北一塔隔雲西古  
木懸藤瘦叢篁過鳥啼登臨渾不厭結伴好攀躋

雲陽驛

女牆背水夜烏啼估客千帆宿夢溪白露荒村練塘路  
秋風衰草建陵西畫船津鼓吹寒角塞雁江城厭羽旗  
旅客懷人心獨苦金鶯池上夕陽低

靈隱寺



侵曉攀藤到上方萬山迴合樹千章削巖虛翠沾衣濕  
絕壁清流界石長南渡衣冠無宋土西湖樓閣有空王  
飛來峯下冷泉畔危坐蒼崖待夕陽

夏至

一月潭州雨不休客中夏至似深秋煙沈樓閣龍山暝  
水沒沙隄劒浦流鳴雁那傳江北信鷓鴣偏動海南愁  
荒城落日空相憶誰道扁舟可自由

三月三日秋舫作

漫道天涯物候新故園忽忽竟殘春江桃半落多含子  
海燕雙飛不避人灞上仙舟餘碧水洛中歌伎散黃塵  
由來慷慨非今日莫怪臨風淚滿巾

送客遊洞庭湖

濁酒狂傾爲爾歌  
岳陽南去欲如何  
路連巴蜀愁戎馬  
勢控荆襄撼巨波  
煙際青峯疑地窄  
鏡中明月覺天多  
軒轅臺下虞妃廟  
往事蒼涼向薜蘿

城上

城上晴雲帶晚霞  
高秋風起薊門沙  
啼鳥密樹炊煙合  
獵騎平原落日斜  
八月鄉心驚白雁  
三年客裏負黃花  
葡萄酒熟湖鰲壯  
那得愁人不憶家

寄題張虞山草堂

石板橋西一草堂  
布衣頭白老繩牀  
六朝古渡空流水  
三楚孤城帶夕陽  
昔別瓊州經歲月  
今逢燕市總悲涼



揭來把卷蓬門下風靜寒塘杜若香

聽雨

玉露寒砧起鳳城城頭畫角夜徵兵不堪千里還鄉夢  
獨坐三更聽雨聲吳苑驚看秦上將燕門愁殺魯諸生  
天涯何處漁舟穩望裏桃源別有情

送陳子壽遊河南

匹馬遊梁出帝鄉故人尊酒折垂楊那堪旅舍逢離別  
正值家園作戰場汴水月明沙雁過薊門霜動夜砧涼  
傷心去住同搖落不獨悲秋淚滿裳

贈西樵國博兼憶貽上司李

岱嶽天門高出雲瑯琊兄弟更超羣元亨載酒客常滿

白晝論詩日易曛才子新來秦博士法曹惜別晉參軍  
池塘草色應多夢春到邗江定憶君

長安道

我說長安愁人望長安笑白盡少年頭總是長安道

梅花書屋

一月掩柴門草深人徑滅不知花落盡戶外堆殘雪

鶴柴

松風聲瑟瑟孤亭當落日獨往看南山不知鶴飛出

東城坳

結廬近北城卻居東城下日落月明時山中不知夜

明如曲贈石臞



莫怨飄零出建章  
人間千載說王嬙  
長門多少如花女  
團扇西風淚萬行

春閨怨

春柳毵毵春鳥啼  
翠樓凝望夕陽低  
門前草合無行跡  
不恨蕭郎恨馬蹄

初秋過白馬湖

長湖秋色在漁家  
門掩垂楊帶落霞  
不識西風來幾日  
吹殘十里白蓮花

江行

江頭水漲沒沙隄  
十幅江帆落日低  
細雨寒潮人不見  
兩山叢竹鷓鴣啼

秋舫雨

荻苗水漲木奴黃敗葉乘風下夕陽亂竹孤峯聽雨坐  
秋心一片在瀟湘

夜

孤燈茅屋影婆娑滿郭西風叫鸛鵝一樹芭蕉千箇竹  
今宵聽得雨聲多

懷常熟顧僧虔

九月南還江水邊江頭微雨下琴川月明記得楓橋路  
一別鐘聲十五年

遇李鏡月懷施愚山

故人相遇在邗關南望雙溪客未還江北江南多少路



心隨明月敬亭山

朱宣

初名克宣字元膺著有運甓集

冬日雜詩

山寒夕氣佳明晦自天道歸雲綴遙岑脫木雜飛瀑隕  
然白日下莽莽終風暴旅雁紛南翔飢鳥亦羣噪人生  
匪金石時異各有好塞堙感泥蟠前途溢廣潦吾非屏  
思慮積憂量誰告

菖蒲引

菖蒲拔拓西窗深爛斑碎石盤孤根玉蕊雪花何時琢  
春蕘秋菼雙南金嵩高真人駐顏色丹桂黃精棄不食  
幾怯蟪蛄日夕鳴清音橫激明霞直模糊醉眼翻紫茸

蒼梧踏遍鞭飛龍何當掉臂凌雲去安期羨門欣相從

叵測

叵測蒼黃夜孤篷火半紅深心蟲蓼苦殘夢蜃樓空楓  
鬼傳訛語家人擊敗銅平生起舞意水鳥任掀風

嘲燕

聞語驚新燕開簾待汝歸祇因飄泊久忍向柳塘飛

偶題

小閣鉤簾坐夕暉數聲嘯鳥落花稀門前舊竹供題句

買斷白雲山外飛

朱

約

字原博康熙壬子副榜官直隸晉州知州著有環谿集

野望



東臯青不斷，荇藻接魚灣。村柳連高下，溪舟自往還。參差沙上鷺，隱見雨中山。登眺情何極，飄然雲水閒。

晚次武城

一片落霞明，孤帆泊武城。飛沙迷石路，密樹隱鐘聲。坐久月初出，夜來涼欲生。隔溪歌水調，婉轉和秦箏。

渡黃河

風雨滿黃河，千帆銜尾過。驚濤飛白雪，曲岸轉盤渦。客路娛情少，歸鴻結侶多。扣舷無限意，搔首竟如何。

江上聞鴈

連歲山城裏，常愁虎豹驚。今朝江岸過，忽聽旅鴻鳴。投渚依羣宿，排空結伴行。稻梁非所願，相顧一含情。

登趙北口文昌閣

偶來登傑閣四望水無垠  
大道車聲逕遙天海氣昏輕  
帆穿敗荻夕影抱荒村更聽秋砧動遊人暗淚痕

春日郊行值雨

駐馬山頭望雲深隱費城溪流因石曲野樹借風鳴村  
犬迎人吠春犁帶雨耕乘時須努力相與樂昇平

常山縣

玉山行盡又常山一帶林巒煙靄閒數載浮沈虛歲月  
幾番愁苦老容顏地連吳會千峯隔水下錢塘一葉閒  
高挂布帆溪水上耳邊又復聽潺潺

晉州重陽作



十載他鄉隔故鄉恆山今日又重陽事多拂意輕佳節  
景近衰年倦羽觴客裏只看雲影碧籬邊那有菊花黃  
朱旛熊軾方彌月歸夢時時璧社傍

丁亥除夕值雨峯僑寄晉陽有作

時已引疾

燕山除夜曾聯榻轉瞬流光已十年鬚鬢漸添新白雪  
勲名惟守舊青氊曠懷固是耽泉石佳節何妨奏管絃  
椒酒一杯歌一曲天涯兄弟且陶然

對月

淒清茅屋暫停驂旅食村醪總不堪惟有一庭明月滿  
清光猶似在江南

江上聞鐘

卷二十一  
竹木陰陰綠蔭重夕曛返照抱高峯舟行一帶人煙少  
江上遙聞何寺鐘

登一杯亭望靈山七十二峯

維舟獨上一杯亭石路層層綠水汀一片山光遙入座  
排空七十二峯青

朱

紀

字右紳著有笏齋詩

題燕堂六弟浮香亭

浮香亭子枕雙流四面窗開一葉舟宛似范寬圖畫裏  
繡簾紅燭錦江游

朱

績

字紹亭克生子諸生著有滄嵐稿

上巳



積雨春分後新晴上巳天梅香還戀蕊柳色漸含煙淺  
水平沙岸荒山剩稻田看來農事起把酒望逢年

朱

纘字繼武克生次子康熙壬午舉人著有舫齋集

千松觀

環城玉嵯峨蜿蜒不一狀蓮臺聳奇特傑觀層巒上龍  
鱗夾道周千峯爭背向峭壁插深淵亂石浮細浪捫蘿  
涉險巖芒屨資拄杖參差綠盈疇天風散塵埃洞門鑿  
何年歲久泥沙障錯認江南山極目送幽曠僻徑居民  
稀永日照樵唱安得乘舩艫中流自搖颺回首白雲封  
策馬轉惆悵

朱

經先曾祖字敘九號恭亭歲貢生著有燕堂詩鈔充東集陸車集狎鷗亭詩外曾孫喬德

寡言

隴山多飛鳥翱翔適其生鸚鵡誇能言樊籠苦拘縈鐘鼓樹太常考伐聲鉤鏗不叩而自鳴羣謂之妖聲吉人以行重躁人以舌輕緬懷磨兜鞬守口心忤忤

宿張秀才村居

避熱屢停車入門先繫馬竹樹影交加俯出青松下仄徑頗紆徐小卉亦幽雅郊居世事遠几榻塵埃寡主人欣留賓微月映杯罍隔林長風來披襟意瀟灑

弔蔡邕墓

墓在費縣西北  
楊謝邨道側

赤符值末造綱紀紛陵遲郿塢臍未然太阿先倒持伯



嗒亦人豪附卓誠何爲毋乃三接恩感彼國士知身旣  
嬰戮辱名爲百世嗤漢史稿貯腹彤管誰爲追我來弔  
荒塚咄嗟難置辭所宜王司徒惜才宜閔斯不見曹孟  
德千金贖文姬

歲暮寄大兄費縣

別兄凡幾時弗獲酒杯共南北兩睽違春秋五季仲憶  
昔歲丁丑觸熱親鞍韉我時拏舟旋但以目相送里居  
苦寂寥樛散謝時用襟抱常不開遇筆偶把弄昨歲臨  
宋涇翦茅覆修棟顏亭曰狎鷗清幽頗殊眾今秋造行  
廊寒簷增鳥哢日夕手陳編興來爲朗誦遙睇齊魯郊  
蒼茫雲樹壅每接平安書輒道鄉思重想於齋閣閒定

有西堂夢聞縣小於丸秫酒味屢空程途欲寄將一車  
能幾甕爲茲亦少飲縱顧都未痛惟冀兄作宰化民漸  
寡訟弟於千里餘側聽與人誦空齋涼氣增欲雪先霧  
霽雲端雁幾行嘹唳清音動賦詩聊遣懷硯猶未呵凍  
取雪煎茶獨飲

庭樹聲淅瀝繁音絕塵囂褰帷寒料峭滿目堆瓊瑤遠  
覆松壓頂低垂竹折腰坐對四字寂孤懷窮沈寥呼童  
潔茶具循除取盈瓢石銚漲欲溢獸炭先融銷漸作松  
風鳴頗虧活火燒梅片折青翳碧玉滌宣窯乳花蘭尾  
馥素濤春雲飄幾盞潤詩腸洞豁清三焦恍惚遊廣寒  
清虛時逍遙趣深足幽賞興發起長謠何須覓醺醪塊



磊霄中澆

唐雙忠祠歌

費縣城東二里舊有顏魯公祠碑爲米芾秦觀  
書中祀忠節文忠二公余兄守亭宰是邑以祠  
漸傾圯捐俸修葺而謂邑之士大夫曰二公合  
祀專以魯公名非是乃易其額曰雙忠作詩紀  
之

吁嗟乎有唐倡戰之臣誰最雄首推二顏忠節文忠公  
漁陽烽火起河朔咆哮蹂躪關以東平原潛自賊中奮  
二十四郡多從風常山繼欲斷賊臂賊臂未斷兵填胷  
八月守禦雖未備忠奮直與平原同平原老死蔡州賊

守兄之節成令終二公距今已千載浩氣不滅凌蒼穹  
茲邑作宰吾伯氏披讀史策常欽崇春秋承祭動悽愴  
爲易祠額名雙忠而我亦獲拜階阼碑拂蘚追芳蹤  
吁嗟乎遐思吾鄉臧陳二烈士忠義如一悲何窮

廢碑行

怪鳥墓前啼不歇野人荷鍤朝來掘掘深尺土破石露  
不知何人墓中碣憶初勒此田野閒達官要人記門閥  
隻字聲價重兼金大書深刻譽枯骨幾年風雨交摧傷  
字畫一存九漫滅富人買去磨治新復乞高官書歲月  
月夜過松岡

月色明如晝松陰步履過細風皺白水微露濕青莎地



僻無來躅林深欲放歌鐘聲何處發愁思滿煙蘿

未得程篁墩太守消息喜晤東粵曾生訊及作詩

二首

憶與程君別黃花正晚秋遙知曾作郡經歲忽罹憂無  
信來西粵逢人問廣州從今魚雁杳悵望暮雲稠  
幸有同鄉友來過與細論幾時歸構櫝何地長兒孫瘴  
合蠻天黑雲多海月昏不知荒徼外誰與賦招魂

伏日

三伏炎蒸此日初科頭稍喜小亭虛竹閒煙穗奴烹茗  
架上芸香自曝書隱映紗廚波彷彿清冷湘簟玉何如  
閉門襍穢休相訝性性癖原耽水竹居

晚村卽景

遠渚明霞映晚扉  
碧空澄霽漸煙霏  
數株老樹歸鴉集  
一帶蘆花候雁飛  
艇賣溪魚來別浦  
林穿樵唱返斜暉  
須臾纖月村頭上  
滿酌芳樽擘蟹肥

題友人新葺小亭

偶然小築絕喧譁  
日夕盤桓便可家  
興發時時相料理  
土山覆土種梅花

和介夫陶園卽事

消夏全憑一樹槐  
槐陰晝合長青苔  
據梧兀坐不知久  
花氣撲簾微雨來



白田風雅卷之二十一

家集

朱澤潢

字天池貢生著有環溪草堂詩

雜述

山上有蒙泉清瑩纔一勺不作江漢觀細流自汨汨我  
愛漱芳潔晨夕供茗酌挹注無盡時終古常自若有源  
固如斯深沈未可度咄嗟溝澮中方盈旋已涸

環溪

我愛山居好翛然遠俗喧方期尋野壑況得臥家園雨  
過苔生徑琴清月到軒會心魚鳥外枯坐欲忘言

齋中卽事

浮名拋卻學安身二十餘年風雨晨一榻琴書常伴我

四時花鳥遞親人無關寵辱何妨懶隨分齋鹽不厭貧  
白石清泉堪把玩不妨常作太平民

朱澤澣

字湘淘號止泉諸生崇祀鄉賢著有朱子聖學考略朱子誨人編三學辨先儒闢佛考陽明晚年定論辨吏治集覽師表集覽合意編止泉文集

### 風車

江南有風車製式該至理八篷周於外心木植於裏篷動心隨之篷靜心亦止其功雖在篷其機心操柢心雖時動靜旋轉只在此制外有嚴防宅中有定體久暫總常居動亦不動耳睹茲風車妙當知主靜矣

朱澤淵

字海冠諸生

秋舫



頻年拋子舍盡日益親思客路三秋晚關河一紙遲夕  
陽山向背落葉樹參差何日團圓宴銜杯進菊卮

朱澤沆

字希李歲貢生候選訓導

再登燕子磯

絲絲細雨送行舟又上危亭續舊遊十里雲迷三洞路  
千帆風挂一江秋形容漸覺霜前老心事誰知菊後愁  
昔日壯懷空自負磯頭點點聚閒鷗

采菱曲

采菱西去雨霏霏雙槳歸同鷓鴣飛遙指前村停泊處  
夕陽深覆釣魚磯

朱之璣

字海若候選州同著有棗花書屋藁

望廬山

一覽匡廬勝江行鎮日閒風輕能送客雲過不遮山古  
刹望明滅高僧時往還水簾千百道幽絕許追攀

晚泊武昌

過盡山城又水城冬來天氣雜陰晴鳳凰臺畔魚燈出  
鸚鵡洲前月色明潮落寒煙迷遠市酒醒殘夢隔歸程  
鄉關迢遞二千里愁聽荒雞半夜鳴

歸次汜水

帆落河干日已斜紅菱上市菊開花二年揮手揚州路  
萬里息肩錦水涯未到故園猶是客忽聞鄉語已還家  
囊空不用謀諸婦沽得鮮魚酒可賒



望九華山

皖江城外俯流湍蘆葉蕭森入耳寒十幅蒲帆千里去  
九華山色暮雲端

樂志堂感舊

一望淒涼景物非寒松枯柳尚依依落花不語空辭樹  
草滿堦前蜨亂飛

朱澤況

字景願國學生著有海音詩略

遊道堂詩話叔祖工畫山水宗仰淨垢老人  
詩不多作五言如窗鳴千澗雨人臥一樓雲  
寒風吹古屋亂木嘯空園七言如萬壑秋聲  
虛館夜一燈蕭寺古人情千家樹色迎秋動  
一片潮聲帶雨來有田負郭更新主無酒留  
賓愧故人皆不愧古作者

哭四兄

幼小遘屯阨嬛嬛難自持念我惟叔兄愛撫費神思於  
時析產業謂我尙無離甘旨必先及疾痛如切肌稍長  
勸之學篝火同書帷別居至於今敦睦無異詞憶歲在  
丁巳喟焉喪我妻我妻不可作遺有六齡兒我出兒失  
恃仍於兄是依飲食兼教誨宛焉我舊時歷歷事如昨  
悠悠年若馳回首紛悵觸悲情當告誰

旃蒙大淵獻繫余四十七慟鬱在中抱偃臥成痛疾五  
藥弗可救醫師愕無術自分泉下人萬事從茲畢驚鴻  
號戶外風威逼虛室叔兄冒寒至對我眞悽戚我有絕  
命詞兄爲我把筆大兒側秉燭小兒侍我膝書成漏二  
鼓披帷含淚出迄今又一紀我反慟兄歿人生信夢幻



前塵黯如漆昨見兄手筆氣咽難再述

閏七夕

茲夕爲何夕憑欄笑女牛翻將會合意添得別離愁夜  
久漸繁露風淒非早秋誰家兒女輩乞巧尙登樓

八月十七夜喬睦州招集棣華樓索賦

秋光還欲滿簾閣夜深看月迴銀河淡風高玉露寒主  
人能不俗吟興豈云闌卽此同名勝何須上翠巒

棲霞牛首  
之勝者

朱

輅

字賓旭附貢生著有敬一堂集

觀田家刈禾

雞鳴田父起亟思刈稻杭然燈各啟戶陽烏明未生婦

子煮藜莧饘粥列豆棚匆匆結伴去愁看雨雲橫竟日  
所穫豐渡頭淺水撐連朝天氣佳場圃築已成風月晚  
林下礧礧村村鳴

再過極樂菴

款扉欣客到爲是故人來初地雲沙護閒房水檻開茶  
瓜頻布列談笑任徘徊芥壁留題在興懷歲序催

朱光進

字宗雒附貢生

遊道堂詩話從父少承家學長受業於王子  
中先生以胡敬齋爲歸粹然有道君子也詩  
不多作錄此以存其人

次喬咸一韻

正逢秋氣轉應恆讀書心細雨抽嘉穗微風透薄衾端



居存道味誦習得心箴何日親承訓挑燈助晚吟

東柯草堂卽事漫成

不羨高齋盼碧虛退藏吾只愛吾廬憑欄恰看南階竹  
隱几時繙東壁書倒屣欣逢詞客過開襟還賴酒人醵  
年來自歎逢時拙好趁春陰學荷鋤

焚香枯坐已忘言除卻尋春卽閉門過眼流光同石火  
營心夙慮總塵根吟成拍案豪猶昔腹飽巡簷樂自存  
人事紛拏無定轍算來爭似布衣尊

蕉鹿何勞夢裏牽三閒容膝亦由天賓朋絕少揚雄宅  
書畫無多米芾船石磴煙蘿迷故徑板橋歌管記當年  
吾生幸得忘機處風景都收入短篇

朱興

字道久增貢生

渡京口

白板青油水驛船  
布帆婀娜破江煙  
吳雲楚樹重重隔  
且喜三山落眼前

宿僧樓憶王大寄門

挹翠軒臨紅雨樓  
竹西亭子晚風幽  
譚禪頌酒茗溪客  
憶別春城十五秋

過白雲寺

吹簾十里杏花風  
溪閣迴橋夕照紅  
纔傍柳陰停畫舫  
神鴉飛落寺門東

朱芾

字斯皇廩生



遊道堂詩話族父生平潦倒以攻冒籍被斥  
獨好爲詩嘗有句云年欣豐稔龐眉動話畢  
滄桑倦眼低又移居云門外常迎題鳳客溪  
邊添得釣魚人長子煊能文未婚卒兩少子  
皆天閼覓其全稿不可得矣

### 寄袁圖南

故人渺何處北望意淒然作宦三千里思君二十年秋  
山猿狄夜春雨鵲鵲天何日同攜手躬耕數頃田

朱宗光

字孟實號鴈橋乾隆乙酉選貢貤贈光祿大夫著有雁橋詩鈔

### 同劉蹤卻步辛舍弟興田登長干寺浮圖

塔勢臨江城巍然摩蒼穹鬱紆盤磴道丹碧耀神宮九  
層凌倒景四面開空濛林巒旣稠疊山郭復玲瓏煙靄  
含臺殿波濤湧雲峯中坐視明霞俛伏睇飛鴻遠近非

一狀陰晴判眾容撫化情用愜賞心眷彌重竭來同懷  
客悠悠忘所從

晚泊江口

江天晚茫茫江水白如練日落寒潮生維舟傍江岸迴  
風吹極浦蒼蒼鳴葭亂漁子返棹歸林叟採樵散遭物  
感我懷客緒浩方亂昨夜鍾山月又向磯頭見

夢王好古

故人永訣去墓草枯以榮昨夜入我夢儼復見平生不  
言已長逝但告將遠行執手重相屬相對淚縱橫驚悲  
忽然悟未絕鳴咽聲殘燈餘寸燄窗外風泠泠輾轉竟  
遙夜惻惻傷中情



孫貞女詩

誰言妾有夫妾身未嫁夫先殂誰言妾無夫妻之父母  
已許夫夫之父母妾舅姑夫雖死舅姑存不事舅姑無  
人倫舅姑終養妾不嫁妾夫瞑目黃泉下

送喬仙圃王澹泉不及

歲月同袍者今當送遠遊未明先解纜何處望行舟粉  
堞上寒日清淮空急流依依獨延佇一倍長離憂

過環溪有感

先人讀書處喬木竟誰過屋角懸蛛網門前設雀羅秋  
風黃葉遍落日白雲多惆悵寒塘路滔滔東逝波

同崔筠谷劉蹤卻過隱仙菴聽琴

尋山不覺遠一徑入幽深白日無塵事閒房淨客心道人多逸興對客鼓瑤琴聽罷一延佇清風生桂林

送王少林之大梁

翩翩少年子征馬亦何煩每歲逢楊柳依依別故園秋風朱亥里落日信陵門憶想高賢過悲歌欲斷魂

卞忠貞公墓

巖巖峯距凜千秋彷彿靈旗下石頭八口捐軀家國難重泉握爪古今愁風吹臺省天常暗血濺青溪水不流寂寞忠魂三尺土蕭蕭瓦石遍荒邱

孟廟

巖巖浩氣塞寰區七國紛紛一丈夫數過空懷名士略



道高誰識聖人徒  
堂高數仞臨鳧嶧  
井及原泉接泗洙  
俎豆由來重天爵  
幾回瞻拜凜樞趨

送劉東麓

楊柳驛亭外  
春風芳草生  
河橋相送晚  
煙水復含情

臨海樵夫

來往山中日負薪  
獨明大義在君臣  
那知草野傳新詔  
朝有三楊一輩人

江上

繞屋清流竹萬竿  
水光蕭瑟竹光寒  
夜深月上門不掩  
臥見釣歸船過灘

朱宗贇

先君字

興田恩貢生贈光祿大夫著有槐里堂詩受業喬載成填諱

鍾吾晚眺

秋原曠無際幽尋恣延眺涼風日夕至空林黃葉少長  
河濱遠天寒山沒歸鳥雲路倏空明清光上松杪

九日登馬陵山

涼颼散清野晴日曜澄淵嘉會及芳辰游步陟山巔山  
巔高不極延睇屬遠天大河趨東海駱馬相波連依稀  
隔岸樹縹緲荒城煙撫景曠如此高懷滋渺焉古人耽  
幽棲樂意名園田有酒聊復醉委心憑代遷浮雲與朝  
露末俗徒拘牽

黃生檢赴潯陽司馬任過謁詩以寵行

皇心眷舊臣恩遇逮後昆子年方二紀分竹出都門



行旌指百粵萬里涉關津關津豈不遙 聖化遠邇均  
肅裝始夏仲屆茲及秋辰落日顧蓬華歡懷觸悲辛憶  
昔聚金陵伯相控雄藩幕府開廣筵醴酒樂嘉賓篤顧  
余所媿加禮今莫倫江干一分手邈矣楚與秦荏苒經  
十載何以慰沈淪離情況存沒耿耿難具論涼颼起將  
夕入簾月華新展席具蔬果燭跋把盞頻聯榻語中夜  
明當戒征輪王程自有期焉得久逡巡會散勿復道所  
願政聲聞古人酌貪泉終不撓垢氛無忝乃祖德庶以  
答 君恩

阻風黃河口投宿荒館

落日嚴飈發孤舟去住難飲思千日醉宿借一枝安屋

角衝飛礫牀頭咽急湍平生萬里志枕席凜生寒

清明

寂寞春將盡蕭疏動客情悠悠白雲外風雨度清明紫  
燕營新壘紅梅戀故莖家園花事謝應見竹抽萌

留別嚴顏亭

歲晏朔風侵寥空送雁音交情寒夜語祖道故人心水  
落霜天迴雲低海樹深前山游賞處乘月試登臨

喜晤沈繼堂

黑頭相見已華顛各訴離情倍黯然作客十年依繡幕  
還鄉千里慰青氍經霜殘菊枝猶傲過雨蒼松晚更妍  
莫話武陵豪貴事江湖閒散是神仙



漂母祠

澹沲春光淮水潯  
臨祠棖觸古今心  
歲終折券非常識  
武負祠從何處尋

月夜憶家兄鴈橋家弟理質

月照離人不欲明  
露零黃葉夜涼生  
遙知秋氣侵書幌  
愁聽飛鴻送遠聲

朱鳴鑾

字允懷後改名超著有適性草堂詩

夏日園居卽事

何處容吾放名園天地寬  
一林青靄合兩岸綠陰攢  
巢裏書千卷門前竹萬竿  
由來梅鶴性棲託自然安  
空翠如圖畫林深清且幽  
片雲留閣迴細雨帶泉流  
燕

舞翻簾語鳩音隔樹啾蜻蜓飛不遠隨意點漁舟  
雨過天如洗清陰淨杳冥呼童烹雀舌待我煮猗苓消  
渴齊冰雪生涼勝醪醑身輕忘暑氣拋卷步沙汀

新築適性草堂遣興

卜得清溪水一方誅茅結構住林塘爲賒山色穿籬路  
直接城陰護草堂蒼莽原非金谷地蕭疏宛似輞川莊  
相傳地乃蕭九成別墅今民居錯落  
非復舊跡而荒池衰柳依依在目有時日射危牆外  
幾點歸鴉掠夕陽

漫道形骸放浪閒依然流水繞柴關地慳竹石環成徑  
天遣雲霞畫作山湖海何人通意氣樵漁似我共清閑  
愛彈古調琴聲遠知落瀟湘第幾灣



年來

年來蹤跡寄城東往事都歸感慨中漫道風霜侵傲骨  
那知歲月逐飄蓬愁如中酒非關醉詩爲懷人不諱窮  
自笑奚囊羞澀慣何須棖觸問蒼穹

朱宗大

字直方歲貢生銓授金山縣學訓導莅任兩月卒於官著有壽藤軒吟藁無盡藏書屋詩

杜詩識小李詩臆說  
遊道堂詩話從叔少從喬劍溪先生學詩閉  
門覓句苦思力索嘗累月而成篇有一字未  
愜斟酌盡善而後已錦囊所貯或盈數篋而  
所存無幾成篇後每欲上掩古人

寄懷衣聞

美人渺天末嘉會良無期聚時弗覺歡別來方苦悲秋  
空露凝袂夕軒風切肌冥心生遠聽臨月軫前思願君

瑤華音歲晏以相貽

泛舟至長干寺宿

落日明半壁溪流澹迴風翫舟愜清景緣源杳無窮岸  
篠自叢媚浦樹亦青蔥前峯條已轉花界空冥中雲木  
聳森秀彩翠環玲瓏捨櫂展孤興攝衣踐幽蹤繚繞林  
壑暝逶迤臺砌重軒開蘿月皎夕永槐露濃蕭條鐘梵  
靜紺宇秋華空不涉妙靈趣焉與名理通明發復惆悵  
迴艫煙雨濛

喬劒溪云鍛琢精細殆無一字泛設

彭城弔項羽

神壁兆龍殃逆閹遷羸祚角鹿競羣雄扛鼎先衢路聲  
振鉅鹿師勢激函關怒絢服光梓里雄州莫邦步襟帶



窮東隅英威蔑西顧旌甲奮飈馳營壁連雲布力征天  
命違氣盡大事去稽運霸圖空訪古遺基誤長河沒頽  
陽寒城積空霧歛歔垓下歌愴惻烏江渡替興盡若斯  
俯仰增百慮

邱浩亭云酷似小  
謝和伏武昌詩

### 送喬季有

爲君畫生計勸君遠行遊見君話將離懷君風波憂風  
波淼以漫旅況何曾慣將此清羸軀望以加餐飯加餐  
慰我心時還擲好音依依今夜酒明月照分襟

### 山中歸作

曳杖亂峯下歸雲亦徐徐風來榛莽間樵聲與之俱行  
吟意悠然返我林中居月色已階屺花氣彌空虛徘徊

永今夕物外自怡如

喬劍溪云三四漸近自然

### 病中夢母志慟

六齡痛失恃奄忽三紀餘靜居每軫念髣髴音容俱茲  
夢母來視牀前撫兒軀戒兒慎勿藥少日疾自除語次  
復無覩不得牽母裾母去日以遠母來不須臾驚悲告  
予父枕上涕漣如

### 過從兄文孟故居

從兄絕貧苦身後彌可吁長男旣促齡次忽爲僧徒煢  
煢惟寡嫂日與哭泣俱老屋三兩間黝黑漆不如塵泥  
封敗几尙餘讀殘書慟兄至此極經過空踟躕爲念兄  
在時治生無良圖相勸豈不力反誚弟爲愚悵觸增悲



哀簷隙西日徂

秣陵秋夕有懷

昔共秦淮客春風蕩畫橈今來板橋畔寒葉滿流潮歲  
序何超忽歡娛悵寂寥徘徊明月下空度可憐宵

送王少林

歲月慣行役風波忘苦辛殘年江上路孤艇雪中人相  
見亦無幾歡忱多未申離亭一樽酒悄悄各傷神

數年來里中友人劉東麓劉紉芳喬仙圃王澹泉

王景峯先後謝世感而有作

卅年里巷與經過縱酒狂吟興若何白首重回空想像  
黃壚雖近邈山河祇留塵篋遺篇在爲念荒墳宿草多

我亦年來憔悴甚不堪傷逝撫流波

早發

行旅各已飯出門尙殘月原頭樹似人草際霜如雪

寄遠曲代內作

明月高樓烏夜飛夢回霜氣入重幃錦衾自煖那能覆  
人在天涯當授衣

喬劍溪云唐七絕之佳者往往得樂府神理所以後人不能到也此絕詞

采音韻庶  
幾近之

朱宗康

字裕民

立夏日王慕堂太守招飲藉山園葉健菴司馬爲

立五簋約並紀以詩

春去才幾日綠陰滿庭院密樹含微薰時有落紅片主



人招餞春客來我獨殿素心能幾人聚首值嘉醺五簋  
申舊約藉挽侈風變蔬甲出畦嫩野味及蛤蜊雅集情  
愈愜清言名理見既恠物力費彌覺淡交戀相期迭主  
賓卜日車輪轉

朱

慶

字亭曾諸生

獨酌

初秋微雨後小酌引新涼對此一罇酒因之別恨長澹  
雲頻掩月冷露半侵裳何處蟲聲苦高歌任激昂

偶感

柳碧花濃二月天風風雨雨日纏綿愁懷寂寞憑杯酒  
壯志消磨是硯田不爲家貧遭鬼笑肯因命蹇博人憐

蕭齋日永茶煙熟眼底浮雲任化遷

朱毓賢

字小泉諸生著有珍木軒詩

孝子巷

在江陵縣沙市

偶過孝子巷因訪孝子名姓名久無聞孝行於今稱在  
昔鄰火起延燒連戶庭孝子親在殯號哭心震驚呼親  
親不聞籲天天不應親在自同避親死忍獨行惟知親  
體重便覺兒身輕奮身伏靈櫬赴義非矯情旁舍盡灰  
燼殯宮仍棟楹遺骸旣無恙孝子亦全生後人重高義  
引爲閭里榮土人俱云爾聞之淚欲傾因思古孝子盜  
賊猶哀矜矧祝融爲神正直而聰明有感必有應惟在  
一念誠作詩紀其事庶令百世興



重慶府

江自岷山來纔穿貓峽出涪江水忽下併岷江而一內

外江如環

岷江西來爲外江涪江北來爲內江二江至郡城外合流而東數峯中萃嶽

崇墉倚半空雲端森萬室自昔昇平時文物真罕匹豈

期佛圖破賊眾紛馳突拒守力不支衣冠慘流血至今

江水上聲聲帶鳴咽祠宇薦椒蘭碑碣徵事實嗚呼三

忠臣賴有大手筆遠非畏死者胡爲傳獨闕

順治元年六月獻賊

破佛圖關陷重慶故明瑞王常浩及舊撫陳士奇副使

陳纁知府王行儉巴縣知縣王錫指揮顧景俱不屈死

鄧都林明儒爲士奇行儉錫作三忠傳

郡人立三忠祠瑞王纁景獨不與故云

崔呈秀義井碑三章

井序

邑察院巷有井旁有石碑刻按院崔建置義井

卷二十一  
天啟二年孟秋立十四字居人謂王明府耕伯  
磨去置義井二立五字稍漫漶後另刻寶應縣  
向四大字考邑乘天啟二年知縣向孔門宜都  
人

明季按淮南逆璫同謀崔百八十載餘尙存井與碑若  
使建置爲忠良至今當作召公棠

泉有廉亦有貪此井何止名爲貪猥曰義井眞可慙邑  
吏但知媚權貴大書深刻在道南須知事出奸人手水  
亦淘不盡汙垢試較忠憲後園池誰清誰濁千秋後

誰削碑中姓今世之循吏自是毀魏璫祠意何如留此  
一崔字行路見之都罵詈不獨儒林有清議君不見昔



人買得客氏刺池北偶談紀其事

同史克顯杜瀛客至盧氏湖莊觀荷小飲遂止宿  
滿湖皆白蓮開到水亭前非月淡千頃無風香四筵酒  
能留客住露取作茶煎掃榻南窗下清宵鷗共眠

下巫峽

正驚心處忽開顏行到荆王臺觀閒一水縈紆雲際路  
千峯縹緲畫中山真疑神女從天降亦有靈鳥送客還  
不是歸帆江上過那知仙境在人寰

余前入蜀由歸州遵陸故云

嚴先生釣臺

洛陽何處尋宮殿嚴瀨於今有釣磯錦繡全歸高士座

富春山清麗奇絕號錦峯繡嶺見一統志江山長映客星輝安眠竟不知天

子一出猶嫌屈布衣臺畔何人欲投足元英晞笑幸相依

朱

靜

字次山諸生

梅花

名園百卉盡凋殘幾樹芳梅傍畫欄莫上瓊樓吹玉笛  
須留冷蕊月中看



白田風雅卷之二十二

閨媛

陳傳姜

國學生朱澤況室

淮海英靈集小傳傳姜泰州人寶應朱澤況  
室賢而早天其佳句如煙月澹相照竹深人  
夜歸亂竹不知路好好山多傍樓一庭芳草迷  
行徑萬點桃花送好春千里關河初過雁四  
山風雨獨登樓皆楚楚可誦

題清泉石上圖

白石粼粼見底清  
宛將泉水濯塵纓  
不須長嘯江湖外  
細雨斜風引棹行

病亟示夫子

花方破蕊因風落  
鳥忽離巢帶葉飛  
揮淚向君頻囑付  
老親多病幼兒癡

劉文芳

字貞素內閣學士師恕姪女廩生喬其繩繼室廩貢生大鴻母自稱樹蕙老人著有樹蕙軒詩草柘溪吟稿

新月和八弟韻

弓仰眠環半懸淡淡微光曲纖纖暗影圓最宜樓上同  
江上卻似眉邊與鏡邊

秋氣

蕭瑟遍天涯涼風透碧紗蟲聲胡獨苦雁影爲誰斜暗  
逼霜中葉潛催露下花那堪時序改相對惜年華

和八弟晚眺

落日映溪明歸鴉噪晚晴青憐秋色好綠愛樹陰成雨  
過新流活風吹小棹輕柴門吟望處高柳月初生



秋村

野望不勝愁  
疏林到處幽  
雲低黃葉路  
霜冷白蘋洲  
向晚蟬聲噪  
隨波雁影流  
板橋明月外  
砧杵動高秋

喜彌甥王行簡家姪北溟見過

衰柳柘溪濱  
蕭蕭遠市塵  
誰來黃葉徑  
肯問白頭人  
細雨閒門掩  
秋風過雁頻  
漫勞存老病  
一倍覺情親

遣婢

白髮愁添耿  
別思箇中情  
事有誰知燕  
辭華屋重來少  
花落閒園再  
見遲鏡裏徒  
憐桃灼灼  
月中空愛柳  
絲絲此情可  
待成追憶

用唐句

輾轉難留欲去時

過碧梧翠竹山房感懷世父閣學公

幾年不到掬春樓今日憑欄感舊遊對酒每因花爛熳  
題詩多被月句留阮公老去誰青眼謝女重來已白頭  
臺榭依然文藻在蕭蕭梧竹滿庭秋

接家書

萬里一書至開函倍愴神行行無別語只爲白頭人

寄八妹

西風黃葉寂寥天獨掩柴門日似年衰柳寒蟬淒暮景  
不知明月幾時圓

劉文蘭

文芳妹安東程樊室

夫子忌日

變幻重重處處難舊時亭榭盡凋殘冰霜歷盡君知否



四十餘年淚未乾

喬又李

字素安廩生劉仰桂室

秋日□□姊招同程甥中之小集有懷客浦江上

一夜西風白髮生客中誰與破愁城靈均最屈憐惟姊  
無忌難爲媿有甥燈下舉杯人五姓時有王氏張氏兩甥女簾前  
覓句月三更卻思江上楓初冷美酒蘭陵不共傾

送三女

秋水綠悠悠離情逐去舟莫攀隄上柳惹起隔年愁

潘意

自號林外牧子金山縣訓導朱宗大室

與范表姊夜話

絮語明燈短榻前外家梨棗記當年傷心多少乘除事

白髮相看夜不眠

喬若蘭

字秋佩樹蕙老人女王斯惇室

喜晤姨弟程衛公寄呈姨母

溪上人歸去相思夢屢成數年歡會地兩載別離情門  
掩閒花落庭空一鳥鳴因逢常到客彌復憶燕城

寄懷四妹

綠窗影暗正黃昏滿院花飛獨閉門遙憶故園歡聚好  
春風春雨欲消魂

自感

悠悠忽忽度年光強作歡容對北堂敲斷玉釵何限恨  
倚欄無語立斜陽



劉氏 廩貢生喬大鴻室著有夢日偶吟

酬婢

早年依汝慣一日不相離憂喜先能悉寒暄亦備知殷勤爲製藥懇切重延醫誰謂空勞爾傷心泣別時

柘溪送別姑母入城

梅花落後杏花新楊柳青青黃鳥春如此風光留不得卻教花鳥憶詩人

劉無非

諸生喬大鈞室

秋村

木葉下柴荆秋空月更明雁新千里目砧動萬家情漁火藏蘆小蟲音帶露清無人獨延佇不覺暮愁生

劉無儀

無非妹雲州知州溧陽史紹登室

春閨漫賦

落花滿地點蒼苔靜掩重門待燕開剛在窗前展書卷

一聲啼鳥隔簾來

喬鍾儀

無非女常熟王之球室著有瑣屑閒吟

寒宵不寐

雨聲滴瀝漏聲殘獨擁熏籠到夜闌萬感縈懷眠不穩

十分消瘦怯春寒

祁瑞華

劉某室

病中有感

霜凋紅葉正初冬挑盡銀釭意萬重病裏怕談塵世事



半牀風雨聽殘鐘

成氏

劉履懽室

遊道堂詩話氏爲余表妹適姑母之子劉君惠生時未知其能詩歿後祇得二首君惠丐余識其尾

別母

不孝何堪數拋卻霜幃苦三歲遭父喪劬勞將我撫今  
生未報恩縣縣恨終古願爲來生兒留與來生補

失名

春柳

半是春愁半是狂拖煙掠雨傍銀塘高樓少婦關山客  
爲爾青青總斷腸

...

...

...

...

...

...

...

...

...

...

...



白田風雅卷之二十三

釋子羽士

淨鐸

字天峯蓮池菴僧

大觀閣納涼與張明府分韻

高閣凌空散客襟  
風生四壁暑難侵  
簾前遠水過書案  
足底斜陽入柳陰  
政暇每尋方外友  
情幽共得古人心  
東林舊社欣相續  
太守風流頌到今

元徹

字石吼號半憨山陰人主一宿菴著有未篩集  
風人誦口卷語錄入大藏

與子可悅子茶話

吾知閒亦好  
偶爾歷風塵  
謀食非多事  
談空尙有身  
客留昨夜雨  
花想故園春  
枝上催歸鳥  
殷勤語向人

獨坐

炷香無事後兀兀坐匡牀  
驗靜須于動偷閒好在忙  
林陰收雨氣簾影漏花光  
粉碎虛空處身心一併忘

送梁蔚文之昭陽次張曉巖韻

雙鬢難禁白那堪別恨侵  
嬾將爲客意頻作送君吟  
江艇浮春水雲帆下夕陰  
遙知冰玉伴寫盡看花心

壬午二月偕虛靈慧門平川三兄自慧山同舟之  
瓜步遂分南北行別以詩

瓜步維舟第幾程九龍山下記同行  
家應憶我遲歸越路莫隨君遠到京  
春煖吳天空有雁雪寒燕地更無鶯  
他時對景傷離別兩地還多此際情

偕張州建諸友並雲根介霖諸禪師同舟之淮陰



一葉輕帆帶雨懸垂楊兩岸弄春煙君家有客皆張翰  
吾輩何人是皎然緣話三生懷故里題分七字愧新篇  
暫將別去終還聚敢復從前又十年

登金山次韻

十年不到江天寺今日重看水上山大地浮沈何處著  
雙丸吞吐幾時閒煙中帆領孤舟沒空外人隨一鳥還  
剛是翠華臨未久金泥照眼額新頒

寄懷周公木

客裏砧聲敲夢殘起憑池畔竹邊闌好花地各春秋放  
明月人分南北看泣露繞堦蟲語澀呼霜當戶雁聲寒  
不知雲水天涯跡何處逢君復盡歡

太白樓懷古

山擁危樓天半開，雄豪空憶謫仙才。  
千尋峯插能詩筆，萬里江流不醉杯。  
酒國歌場雲黯淡，吳頭楚尾浪滌迴。  
憑高長嘯無窮思，日暮還疑捉月來。

登十八澗且住菴

石接危巒駕小樓，盤空曲作險奇遊。  
晴疑翠潑千峯雨，暖愛涼生萬木秋。  
曳杖高吟天上句，憑欄遠豁望中眸。  
蒼茫煙水情何限，一臂長江接九州。

天目山中峯國師活埋菴

爲愛清幽最上峯，活埋吾亦欲潛蹤。  
白拖綠樹雲千頃，翠繞青天山萬重。  
七字吟成鐫瘦竹，五絃撫罷聽深松。



忽聞花裏香來遠  
啟戶方知到好風

山居

愛苦吟詩啜苦茶  
撲人寒氣透窗紗  
濃拖綠去雲梳柳  
濕夾紅飛雨落花  
長接溪聲來竹筧  
不遮山色出籬笆  
唧泥爲問尋巢燕  
那有雕梁王謝家

麈居

麈居閉戶隔喧譁  
萬井煙中別是家  
愛聽啼鶯多種柳  
懶迎過客少栽花  
乘獅乘象全由我  
呼馬呼牛一任他  
漫道無心長祇待  
何人解喫趙州茶

寄浙東故友

江城獵獵北風寒  
帶雪梅花又獨看  
老去誰憐雙鬢短

愁來自歎一身單  
浮居不定如船子  
兀坐無爲學嬾殘  
漫道九年空面壁  
何人解問覓心安

送阮靜菴歸宣城卽次留別原韻

參寥故態類狂奴  
君或前身是大蘇  
風袂心交分水國  
雲帆目斷挂晴湖  
逢僧定憶栽蓮社  
作相休忘煨芋壚  
我欲言歸歸亦得  
只愁同步不同途

掬月池

水流月亦流水宿  
月亦宿手掬月光  
寒月光飛入竹

夢覺

字圓方

送阮靜菴歸宣城卽次留別原韻

煒煒旅館對郗奴  
卻喜羈人此日蘇  
阜帽青袍來北郭



蒲帆蠟屐去西湖他鄉寂寞惟茶竈故國歡騰有酒壚  
惆悵自憐長作客羨君行處是歸途

行一 字葦如

送阮靜菴歸宣城卽次留別原韻

河干折柳絮分飛唱斷陽關幾疊微兩腳塵氛隨我住  
半肩行李送君歸淮南野水生芳草江左春山裹落暉  
節物漸殊人事改空餘清淚濕征衣

行演

字隱峯主□□羅漢寺著有隱峯集

夜泊話舊

曳衲西風古渡寒一帆落日下驚湍不愁暝色橫天外  
爲有鐘聲出樹端相得自忘村野僻頻來轉覺道情寬

當年禪學同煙水

牧雲和尚開法  
虞山時同結社

更向燈前敘夙歡

成楷

字貢植一宿菴石公弟子居儀徵之方山資福寺著有白雲詩草

方山休夏

我愛茲山靜炎涼試五年青蘿生殿角黃犢老山巔  
礪底千絲柳池中十丈蓮了然無動轉趺坐見前賢

擬隱山居

已了平生願何須屬後塵鐘魚嚴梵典爐鞴肅僧倫  
瓢笠仍隨我煙霞不讓人息肩知止室從此一閒身

蹈光

眞武廟僧

題自畫小像

自己形容自己描白頭烏面似山樵看來爾我皆無用



付與兒孫作畫條

韓崇誼

字正其黃冠

送阮靜菴歸宣城卽次留別原韻

曾將身命付奚奴且喜今宵困漸蘇  
國士自然多蹭蹬丈夫何必不江湖  
餞行祇有詩千首揖別還添酒一壚  
惆悵河千萬株柳青陰搖曳是征途

片帆斜挂疾如飛遙望鄉關隔翠微  
青草路邊和露坐白沙洲上趁潮歸  
來時秋水銜新月去日春山送落暉  
從此淮南舊詩社相思一度一沾衣

知無學而論詩理思一類一類九

知無學而論詩理思一類一類九

知無學而論詩理思一類一類九

知無學而論詩理思一類一類九

知無學而論詩理思一類一類九

知無學而論詩理思一類一類九

知無學而論詩理思一類一類九

知無學而論詩理思一類一類九

知無學而論詩理思一類一類九



白田風雅卷之二十四

官師 流寓 酬贈

孫

蕙

字樹百淄川人順治辛丑進士由寶應縣知縣行取給事中著有笠陽詩草

弔雙烈祠

炎祚中衰日羣雄竊柄時  
檠鄉得州牧業將神器窺  
西京乘阜蓋洛陽鐘簴移  
孝廉懷大義仗策起安宜  
枹鼓激郡將操檠標英奇  
緬彼酸棗盟慷慨如在斯  
四世五公人末路竟逆施  
擁兵據河朔睦曹與張疑  
英雄不肯本抗節建旌旗  
力窮雖掘鼠忠貞鮮畔離  
偉哉東郡丞心跡有同規  
仁義爲君子寧恐復背之  
正容斥奸譎但求抒所期  
一時兩烈士綱維賴以持  
同里有孔璋正受國士知  
前喻書六紙曾此無一詞  
文章與風節事定別

妍媸我來宰此地懷古禮荒祠

漪舫歌用空同東山草堂歌韻贈朱澹子侍御

我來游漪舫城闌風日孤溪出躍龍津氣逼射陽湖柱  
史菟裘營此居淪漣一水當階趨安宜頻歲波濤湧蛟  
舞龍吟舫不動舫中時作商山曲舫中時效長沙哭憶  
昔鳳池侍清禁通籍早受先皇祿一朝聞海來戰聲  
五花六押登承明舍人曹郎盡召見雲中紫泥下三殿  
介幘蒼佩指南服朝端繡斧人爭羨桃榔樹裏窮躋攀  
清嘯時踏無諸山風急梧岡難獨立山鬼窈窕窺其側  
新息橐輕薏苡微上章欲訴情惻惻直指星潛牛女閒  
柏臺烏帶風霜色氛消海甸江峯青路返蠻鄉瘴烟黑



布帆遙簇水雲白七閩蒼生聲欲塞一笑歸來蠟屐遊  
新詩題滿鶯花陌男兒得志須乘時非但榮身在報國  
勇退豈徒老一邱身旣泰然名亦得挂冠神武計未疏  
山中宰相眞良圖漪舫非水亦非陸蓬窗修竹一塵無  
君不見長河滿眼阻風浪我舸大編胡爲乎我來獨愛  
舫中坐看君著論追潛夫

安宜行

安宜罹災亦云酷魚龍竟奪農夫屋千尋巨浪漫荒塍  
落日西風聞野哭水田一線纔可耕勘荒使者責長牧  
徵糧下令嚴催科不管貧家賣黃犢前年賣女歎伶仃  
今年賣兒更孤獨阿妻阿母還傭人豈但醫瘡與剜肉

牽牛出門牛不行空腹哀鳴何穀鯨低頭語牛牛且前  
官稅差完免鞭扑我聞此語增歎吁仰視皇天白日速  
嗚呼貧家母妻子女無還期誰能戀此卑官祿

濬河行

黃河萬里浪高舉賈讓之謀世空許璧馬於今不效靈  
風濤簸蕩連樓櫓憶昔武皇通車書朝臣建議開河渠  
開元以後置倉舍平分河渭稱贏餘汴宋營漕分四路  
半作邊儲半國賦斗門高堰築埒城歷險踰灘計生聚  
元人海運創伯顏引汶絕濟誠哉艱明初海運旋亦廢  
會通始築河淮閒年來漕渠失故道百萬金錢任侵冒  
督河使者妄庸人不解河防氣桀弄鞭撻小吏嚴程期



豈知畚鍤皆瘡痍縣令陳情不得達自矜白簡吾能持  
柳下何曾畏三黜百姓喧呼趨事疾一夜荒城走萬人  
兩月之工六日畢安宜水滂原苦辛力役誰復嗟勞人  
猶幸三代直道存吾民嗚呼猶幸三代直道存吾民王  
洋曰此事蓋余目擊他日可入循吏傳中又曰君領縣  
安宜七年水旱飲冰茹蘖撫字維勞上官以苛令濬河  
將中以非法士民感憤不呼而至者萬餘人老稚負畚  
磬鼓河干六日夕遂告成事上官不能難轉薦其賢士  
民爲繪圖歌詩以紀其事覺昔  
人反風渡河諸異政猶虛語耳

玉雞堂偶感

筮仕逢殘邑孤懷念憚人旗亭分成壘羽檄沓城闈野  
市魚龍夜明湖薺麥春飲冰甘用拙民力正艱辛  
花朝後偕冰壑飲劉雨峯園林時正梅花初放

乍脫塵緣物外遊池塘草樹碧于秋青樽座滿花朝雨  
白雪人登月下樓三徑清疏容謝屐一春醒夢入羅浮  
何須選勝辛彝塢茶竈經牀愛此留

葉

燮

字星期康熙庚戌進士官寶應縣知縣著有  
已畦詩集

遊道堂詩話橫山爲風雅中人沈歸愚宗伯  
學詩師也莅任吾邑正值水災租稅俱蠲年  
餘卽以不職罷官非其罪也其被劾之故具  
與吳漢槎書已畦集可覆按也

### 荷鍾夫

荷鍾白髮翁持畚黃口乳懸鵲露兩骭啾啾相告語十  
步九竚嬾接踵幫堤土問孰使之來里正簽派伍豈無  
丁壯男距躍力如虎豪門誰敢撓公然脫籍簿稽昔河  
夫則依畝科人數自頃浸稽天百田荒九五餘五畝壹



分占籍酣歌舞我儕湖旁民漂徙無窟所保長任恣睢  
皮骨拋酸楚骨楚猶可言腸飢轉鳴鼓聞言心怵怵爲  
民母也父何當叫天門勿懼試蕭斧

採柳謠

去年採東鄉今年採西鄉東西兩鄉柳采之盡斧戕河  
堤決無時需埽如山岡高柳無遺槎柳種纔成秧大府  
昨下檄催督肩相望境內一望空越境有嚴防無已及  
他木槐榆楓櫟樟違式材不任李難代桃僵百金縛一  
帚千夫提其綱投之滄淵中班聲逐沸湯河伯鼓赫怒  
飄如馬脫韁哀哉累膏血一擲剜肉償何慮百千埽往  
往到扶桑吾欲叩九閭好生惟德常思彼至治世大海

無波揚

湖天霜

湖天湛然清盛夏飛嚴霜霜嚴結陰慘白日沈荒涼厲  
鬼啾啾鳴行路聞心傷冤魂爾爲何毅魄非國殤生爲  
蚩蚩氓安分柔且良眞盜未伏辜漁人罹禍殃殺人不  
抵死袖手反代償有耳非不聞有眼詎失芒一人愛功  
名片語進斧戕邈矣三宥仁孰察五過章一朝四百指  
駢首堆荒岡湖水自終古流恨徒湯湯寄語司牧者殺  
人宜慎詳

案三詩皆令寶應時作此首爲前令孫樹百  
信奸吏董祥之言殺射陽無辜四十六人也

荅朱監紀



名振騷壇四十年早年學道卽林泉黃金散後傷交絕  
白首知新惜歲遷百尺桐垂披卷戶一溪月朗狎鷗船  
怪來啟事無名姓只爲先生不愛錢

自是虞翻骨相屯歸雲倦鳥寄深情閒嘲岸柳隨風轉  
名次巖花向日迎囊裏悲歌燕北草馬前露布粵南程  
解衣自濯清淮水願讓吳中高士名

重至寶應

巨浸稽天越九年流亡依舊觸潸然誰憑早計焦頭急  
只博終年望眼穿鵝鸛乍移南下疾雞豚無那北來偏  
羽書昨夜喧江上休問銅鞮估客船

填填擊鼓大王祠瓠子宣房又一時板築驚魂悽舊月

東薪墮指怕流澌書生罪案先勞日尸位綢繆未雨時  
贏得長天秋水碧柳堤回首馬頻嘶

柬朱澹子侍御

宦情冷澹伏蒲年猶說霜清閩海邊人羨向平婚嫁畢  
天饒元亮菊松緣貪尋一徑樵風便侈說長宵鶴夢偏  
奇絕高人朱御史繡衣早脫欲逃禪

荅朱恭亭仍限覃韻二首

囊隱班絲香爇龕修梧深柳隔湛湛

恭亭讀書環溪與  
寓齋祇一水隔

郊居賦就雌蜺字秋水詮成白馬談庭有傳書周柱下  
庫饒奇癖杜征南五花貽我芙蓉句初日亭亭露尚含  
芍藥新詞早歲諳露華堪浥玉堪簪目成異采偏能擷



手擘長風不厭貪雨雪檠中光獨照天人帷下策三探  
蕭蕭剩有南山叟驀遇忘年暗自慚

遊道堂詩話二詩見白田倡和集當是橫山  
重至寶應時作

投贈喬無功步尊大人侍讀韻八首

不因頭白不勝簪聞有遊仙枕未探遼廓垂天蟲執二  
依稀舊樹鵲依三沅湘故物蘅芳在河朔新鋒劍器酣  
學授文安家北面髯蘇并作一肩擔

一篙秋水錦帆南猶記乘風破積嵐仲蔚逕荒疑室遠  
雲卿菜熟問人諳不參龐老妻兒句祇聽崔家父子談  
今日把君湖上袂銜山如見隔林龕

句裏蜚弧貫兕鉤壓令元白束空函連枝玉蘊層城璞

五色絲抽獨繭蠶雪到青城知近鷺風來黃雀可無鮒  
攜琴萬朵蓮花裏深柳雛鶯囀尙鶻

深談名理擅劉惔妙解騰驤左右驂濡翰墨深三歲字  
寄愁曲寫八聲甘鶴羣皜皜將同和螳陣紛紛似避戡  
七業俱興誰不羨一經薪盡總堪慙

近郊精舍繞楓楠多病維摩臥蔚藍日日曹劉牆上競  
時時壁壘隔中含消愁無酒因忘渴煮字充飢著底慙  
知己好詩天末憶異時梁月落茅庵

蓮衣將褪粉璿璿收拾蓮心苦一籃誰使紅顏如夢盡  
可虛白日片時耽坐消蠹卷雄稱伯飢走荒山老媿男  
若謂文章眞得氣秋風遼海請君參



暮雨零風我久堪青華無分不曾貪焚蘆滿目生空相  
鴻雁依人認故潭長板涼初蘭展葉小山露泣桂將簪  
秋來物候關心否先問窗前三寸柑

影現空華悟鉢曇閒中觀妙識龍吟杜陵愁又尊前至  
屈子遊從室裏覃自得枋榆無似鸞防身甲冑切嗤蚶  
吟成便遣詩魔去漢魏三唐莫漫耽

張

增

字子晉順天宛平人官寶應縣知縣降補汲  
縣縣丞

蓮池菴納涼同王越菴廣文朱恭亭明經天峯上

人聯句

朱夏快幽尋呼朋出東郭駕言避炎曦

子晉

聊以耽寂樂

入門瞻教像

越菴

登堂揖瓔珞初地本清敞

恭亭

僧寮自疏

畧

天峯

人逢支遁侶會踐東林約是處皆煇蒸

晉子

到此謝

羈縛涼颼拂葛衫

越菴

歸雲披絮簪垂柳綠參差

恭亭

殘花

紅錯落茶瓜留客遲

天峯

藜藿安禪薄再以竺乾文

晉子

重

演秘密學

時天峯再住蓮池故云

窗閒竹玲瓏

越菴

階砌石磊砢倚

檻聽黃鸝開籠放白鶴浩然神慮攄渺爾心目擴午夢

乍時清

恭亭

塵緣一朝卻維摩面壁參

天峯

牟尼拈花矇旛

動識禪心

晉子

石悟解料錯祇知魚鹿走

越菴

誰辨天地廓

一輪空古今萬籟歸鈴鐸冀展浩蕩懷

天峯

時遣文字謔

筆墨肆壇場旗鼓競考索乘閒拋簿書委懷在邱壑逸

韻歐蘇儔寡句韓孟若思竭八叉頻

恭亭

力孱雙腕弱

天峯

清言霏玉屑快論露廉鍔直將冰雪姿驅除煩溽惡山



禽時一鳴越菴海燕忽對掠習習送清涼超超絕佳著蓮

憶昔時花天峯池效當年鑿觸熱鑒午忙及秋莽收穫會

當尋往迹舊觀復如昨晉子

遊道堂詩話張明府有消暑集與先曾祖倡

和詩甚夥今止得聯句一首

吳資生

字天培吳縣人康熙丁酉舉人官寶應縣教諭

### 就道錄別

西風吹我鬢寒日照我冠親朋各拏舟送我蘆花灘憐  
我年半百得官仍寒酸官卑祿自薄苜蓿餘空盤何時  
抒壯懷雲際颺飛翰款言謝親朋我心匪求安雖無民  
社責撫時每長歎方今值災荒蒼黎半凋殘哀哀滿路  
哭誰卹骨髓乾活人慚未能敢博妻孥歡澹泊以明志

守我瓢與簞居職無大小要歸免瘵官解纜從此辭浩

浩江天寬

案此當是赴寶應廣文任時作

吳春濙

字明陵浙江錢塘人乾隆□□進士官寶應縣知縣

藕粉詩

承乏射湖濱公暇辦土物獐獅與蜺蠹

二蕩名

白蓮夾蒲

出秋七八月閒陂塘下爭摑洗濯汲清流泥去皮先刮  
剝節復裁梢響澈醅牀軋干揉與萬搓泝泝勞髣髴澄  
滓磁盎中常以大杓擎斟水換更番五日中若截百指  
費辛勤乃見白如雪此猶一半功就視尚未畢傾液滑  
似酥細膩漸團結糗餌畧相當試以昆吾切瑣碎薄薄  
鋪暴向溫 and 日倘遇陰雨來色變味亦劣如其天炎蒸



水泛縑且濕罩之以生紗狂風不能瞥圍之以布幕纖  
塵不須拂或訝眩銀花或疑霏玉屑或欲比熬波或將  
擬醞秫或愛挈壺盛或喜調羹設或仗療朝飢或俾止  
酒渴野人譬食芹甘美不可說願以貢天子具充方  
物列蒞任已經年頗亦識區別選料備精良考工製芬  
苾歲例一遵行藉用蟻忱達生長本西泠鄉味久疏闕  
客秋因藕少製粉來自浙嘗試雪翻匙相較無優絀今  
年監造成求端兼訊末用藕數若干倍徒未得一百斤  
成粉三斤有餘工匠蜂聚多如釀花成蜜載稽博物志未詳製  
粉術小臣荷分甘懷清益履潔但抒獻曝誠敢自忝饗  
餐對月賦長篇訟庭聞蟋蟀

王蒼

字兼山順天大興人官寶應縣縣丞升邳州管河州判罷歸寓寶應

贈鈕信天

小人道可長正氣豈終汨麻乃生蓬中勁直若咄咄吾  
鄉信天翁丰標何崑崙筮仕充豫閒聲馳到溟碣眷惟  
淮黃令修守資綜核量移供任使借寇達天闕焉知  
冰與炭眾口讒到骨孤豚咋猛虎康莊得中蹶嗚乎壯  
士懷勿爲此隕越古來奸佞徒朝露恣輝赫及乎青史  
成一齒斧鉞吾與爾坦然白璧安所涅前途良未已  
勛哉匪躬節

輓顧烈婦

死者人何難實亦終不免往往一念差泉下成覲覲卓



哉顧氏婦就義何繾綣邂逅痛所天誓將同穴掩左右  
力相持血淚常在眼隱忍屈百日其志竟克踐行路爲  
客嗟當事發哀挽吾知百日中柔腸千萬轉萬轉決從  
一金石無此剗自來圯橋里常恨人物鮮得此欽英風  
藉藉眞邦媛綴拾危苦辭詮次成長卷莫謂旌表希亦  
足代坊匾

泰山懷古

壯懷肆游歷泰岳望崔巍七十二君後云亭幾度開車  
書通澤國戈甲橫天街容易還相失淮陰少霸才

寄鈕信天

能飛鶚旦雀凍殺紇干山天地雖寥闊安知舊翮艱冰

霜踐荆棘風雪黯鄉關三匝投何處思君淚欲潸

落葉和韻

亭皋寂寞望中迷猶憶千章綠蔭低漸老自凋霜信後  
無情爭委夕陽西荒原風起隨羊角空谷聲乾響鹿蹄  
此亦居然塵外景佳篇應待野人題

圯橋懷古

圯橋人去渺英風閒步低回野徑空一卷素書平易甚  
却云兵法自黃公

梁以樟

字公狄號鷓林直隸清苑人崇禎庚辰進士  
官商邱縣知縣著有印否詩集  
遊道堂詩話鷓林妻子爲流賊所屠無家可  
歸避地寶應二十餘年葬於吾邑

秋懷



我行日以遠山川日以長出門畏徒侶四顧天茫茫東  
去瀛海濱雲氣猶鬱蒼滔滔逝南紀日月遙相望道逢  
鬻畚夫拾蛤不盈筐亦有蓄與茶采采水中央持此未  
足飽終念獻君王躊躇置道左涕泣沾衣裳

送王于一移家秦郵

雨雪關河路誰驅妻子行百年猶念亂吾道此孤鳴草  
木荒中壘河山老步兵蒼茫蠻湖水莫辨鼓櫓聲

于一避兵盧家堡來晤因得聞江上信

念亂憂方大披荆爾忽來乍詢家室在初諗甲兵回海  
嶠風初勁蕪城門盡開秣陵雲氣好重上射陵臺

哭王雪樵

卷二十一  
古道多榛莽斯人竟可傷  
野風淒薜荔山鬼弔文章  
月咽淮流苦雲歸太白荒  
總幃吹淅瀝隻影慟斜陽

送何元長

秋色在遠樹登臨送客歸  
大江紅葉下天影白波圍  
故國少還日羈人仍阻饑  
無爲歎夕露忍使故心違

同陳善百諸子竹西泛舟作

寒城烟雨濕棠梨舊事風  
流話竹西香草夢攜三楚句  
黃壚人換六朝題耳邊棋  
墅過王謝林下琴廚笑阮嵇  
斜日酒醒誰喚得一聲江  
月落銅隄

夜集霜臯談兄仲木舊事

星移曉露重霜臯拂拂眞  
風動苧袍此夕幽燕仍故侶



當年湖海幾兒曹  
銜杯愁聽鳴蛙鼓  
燒燭偷看斷兇刀  
老淚蒼茫收不得  
虬須誰復廣陵濤

同魏和公西軒談往事感賦

瞥眼興亡竟若斯  
空將覆局理殘棋  
貔貅氣盡中原毀  
蟋蟀聲酣廟祏移  
鐵滿六州仍鑄錯  
雞鳴五夜幾吹簫  
傷心耆老難重說  
寂寞山河鬢已絲

白田雜詩

吳歛楚舞雜羌歌  
翠靨紅顏駕橐駝  
一曲琵琶萬行淚  
朔風吹夢度交河

王邗上逢舊歌者

內家檀板幾人存  
凝碧池頭暮雨繁  
莫唱開元供奉曲

臺城烟柳自黃昏

王潔

字汲公直隸大興人諸生著有幽居山房稿

遊道堂詩話汲公爲舊金吾霜皋先生冢嗣與梁鶴林先生有葭莩戚遂挈家相依後遷居高郵數年仍歸故里居吾邑時與諸名流唱和不少弟源字崑繩康熙癸酉舉人亦能詩惜未之見

金山

明月生東嶺波光一鑑開欲看甘露寺更上妙高臺黃鶴千峰去蒼雲萬里來無端吹簫簫喚起洞龍哀

王猷定

字子一江西南昌人

涇上有感兼懷梁公狄

澹烟寒水遶吾廬採菊何心賦揭車牛背眼光滄海外



鶯啼詩興白田初忘情草木慵觀厯錯認羲皇慎讀書  
莫道花源春色好弓刀也自備樵漁

謠言亂後又逢春敬慎威儀讀小口悲喜共分彭澤酒

安危難卜武陵津芄湖幽草人閒世聖磬花巾夢裏身

莫上高樓凌海望與君俱是未歸人

鄧孝威曰先生與公狄同寓入寶不

獨文字契合而身世之際關切最深于今交道中罕有其儔

李振裕

字維饒江西吉水人康熙庚戌進士官至戶部尚書

遊道堂詩話尚書父梅公先生流寓寶應尚書少與喬石林侍讀同受業於張孝廉虎臣罷官後仍居吾邑父老猶及見其卒時事不知其子孫何時返江右也

樂志堂爲喬石林賦三首

高館俯城北疏楹倚檻東入門苔草碧遲日蓼花紅避

世仲長統吟詩陸放翁主人親切意披豁任天風  
故人好池館吾欲老其閒薄俗惟高枕全身學駐顏江  
潮千里白風月幾人閒不謂塵區雜蕭疏似住山  
樂固從君好憂能放我閒好書常借讀韻事總相關自  
有庭中樹宜添屋後山經過渾不厭一醉一開顏

夏夜喬石林約汪叔定陳冰壑集樂志堂限韻送  
汪蛟門舍人北上余以事阻補詩三首仍用十

蒸韻

夜涼羣動肅初月傍簷升簡韻分題扇忘言但枕肱臨  
風依碧樹拄杖引紅藤隔日提壺處長吟愧未能  
賈生空嘆息長嘯有孫登憂樂古人異悲歌曠世增重



湖遲羽騎斷岸失魚罾有客將行邁炎途慎寢興  
有酒過長晝無家戀友朋新知連舊雨高館憶春燈世  
路難如此交情得未曾津亭吹玉笛離思互相仍

登臥佛樓

獨眺憑高檻花繁香滿堤湖平侵野闊閣迴俯雲低浪  
靜隨鷗泛林深任鳥啼山光浮霽景春暖正扶犁

宋

琬

字玉叔山東萊陽人順治丁亥進士官四川按察使

趙五立齋中讌集限郎字

登樓客半是高陽酒政無苛約數章南國山川悲庾信  
大江烟雨憶周郎桐餘深影留鶯語月有微痕試薜香  
莫向尊前增感慨漢京聞已諱長楊

送李素臣歸寶應

送客傷心出薊都朔風吹淚到檣烏  
難逢狗監文偏賤歸問鱸魚興不孤  
臥病幾年羞鬢髮故人多半在江湖  
相思試折南枝寄東閣官梅尚有無

施閏章

字尚白安徽宣城人順治己丑進士官江西布政使參議康熙己未博學鴻詞改翰林院

侍講

贈陶季

淵明生恨晚慨獨思黃虞詠言抒中懷自與詞人殊  
陶生豈苗裔憤俗多驚吁遠遊窮朔南述作勤舟車我友  
有楚狂高歌與之俱躡屩走京洛浩蕩如江湖不過五  
侯宅語默唯吾徒苦吟鮮貴士斯人老菰蘆鬱紆勿長



歎還讀古人書

元夕柬朱澹子侍御

今夕人皆醉情深是此筵相憐飛動意不記別離年漏盡孤城外天寒滄海邊從君看積雪月出倍嬋娟

寶應酬朱周禎

看君非泛愛一晤盡平生永夜春燈靜空階霽雪明壯年詩律老在野史書成酌罷射陽酒愁聞征馬鳴

見杞瞻河間集有偕王築夫作因憶及之

李膺爲政好聞與故人俱將母貧還出

築夫以母老不出遊論詩

遠不孤官齋留幾日客舍就窮途萬事漁樵穩思君返

璧湖

夜過石林時陶季陳冰壑舟次在坐用八齊

皎月當頭出朋來步履齊共圍黃菊坐何異碧仙棲文

字已雞肋行藏逐馬蹄憑君話名岳杖策好提攜

時陶季從

天壽西山同極言其盛

廣陵值趙五絃歸自慶遠

西江送別路偏長年鬢詩篇各老蒼萬卷隨身輕五馬  
孤舟落木下三湘官成家在笙歌地病起人歸瘴癘鄉  
見說登山復臨水拂衣何處不清狂

王士正

字貽上山東新城人順治乙未進士官至刑部尙書

送陶季之潞州

先生昔日登武夷鐵船峰頭看弈棋中冠荔支三百顆



酒酣自擘輕紅肌峰頭爛睡忘甲子坐笑曾孫生白髭  
張帆伐鼓下黃鶴欲濫三湘窮九疑披襟蘭臺發高唱  
快哉不辨風雄雌平生名岳屐齒遍風塵京洛嗟衣緇  
投我奇文浩千頃蛟龍大澤纏躑踞謂我四海一知己  
譬若莊休從惠施高齋茗飲坐清晝風爐活火分槍旗  
我時無事似犀首酒鱗浮動銀留犁豐臺紅藥花照眼  
驪駒忽告將西馳壯心猶作驥伏櫪適志無如泥曳龜  
我聞上黨天下脊當年潛邸傳臨淄飛龍荒宮沒烟莽  
斷碣髣髴開元詞紛紛梁晉夾河戰鷁兒萬騎陳軍麾  
錦囊負矢盛意氣歌聲慷慨留三垂時平不用弓箭手  
空老昭義千熊羆戰場下馬問亭長鬼燐颯颯寒飈吹

君家草堂臨射陂門前五柳藏東籬何時單舸徑歸去  
北窗高枕談黃羲

送朱秋崖歸安宜兼訊陳冰壑

北平太守老不封身經百戰關強弓平陵岸頭爾何物  
李蔡爲人居下中昔者應侯未入秦折脅摺齒難爲容  
一朝西行取相印故人馬食何匆匆丈夫不遇且蓬累  
古來雄俊將毋同愛汝朱干草堂好甓社湖北如吳淞  
釣船春入鰕菜市柴門晝掩菰蒲叢據梧時復同惠子  
上冢聊爾隨龐公當年我作淮南客落帆屢及桃花紅  
兒童習見鵝鴨熟濁醪爲我來牆東此邦佳士復有幾  
稍從湖海知元龍唱于唱喁樂復樂大湖漠漠來天風



自別淮南老鞍馬筆墨蕭瑟如秋蓬眼明乍喜故交至  
劇譚往往連晨鐘聞君此行意恟怳五湖春水磨青銅  
夢隨白鷗沒浩蕩覺來目送南飛鴻歸逢陳鉅相問訊  
余方袴褶騎黃驄

環溪觀玉蘭同朱秋崖陳冰壑

淮南二月好天氣八寶城中春鳥鳴溪閣客來尋舊約  
辛夷花發值新晴迴風雪霰當杯落遲日雲霞拂檻生  
杏葉柳枝俱髣髴驚心被禊逼清明

喬子靜編修見示使粵集旣爲序之復得一絕書

于卷尾

澧蘭湘芷供章句海雨江風生齒牙卻笑陸郎無此筆



歸裝空載日南花

程可則

字周量廣東南海人順治壬辰會試第一官桂林府知府

之官桂林道謁座主朱石崖先生

十年淹魏闕一夕到邗溝懼以風塵色深貽杖履憂擔  
簪常恨晚折柳不宜秋宦海炎天外迢迢孰與謀

當時逢伯樂翦拂冀長鳴詎失康莊馭翻爲折坂行掉  
頭無處所戢影負裁成再拜環溪畔飄蕭百感生

如師眞早達中歲卽懸車道路驂騑得簪纓蒨餘高  
天無弋雁芳沼有文魚白髮秋燈下長歌讀素書

古賢絲竹在數過後堂聞受教餘今日留歡記夕曛此  
行湘浦月遙指射湖雲捧袂知何所惟將尺素殷



拉雜尾畢逋鳥  
間鷹隼來睢盱精  
此鳥亦非愚精誠動天  
朝能使鳥白頭

新頭外島白觀

山島亦非沙跡驚懷天

奇驚車來頭跡

迹跡風車頭島



顧自惺 字友星江甯上元人

夏日趙五絃招集竹舫

綠陰深幾折老屋半閒藏竹木暗清晝風烟收夕陽情  
閑尊酒徑宦冷百年場卻自調冰水留人坐晚涼

陳玉璣

字廣明常州武進人康熙丁未進士官中書舍人

將抵寶應遇大風頻險有歎

萬里長安道鄉心耿不忘乾坤消濁酒身世觸危檣海  
月生孤嶂春星落大荒黃河猶未渡愁緒已茫茫

朱彝尊

字錫鬯浙江秀水人康熙己未博學鴻詞官翰林院檢討

送喬舍人萊還寶應

今秋甲子雨不絕小池殘暑風淒淒棧車難行瘦馬滑

終朝兀坐愁雲低有客上書臨欲去折簡招我斜街西  
房山香醪貯一石浮以觥角遲羅犀定州瓷盃白于玉

津門紫蟬團霜臍坐中曹

禾汪

懋麟

意氣古杜詩韓筆

名相躋草堂圖畫凡幾幅酒酣並起爭留題龍竿寺旁  
射陂曲中分一水名柘溪君家嚴君此游息翠烟繚繞  
含晴霓王官谷深城府隔武陵花發時人迷只今八十  
尙健飯過橋不用扶青藜郵籤此去秋未晚籬邊圓菊  
黃花齊連江峭帆檻外落一雙老鶴堦前棲衡門啟後  
綵衣入定使眼膜開金篋桓山四鳥雖折翼循咳庶免  
心酸嘶兼珍之膳娛永日靜觀節物移喧萋嗟子旅食  
尙淹滯懷鄉未得瞻秦稽送君沈吟數長路寸心千里



蘇林吳有已壽  
翻舍人

未  
王  
合

曹舍人  
朱汪懋麟  
舍人

雖折翼時舍人  
有兄喪



隨輪蹄維揚粳稻美自昔邇來厥土仍塗泥灣頭清水  
聞更決上流未築歸仁堤千村屋舍總昏墊可知鴈戶  
猶悲啼漕船萬斛挽不上荒岡斷岸何由梯太倉紅粟  
漸已貴曷歸長水親鉏犁期君歲暮白田上班草城南  
手重攜

喬侍讀一峯草堂看花歌同陸嘉淑周篋姜宸英  
錢金甫孫致彌查慎行湯右曾陳毅曾賦

疾風經旬不出戶獨客懶過三眠蠶今朝風定塵塼減  
女牆翠擁西山嵐修門池館綴金碧鎖柵未許停羸驂  
主人新拓百弓地中園卉木吾舊諳天桃濃杏雖已落  
海棠乍坼丁香含初疑徑僻經過少早有勝侶齊幽探

新松四尺挂席帽炙具一束攜荆籃絲頭毯展午陰直  
婪尾杯汎冬醪甘今年花較去年晚花信十猶餘二三  
長紅小白枝尙亞雄蜂雌蝶飛相參酒闌回憶壯年事  
於此晨夕朋盍簪燒瓷甕頭臥畢卓蠟板曲子歌何戡  
滿墀明月露濯濯繞屋垂柳絲毵毵十餘年來五易主  
魚牀潦盡成枯潭茅亭崩剝泥暗裂有若燕子留空龕  
仙源重過豈易得惜花老去心逾貪韶光三月忽已盡  
牡丹將吐房山南綠囊紅襪水精域鹿女微笑狸奴酣  
相期雙屐著謝客更借一鶴騎盧耽諸君偕遊恐不遂  
試與二老評花擔

水帶子歌爲喬孝廉崇烈賦



平山詩集  
卷二十七  
附錄

評花擔

謂周陸  
二子



水帶子環外虛其中九州以內制器不及此得非來自  
日本東刮磨者匠髹者工惟智創物變乃通置之兩腋  
下絡頸雙青纓中流踏浪如御風過涉不愁滅頂凶勝  
壺千金樽五石溺人一笑可以生我躬喬生手攜是物  
訪我梅會里自言來自射陂水黃梅時雨水稽天甕社  
湖流人罷市無朝無暮慮覆舟且喜今朝得到此挂之  
駝鉤壁上懸與論往事增悽然初聞淮南減水壩開設  
天子謂是一壩一口決俄而僉謀滋異同爾考直前  
奏事眞剴切迄今黃流泛濫軫帝念鴈戶豈得安其  
身桃花春水縱不發河堤使者毋遽誇平成吁嗟乎河  
伯不仁亦無害準備家家蓄水帶

同黃虞稷周在浚彭桂飲劉學正中柱齋

國子先生屋數椽晴窗齊拓衍波箋詩題史籀岐陽鼓  
書載汜光湖水船百罰深杯初度夜十年舊雨一燈前  
不嫌臥甕人來數日日牀頭釀酒錢

潘

耒

字次耕蘇州吳江人康熙己未博學鴻詞官翰林院檢討

戚烈婦詩

有序

白田戚氏婦亡其姓嫁之夕未合盍夫溺死池  
中婦悲慟留詩褥下亦自沈死洪武間事也崇  
禎時文文肅過白田夢一女子自言我戚家婦  
也有碑埋故里幸爲我發之文肅諗諸喬侍御  
侍御爲出碑建祠祠在城東北隅卽戚氏故居



也

戚家婦命何苦三星在戶未成婚夫死清池奈何許百  
年之好無一夕牽牛織女空相匹此身有屬將安歸一  
死從夫萬事畢遺詩決絕何酸辛英風凜凜垂千春發  
夢名臣憑正氣殘碑出土崇祠新人言烈婦可不死能  
死之人世有幾忠臣節婦根於心捐軀豈論恩淺深君  
不見西臺哭金門哭下士何曾食君祿

寄喬石林

疏狂我合辭金闕練達君胡返故園天馬能鳴驚立仗  
芳蘭無罪坐當門便違藜火青箱在任卸銀魚早帽存  
從古文人多挫抑翻雲覆雨不須論

日日聯鑣尙恨疏那堪五歲悵離居漫誇向子工遊嶽  
終遜虞卿善著書讀易幾人知損益看碁此日悟乘除  
興來千里能相訪銜袖新篇有遂初

重過縱棹園有感

園爲喬石林別墅

名園十載客重來依舊紅英覆綠苔影水山巖迷昔徑  
拂雲桐柳見初栽優閒元亮單車去強健文通素旄迴  
大好園亭難穩臥笛聲悽斷使人哀

汪

楫

字舟次儀徵人康熙己未博學鴻詞官福建布政使

陶季深歸自閩中爲尊人謀葬事詩以贈之

孝友尋常事吾憐陶季深墓門一片石遊子十年心瘡  
癘驅羸馬冰霜裏做衾醉來時痛哭落日滿楓林



湯右曾

字西崖浙江仁和人康熙戊辰進士官吏部侍郎

遊道堂詩話少宰少受知於侍讀喬石林先生館吾邑數年邑人士知交甚多侍讀典試粵西嘗挾以往詩中所言者是也

贈喬雲漸

昔遊淮海濱嘉會君子同別袂一以判十年阻西東讀書秋堂清漉酒春醅紅志士秉高節詎知道方窮出處理非齊離心抱沖沖連年相思札緘彼南飛鴻頗憂目近眚輕雲翳虛空端居結遙念何由豁羣蒙

君有東臯田近在射湖曲漫漫秋塍黃猗猗夏畦綠公家井稅畢伏臘資亦足河伯昨告災千里等沈陸肅肅哀鴻征啾啾飢鳥宿高人甘藜莧儉歲供饘粥時吟瓊

琚篇眩晃古光蓄松門微月上茶乳泛新馥澹爾靜者  
心詎爲萬物逐

喬柯有卑蔭清源無濁流束髮追羣彥與子心綢繆懷  
玉被布褐遐哉心白頭叩門知緩急稻粱非身謀昔者  
鄭公業衣食常不周又聞徐常侍傾家賣車牛懷君高  
世行太息前賢儔

紆轡指京邑投鞅暫淮壖四序紛迴薄感歎非朱顏堂  
上尊酒陳款曲平生歡深媿雞黍約凶年艱盤餐欲分  
俸錢薄踟躕未敢言兒郎皎瓊樹世業書一編小築松  
石下深心毫素閒勤當注玉液餘念且勿關

桃源曉發寄方若及無功介夫兄弟



雞鳴首北路不見淮南樹相望已相思別來曾幾時黃  
河流天外行子飛征蓋飛蓋去已遠黃河流不返願逐  
河上舟渡河入淮流河淮水同注到君門前住倘君烹  
河魚煩視腹中書

柬喬雲漸

淮南插腳二年住歲月過眼如迴飈蠨蛸入戶螬繞砌  
時慰幽獨來朋交書巢風義我師友一見便歎高山高  
叩門造請敢辭嬾木鐸謬與黃鐘調君眞採擇及葑菲  
明信謂可羞溪毛巷南巷北燈火近舍西舍東夢寐遙  
酒杯茗碗時到我肯令三日無佳招愛君散髮臥江海  
風味頗似斜川陶平生俗事不挂眼朱黃點勘忘昏朝

詩騷苦語肺腑出自煮何啻豚魚膏昨遣髯奴致雙鯉  
始聞謝病收羣囂遙知秋堂冰雪冷鳴簷夜雨風蕭騷  
要從歡喜生微恙用山谷語吾詩聊可供談嘲湖平木脫烟  
水闊獨雁叫羣天寂寥魚舫放浪發興極一閒脫手誰  
能邀少須健飯續前會三五同踏城西郊天公此福未  
吝與待放海月生烟稍

閏六月二十日王方若生日爲作長句

王郎生時六月閏到此始經三度逢乘除強弱到六麻  
坐覺儀象羅心胸古人推算法則爾爲子誇說如奇蹤  
君當招客我當賀一飲三百玻璃鍾西風初生梧策策  
劇暑未退號莎蜚海東月上聲影絕秋河一道來搖溶



擊衣四顧莫歎息且變愁寂爲歡悰明年四十君始滿  
赤手往看騎生龍不爾南山北山裏一鋪便作躬耕農  
鬢鬢垂髮百歲母二頃亦可謀尸饗況兼兒郎好筆牘  
阿侯玉雪看姿容一生辛苦毋乃僻那用萬戶爭先封  
是時我亦尋舊隱江南的的圍羣峯山兄漁弟足瀟灑  
墨場酒地思追從短篷倘肯勤過我待掃花徑呼諸農  
詩成放筆一大笑鄰寺忽打烟樓鐘

縱棹園四首

幽居適野性況此青林閒小閣夜來雨夕陽池上山風  
蒲翠影亂水鳥滄洲閑釣艇射陂曲扁舟時往還  
主人蘭臺客昔侍未央宮抗議赤墀側拂衣滄海東風

波去不息流泊始無窮寂寂著書地悽悽寒露叢

安步穿橋緩銜杯入坐遲水清磐石上風起夕涼時柳

下收魚笱蘆根立鶴兒鄰人暮吹笛長憶竹林期

流水撫遺軫鍾期失賞音逶迤泉壑地零落死生心

冒水池花夕連城海氣陰孤懷待明月有歎必盈襟

喬劒溪曰

縱棹園名流賦者甚多以少宰四首爲第一

### 桂林使院呈喬石林編修

漏永淒風響閣鈴語闌殘燭尙熒熒五湖南下悲身事  
百粵西來傍使星枕石本難敲處穩看花不礙醉邊醒  
途窮肯問諸侯禮歌舞筵中酒肉腥

### 寄喬侍讀石林



六年清夢繞江濱  
閒卻夔龍許國身  
豹尾昔陳天上事  
漁竿今作水邊人  
儒宗經術歸康濟  
汗簡文章識雅馴  
遙憶春風挑菜節  
萬條烟柳射湖春

次韻王樓村送桃花一本

立春後三日

點注天桃出小枝  
也看碧葉閒紅蕤  
江南三月屏風上  
寫遍徐熙畫裏詩

曲曲迴塘短短籬  
映門猶記乞漿時  
鬢絲禪榻春風少  
誰省三生杜牧之

王漢藻

字鶴山泰州人著有鷗吟集

過喬侍讀園林

若邪溪上幾人家  
盤曲周遭入望賒  
出水菰蒲青似染

接天荷葉好於花長橋臥月衝波直深樹穿雲繫艇斜  
聞道還山清夢杳溯洄幾欲賦蒹葭

查慎行

字夏重浙江海甯人康熙癸未進士官翰林院編修

二月六日舟泊白田橋無功介夫兄弟招同王方  
若飲縱棹園梅花下用東坡雨中看牡丹韻各  
賦三首

我來大河北青草四野無淮岸初逢春滿園蓓蕾珠雨  
氣入冰骨烟光潤苔膚池南有疏影竹杖行更扶

繞屋幾百本出牆忽一枝枝枝未全開餘寒尙相持人  
情向花葉幽討及此時何當爛熳辰共賞桃杏姿

不到逾十年草樹森然起主人漸頭白況乃吾與子

謂方



若對酒苦告歸斯言誠可鄙臨行還被肘勸我嗅花蕊

挽喬石林侍讀

本朝治水關全局東下狂瀾勢難復先生獨以手障之  
言卒施行身蚤逐徵車北來全家懼舁櫬南歸萬人哭  
百年陰德被淮揚公在九原應瞑目

送劉雨峯出守眞定

我初遊學來帝京漁洋夫子官司成君時實助四門  
教相臨以分稱師生眾中期許良獨厚灑脫不用常格  
程過從往往得一醉叩發談藝交縱橫感君磊落有眞  
意惜我遲暮方成名五言投贈竟長幅意氣邁逸聲鐃  
鏗迴環首尾二十載我鬢漸白君顏頰郎潛索米豈不

久一麾出守今專城風前五馬五騏驎叱馭快作西南  
征橐駝載書車載酒綠楊夾路聞鸝鷀常山古郡接畿  
輔沙泉瀏瀏欣相迎紅蕖繞郭雲錦爛白鷺下浴滹沱  
清行人六月汗如濯過此盡愛徐徐行誰歟妙手爲補  
繪鈴閣何必非蓬瀛我今一官在羈鞅欲往相就心搖  
旌中山釀熟幸郵致母令肺渴枯腸鳴

泊寶應喬介夫枉過舟中兼餉家釀

翼折桓山烏喬家季獨存再過城外路及踐別時言

春初

介夫在京師聞余有長  
告意初未之信故云

風雨藏書屋鶯花縱棹園

向爲尊甫

侍讀公作縱棹園歌又爲  
令兄庶常君題兼葭書屋

舊題如夢寐負此酒盈尊

白田喬侍讀有家伶六郎以姿技稱己巳春車



駕南巡 召至行在曾蒙 天賜自此益矜寵  
庚午四月余從京師南還訪侍讀於縱棹園酒  
閒識之有青衫憔悴無如我酒綠燈紅奈爾何  
之句時東海徐尙書射陵宋舍人慈谿姜西溟  
俱在座相與流連彌夕而散去冬北上重經寶  
應則侍讀下世旅櫬甫歸余入而哭之盡哀何  
暇問六郎蹤跡矣及至都下聞有管郎者名擅  
梨園一時貴公子爭求識面花朝前八日翁康  
飴戶部相招爲歌酒之會忽於諸伶中見之私  
語西崖曰此子何酷似白田家伶蓋余向未知  
六郎之姓也西崖旣向余道其詳竟酒爲之不

樂口占四絕句以示同席諸君

鬢影衣香四座傾  
風流爭賞米嘉榮  
就中唯有劉賓客  
曾聽涼州意外聲

阿桃花外小池臺  
潏灩觥船一棹開  
春色滿園人盡妬  
君王前歲賜金來

一羣穠豔領花曹  
頭白尙書興最豪  
記得送春筵畔立  
酒痕紅到鄭櫻桃

茶烟禪榻隔前塵  
存沒相關一愴神  
自琢新詞自裁扇  
教成歌舞爲何人

邱

迴

字長孺淮安山陽人貢生

過白田喜晤喬慕韓



遠望常遙念相逢意自親  
衰猶貪夜坐語不記杯巡  
蘊熱林風解流光野月新  
白頭知不舍所悵限河津

方扶南

字息翁安徽桐城人

荅慕韓見贈並送歸里

江淮留滯涉冬春高會無如老病身  
夜半紅燈愁酒令潮來白舫愛詩人  
俗情脫畧談諧古僞體消除比興真  
我正欲歸吟吻倦與君酬唱長精神  
客至寒溫君論文閒情高似嶺頭雲  
海神畫去嫌麤醜山鬼跳來泯見聞  
下榻幸聯情繾綣歸帆將挂語紛紜  
同聲那得常同聚南浦圓沙雁起羣

沈德潛

字確士蘇州長洲人乾隆己未進士官禮部侍郎

夜過喬慕韓寓齋讀近詩及說詩二種成古體三

章

良夜過寓齋中庭坐吟席星朗天宇空月澹露華白長  
安車馬地巖扃共闌寂坐久如吾廬渾忘主與客  
敖辟競繁音孤琴發清響元言味無味叩虛超迹象慮  
澹遺世榮病多斷凡響倘逢方子春移情共心賞  
寸心鎔羣書譚藝秉獨見片語括古今百家歸貫穿臬  
樹影自紛雜鳴夜方旦悠悠世上人無爲渺河漢

方觀承

字宜田安徽桐城人官直隸總督諡敏愨

舟次嘉禾喬慕韓雨中來訪

相思阻淮海相望忽江湖雨驛帆初見星槎雲不孤論



詩依靜夜間俗媿前途坐久掀髯笑烟波跡未疏

高郵再晤慕韓

六年離合夢行處覓金堤

已未視河晤寶應舟次

一水舟相及餘

情手重攜竹林高屐會

兩令姪隨侍

桂樹小山棲載酒慙孫

覺 王程祇覓稽

萬邦榮

字西田河南襄城人康熙庚子舉人官山東莘縣知縣

讀小獨秀齋詩

嘈雜箏笛場獨奏龍門琴朱弦而疏越三歎有遺音明  
知解人少但抱寂寞心峩峩高山頂湯湯流水潄我方  
客京華殘雪明牆陰終卷清風起颼颼寒松吟瓊枝入  
夢想饑渴良不禁引領東南望白雲一何深

邱 照

字侶遠淮安山陽人諸生

同人泛舟畫川

一棹浮春水山園寄興幽蒙茸穿石徑盤礴恣林邱映  
水花無賴鳴春鳥有求烟光從向夕吾意正淹留

邱

謹

字庸謹淮安山陽人選拔貢生官六合縣教諭

同人泛舟畫川

春風入巖壑水木共清柔輟棹長虹擁連山暖翠浮廊  
階分小憩歲月數前遊不見陰霞起高城日隱洲

寄懷喬慕韓

離居歲月久歲晚雪風寒以我鵠原痛憐君雁影殘望  
雲傷遠道履運益憂端徒然思後會知鮮舊時歡



言懷奉答喬慕韓

三年春草夢悠悠望遠傷離可自由共道嵇康偏嗜嬾  
應知沈約本工愁西風落葉芳時晚細雨寒燈獨夜秋  
多病年來觴詠聞勞徵新句若爲酬

袁

枚

字子才浙江錢塘人乾隆己未進士由翰林  
改官江甯縣知縣

題王少林北征集

江左烏衣客河梁白馬行探花金谷樹聽雨洛陽城古  
蹟歸游子中州得正聲遙知年少目不讓賈生名

愛汝新詩好傷予舊雨寒阿戎如此秀大阮不同看風  
斷山陽笛花開謝氏蘭憐才兼憶昔掩卷淚闌干

傷孟  
亭先

生

立春前一日與徐鳳木朱草衣集孟亭溪上草堂  
一箇溪堂六酒人先春一日共尋春羹調小婦麤俱妙  
月近元宵舊復新風作半琴鳴竹外燈分雙葢鬪花身  
明朝擬踏銀橋市各戴華陽自製巾

哭王孟亭太守

難遣巫陽叩帝閭生芻一束酒盈尊故鄉采麥成長往  
旅館遺孤尙候門粉壁未乾題了墨江風應送欲歸魂  
編年詩放靈牀上待我重泉再細論

意氣公然盛孝章三朝鶴髮老名場虞歌醒我千年夢  
舊雨添君一笛霜卜宅臨江悲庾信養生空論笑嵇康  
青溪風月從今始無數梧桐變白楊



曹錫寶

字鴻書松江上海人乾隆壬申進士官給事中

懷喬劒溪

天涯有知己高臥射湖濱消息經年斷心情兩地親  
詩憐我共苦調與誰鄰一夕思嘉會愁看月色新

王文治

字禹卿鎮江丹徒人乾隆庚辰一甲三名進士官翰林院侍讀外授臨安府知府

東淘舟次同嚴東有家少林夜話時少林將歸寶

應

日落暮山靜悄然秋月生清輝不覺遠但與涼波平  
預念明晨別難爲此夜情頭顱已如許猶自絆浮名

秦郵守風先寄家少林

天涯昆季少人事別離多復此風潮逆其如歡會何  
暝

烟生遠樹涼月起寒波爲我留家醞明晨冒雪過

酬朱直方

光陰何太駛一別卅年強以我顏難駐知君鬢已蒼三  
冬愁日短一水覺天長貽我新詩好無能成報章

舟中與少林夜話

眼底眞成萬里人燈前爲我少逡巡紅塵一任奔車過  
碧落誰憐野鶴馴酒賭揚州如昨日花開上苑又殘春  
未知後會當何處對榻重將此夜論

陸飛

字啟潛浙江仁和人乾隆乙酉浙江鄉試第

遊道堂詩話篠飲丈工畫山水少時使酒罵  
坐旁若無人得舉後以唐六如自命尤自矜  
貴畫不苟作與先君子同客宿遷遂成莫逆



贈朱興田

清淮汨汨春流通白月夜皎揩青銅主人未歸客初至  
銀盤燼落華堂紅文壇角逐方長雄葦山敢以游騎攻  
就中有客最桀驁朱家磊落氣若虹刻期五日治輶衝  
孤軍卻走餘空杠檐梅一枝聊慰意冷香飛入酒盞中  
劇譚清讌何雍雍三更抵足挑殘缸中庭獨鶴意良苦  
時聞哀唳同征鴻倏來河上浩呼洵公無渡河悲回風  
大聲吹野地欲旋洪濤拍雲天怒春萬里蹴踏驚魚龍  
急雪晝下陰濛濛夜魂瑟縮伏不動有夢不敢飄孤蓬  
燒春滿酌留犁鍾以酒發興語漸噉率爾詩成爭脫口  
狂吟或震河北宮卸帆連日心猶忡衝泥陟陸行驅蛩

平生亦復事忠信脫險未必非神功丈夫行役各有胸  
焉能屈曲取世容羨君長身勁且直凜若冬嶺森青松  
君行簪筆爲詞宗我甘持竹隨鳬翁立身要自有素業  
立言詎肯如寒蟲天涯飄泊雙萍踪邂逅且得資磨礪  
妄擬前賢還一戲朱陸由來無異同

李鳴謙

字得心江都人乾隆乙酉選拔貢生

寶應舟中別朱雁橋同年

北征旅夢促匆匆懷故鄉握手得舊雨並轡東山長中  
途誦君詩溯漢兼三唐渡河乘舫艫風雨聯匡牀君忽  
整行色詰朝弛歸裝吁嗟聚易散此境殊靡常富貴浮  
雲迹性情宜徜徉湖鱗耀鮮色塘花點素妝蜃氣向君



發鄰珠借餘光

沈植基

字繼堂浙江仁和人廩生

癸卯重過白田朱孟實昆仲以次招飲賦此志謝  
排日叨佳宴銜杯溯舊游異鄉今雨集同調古風留最  
喜依珠樹應拚醉萼樓後賢能繼武經史衍箕裘  
近市盤飧渥殷綿兄弟心神交千里接夢契卅年深徧  
訪芝蘭室頻過翰墨林明年仍撥棹問字擬重尋

吳

進

字楫堂淮安山陽人諸生

夜過寶應不得訪喬劒溪先生

夜黑風生岸人稀鐙火微地遙懷自永居近勢偏違亂  
犬迎船吠輕橈撥水飛片時城郭遠惆悵霧烟霏

朱

質

字二亭甘泉人

劔溪喬丈招同劉孝廉步辛宗兄孟實弟興田理

質小集分賦

詩格愛和平人猶詩格清太羹多至味雅樂少繁聲金  
紫輸同輩文章起後生欣君家釀美一慰渴羌情

挽宗弟興田

昆弟兼師友君真無閒然樂貧天爵貴復性聖功全年  
壽理難必膏肓疾不痊平生遺恨在萱草北堂前

丙辰初夏寄直方代簡

綠滿庭陰過去春落花飛絮黯微塵行藏我豈殊流輩  
懷抱君能愧古人林下薰風舒蕙帶湖干碧浪蹙魚鱗



暮年兄弟勞相勉敢比臺佟是逸民

程名世

字令延儀徵人候選通判

白田潘節婦詩

節婦少寡無子舅姑奪志不從因力役於劉氏  
劉惟女主且善待下遂相依焉越歲主沒當更  
傭於人時主有姒亦嫠居無子而貧門逕罕人  
迹乃往依之以終身焉節婦常曰女子從一而  
終予之不更適宜也獨是嫌疑間有不可不慎  
者使予有子或足衣食將終守房闈不出堂闕  
不幸爲人傭不擇地而處雖白壁不磷終自慙  
爾故歷事二主未嘗向男子交語噫若節婦者

可以風矣例當請旌以貧名未上於有司余  
恐久而遂湮作詩表之

士人之束身比德與璠節婦之立操志在松筠閒憶  
昔事良人方期共團圓何意中道絕明鏡悲孤鸞鬢髻  
鍵雙戶廚冷斷饔飧傭身隨女主敢云吾力殫未幾主  
又死孑身難久存主妣亦老嫠服勞奉朝昏終歲鮮人  
跡一室如深山嗟哉節婦心愈久操彌堅滔滔西逝波  
誰與挽狂瀾丈夫苟失行辱身常覩顏矧於閨中婦白  
首無纖痕令名遺彤史作詩起長歎

集象林齋中遲漢亭不至

招涼修竹中待客清溪上落日翠色陰微風綠波漾空



谷絕蛩音情懷各惆悵高原叱犢歸遠浦聞漁唱幽人  
期不來銜杯勞佇望

瓶梅初開象林見過卽留小酌兼以志別

數枝折得故園春一棹將拏放未勻自是歸期太匆促  
翻疑花信故逡巡良宵吟席成離席空館留人復別人  
及到蜀岡看似雪相思又憶柘溪濱

李榮

字明河浙江錢塘人

遊道堂詩話散牧嘗客令幕與邑人爲文酒  
之會絕口不言公事有問之者卽拂衣而起  
論詩作畫率多散佚茲錄自壁閒扇頭者

寶應湖櫂歌

鴨綠鶯黃染未勻林梢一抹晚霞新夜來幾陣疏疏雨

早起鶯呼暎網人

處處柴門向水開  
綠筠疏密閒青槐  
侵晨打麥乘船去  
日暮潮中趕鴨回

一色蒹葭遠近鋪  
周橋烟雨望中無  
停橈指顧高家堰  
今歲淮流不入湖

重湖產得錦鱗鮮  
香薦揚州玳瑁筵  
只爲漁娃貪曉睡  
誤他多少販魚船



曾孫壽鏞

雲生

壽銘

蓮生

綬生

壽彭

元孫孫開同校字

武王將開同姓

書

終主

書

書

書

書





